



馬中丞祖常

國朝

元

高祖錫里

祖常字伯庸世爲雍古雜居清州之天其高祖錫里
吉思當金季爲鳳翔兵馬判官子孫因號馬氏曾祖月

合乃從元南伐留汴後徙光州祖常七歲知學延祐初

貢舉法行鄉貢會試皆第一廷試爲第二人授應奉翰

林文字擢監察御史劾奏柄臣鐵木迭兒十罪罷之柄

臣復相左遷開平縣尹因欲中傷之退居光州鐵木迭

兒死乃除翰林待制累遷禮部尚書兩知貢舉一爲讀

卷官尋參議中書省事參定親郊禮儀元統初拜御史

中丞轉樞密副使辭歸起爲江南行臺中丞又改陝西

皆不赴至正四年卒年六十贈河南行省右丞魏郡公

謚文貞伯庸文章宏贍而精核刮除近代南北文士習

氣而專以先秦兩漢爲法與姚文公燧元文敏公明善

元詩選

石田集

一

秀野草堂

下貞

實相繼後先尤致力於詩大篇短章多可傳者所著曰

石田集以所居有石田山房也浙東廉訪蘇天爵請于

朝刻以行世序之曰公詩接武隋唐上追漢魏後生爭

効慕之文章爲之一變與會稽袁公蜀郡虞公東平王

公夏唱迭和金石相宣而文益奇史官陳旅亦曰公古

詩似漢魏而律句入盛唐散語得西漢之體文宗嘗駐

蹕龍虎臺祖常應制賦詩尤被歎賞曰孰謂中原無碩

儒乎

都門一百韻用韓文公會合聯句詩韻

返躬操耒躬奉身寡帷幕田居水春禮城宿霜鳴柝凝塵尚

沈冥幽賞任飄泊行歌鮮同歡起舞真獨作嘯詠氣頗雄攀

躋力或弱樛木植幢蔭醜石掀獸惡心恥婦女仁志薄遊俠

諾校書揚雄官入粟卜式爵娛情愜禽弄失意被蜂蠶佩屨

侍殿陞觚牘宴館閣傭童餉棧駒賤婢占屋鵲上書願封禪
監祠議嘗酌紅瓊綴花房碧刺胷叢薄春旗天仗浮秋駕星
河涸補袞子何能懷祿我所忤英名襲蓮炬貴籍謝魚鑰造
謁每報然循默譬沃若壁蝸涎篆欹穴蟻戰壘却組繡紅縷
連卷畫翠色著卿雲巵邑屋瑞雪塗郭郭羣儒修麟經諸將
宣豹略請劔斬樓蘭傳檄噏切笮賈區紫貝粲酒鑪銀甕鏢
潑刺繪翻砧郭索蟹就縛水戲鬪魚龍山蒐獻熊獲奇服燕
姬蛇僚語滇童愕東郊買鬪雞西市賣馴鶴宛宛綠項鳳濯
濯紅頭雀豪僧佛宗開大巫鬼物託迎祥有時和驅厲無早
虐漕粟大庾盈賦秬崇詹錯園虎割肉喂鞞鷹搏禽嚼荔丹
貢甌閩橘顆苞沔鄂能賦皆鄒枚飛翰盡盧駱未央曲罍思
長揚市羽繳閑棋遇笑仙雜劇坐忘瘡攸飛頭虎毛刑官面
瓜削朝儀徵魯生廟獻賓商恪天池漾文波海島通潛壑婦
六十九
元詩選 石田集 二 秀野草堂

功春蠶溢穡事秋田穫器美鏤桐梓冶良鑄錢縛街樾布虛
陰觀闕翔寥廓治廷播訓敕清邊禁剽掠窮髮多馳蹄句麗
醢熊脚詰姦鉏大猾恤隱發深瘼靈圃白獸游禁禦黃鵠落
時方追古治事乃繼疇昨巢檜尚羊裘革門仍葦箔周封表
鎮望禹畫首河洛聲名惜馬纓音律辨牛鐸郎署紆銀艾王
邸施丹墀轍浚千車馳塵空萬馬躍碣石入渤澥太行分嶺
粵士女工鞶絲王孫帶河橐清明日月懸統正宇宙拓分行
下觀風立聽上宣噩服官綺纒屬虞衡鞞旁魄牯贖販澤國
乳湏給沙漠木禾神所食石蜜刀乃斫天樞夾杓垣日畿絡
雄莫鼎豈以金鑄山豈以銅鑿戴憑席重重周舍言諤謬錫
宴屬在鎬咸秩亟祠霍造邦象郅室立法簡漢約吾生類鳧
鷺賤跡雜免貉囊書爛星芒匣劔瑩霜鏗雨耕稗頻耨月斲
石或搏尋真養三芝求方問五藥傳奇存山經輿地指井絡

悠悠秋翦菘晏春食藿親歡戲假面客至樂吹簫恃才頗
優游使酒漸諧謔山滾木敷榮野迴鶴寂莫擔簦踏槐黃墨
被聯棣萼移官居旂常職領專錚鑄遮塵帽頂席隨俗屋蓋
翦俸錢具菹醢飲餒嘗營臙孤危衆易傾獨立古難卓徒跣
防毒蛇空拳困狂狃出弊季子裘入舍居士屨海運知化鷗
泥蟠見屈蠖門高譽荀龍才逸薦禰鶡逍遙投壺歌慷慨擲
骰噫有興卽騎行無疑豈龜灼俎豆觀揖讓賓介謂獻酢風
樞李涵冰日幌櫻衰酪鄰饑馬通變市醉羊屠臙耘德鈔礪
刃稱藝弩引彊任情受世疵肆志揆古博奏賦始中程諫獵
終失度不念嫠恤緯已謂童舞勺寢興避避彈射周折準規獲
襍被丘中琴揚舲池上酌桐孫遊空枝竹穉穿石籜南翁日
種漆北地日產柞蓄厚用不躓材衆工豈格甘泉祠猶清西
河居乃索菁莪採衢謠湛靈興徒号帝仁載大輿臣詩埒微

元詩選

石田集

三

秀野草堂
印頁

壯遊八十韻

十五讀古文二十舞劍器馳獵漆洧間已有丈夫氣裹糧上
嵩高靈竒發天祕燈熒三秀芝爲我擢架翠空青丹銀品伏
龜鏤文貝駢羅星辰精附麗日月會紫鳳友朱鷺翩翩劇翔
戲飛閣舒鳥翼懸泉瀉珠琲磨崖見古刻應是列仙記捫蘿
欲登觀苔滑阻凌厲煙霞蒼蔚躋霧雨蕭颯至余時戴箬冠
綠壁照縞被檀爨有磐石真人每同憇北臨黃河水濁流觸
天沸蛟龍逐鼉鼉鱗介滿水喬衝波崩金隄萬夫廢稽事官
家憂其勞玉馬歲沈祭江淮畫鷁船夜上誦嘒嘒魚鹽不直
錢寡婦豈拾穗釀酒相呼飲顛倒再拜跪中心忘嗔訶縱談
詆漢魏三十能歌詩鄙薄雕蟲技不冒學仕宦慷慨負高義
持錢送酒家觴至卽一醉羹芼谷筍飯煮山陽糝莪冠擬

魯儒短衣真楚製遠行揆禹穴六月剖丹荔巫峽與洞庭彷彿蒼梧帝三吳震澤區幼婦蛾眉細唱歌攪人心不可久雷滯沿淮達汶泗摩挲泰山礪聖鄉有凶書求道亦容易童子操觚贖價重麒麟蜀京國天下雄豪英盡一世舞羽肅文教棗甲飾武備馬跡見騰塵車轍聞夏韡翬騫天觀起鱗雜井屋綴千畝開靈潢馴象浴其泖我皇拓文場羣髦咸戰藝汨予黔婁生言辭因絺繪但幸晁董死收拾在等第臚傳下閭闔恩澤承滂沛春雲覆林塘雜花懸火齊詞垣正舒華吹竽獨無喙執筆御史府羞縮如牡蠣彈評則春秋齟齬失剗剗問俗西夏國驛過流沙地馬鬣首蒼根人衣駱駝毳雞鳴麥酒熟木柶薦乾薺浮圖天竺學焚尸取舍利安定昆戎居貪鄙何足貴返途歷郿岐原田表古啜宛宛陶穴民艱難謀樹藝驪山葬秦魄茂陵迷漢窳黍離悲故宮脩竹編清渭日入

元詩選 石田集

秀野草堂

香三

四

狐狸驕天陰蟠螭翳温泉山津陽古瓦識唐字關河隔山東華岳秋夏霽首陽餓夫薇霜露已憔悴鑄牛挽浮梁恍惚水所噬晉俗棗齒黃冀馬電蛇駛井陘阨維太行逼象緯煌煌日圍近赫赫天人瑞田舍植汶篁郵亭擷吳桂優游逢化國俯仰詠樂歲豈用百二險自乃十一稅北都上時巡扈蹕浮雲騎宴鎬帳殿移拜洛周盧衛巖空山櫻繁川曲紅藥膩列障敕勒塞萬里靜烽燧九節菖蒲良貢筐充藥餌疇昔閉戶居耽讀未見試三年不窺園自謂五經笥四十得俸祿僅可給美饍誰能薄淮陽不作鴻臚寺簡書畏懷歸弧矢示初志振鷺方擢質冥鴻忽垂翅感歎對囊螢與言友荷蕢諒非廊廟具頗異市井輩當曳鄒陽裾願擁文侯篲

贈客

曼嶽擢蒼蔚繁英粲紛葩銀繭霞已積翠幢栢方遮劇飲肆

豪縱清談宴賓嘉叫嘯虎當巖趨踰鶴行沙聯蛾聘趙女貫
珠唱吳娃露庭汎蘭叢風闌透窻紗魚泳文波圓禽翔喬雲
斜逸樂諧金石清真况煙霞洗藥秋汲澗種秋春燒畬寓言
託莊列潛心著義媧所貴丘園賁終然心匪遐

送袁伯長歸浙東二首

龍角不如犀常不生馬廐麟趾不如牛終當在君圍我行秦
山阿日觀望朝候見子被雲服家居夾靈鷲揖之不得近跂
慕塵光後

雞鳴戒僕御具食起就塗僅取資給周豈謂車騎都行過青
齊野忍見人逃逋翁姑纍帶索跟脛無完膚卽欲與盤餐但
可飽一夫遲遲去國旌能得不疾驅

西方樂

魯郊秋已淡西樂多蒲魚日莫積霪重維舟月生初露凉水

元詩選 石田集

五

秀野草堂
下真

禽宿雨晴豔芙蕖擷花結楚佩宛若湘南居

春雲

高雲起城闕流離度庭樹依風拂迴塘波瀨光影注荒林帶
疎煙照日亂縈縷婉孌連浮陽空明映淒霧嵐翠含玉暉景
采滿巖嶼逍遙幽賞諧緬邈世娛阻

賦海月送彭君教授九江

江月照人近海月涵太清大地積微塵何能翳其明遡光麗
陽耀陰魄獨含精况爾朝夕馳呼吸成虛盈持茲燭玄造萬
類無遁情彭君忽起捐子以知言名

飲酒五首

進士當盛明自謂非時才狂斐學文字無聖爲我裁二者俱
寘合終令智士哈斯旦已陽春對我聊持杯祖母在堂上小
孫方稚孩俯仰見五世居生豈悠哉

簡編有重譌折衷無權衡黎庶有重困救藥無持平昔者賢
聖出屯蹇躋其身躋身不躋道龍蛇果能伸棄置姑飲酒陶
然會天真萬物各遂性雜沓向我陳

考妣早棄我得祿不逮親幸茲有祖母九十康強身我情終
不樂日思我親仁襁抱免水火少長俾知倫出入鄒魯俗用
變宿習因植松在淮山稼田爲齊民興念輒涕泣有酒亦遂
巡

昔我七世上養馬洮河西六世徙天山日日聞鼓鑿金室狩
河表我祖先羣黎詩書百年澤濡翼豈梁鶉嘗觀漢建國再
世有日磾後來與唐臣眉裔多羌氏春秋聖人法諸侯亂冠
笄夸禮卽夸之毫髮各有稽吾生賴陶化孔階力攀躋敷文
佐時運爛爛應璧奎

嗟哉寡諧合蒼髮禿不齊觴至卽飲嚼猶恐逢訶詆衆人以

元詩選

石田集

六

秀野草堂

儒進我不限吏資入官養交譽惟恐不合時含笑作雅詠遭
罵亦詭隨出入踐華要誣諉成其私積階漸崇貴剽獵章句
辭鼓頰說古今證據稱云爲斯世豈可誣小夫甘自欺興言
發喟歎飲者終不知

畱別沂州張君仲

揚舡下彭城分颿上沂水與子作別離春言重徙倚曩在京
華居連室同井里出則馬轡一作聯入則衣被比今也一作各散

去相顧意未已我操田器歸子執州符仕慎勿輕此身期以
善自止

觀耕者有言

庶矣新田殖疲民得無飢先輸公家賦又足食其私老父捐
我語歲功實由茲勸農古有官助給牛種施今官亦勸農行
田吏奔馳爾去告爾長我自安無爲

禮部合化堂前後栽小松

買松栽兩階綠髮已可梳恐是女元君截鬚生地腴遲爾千尺長下產黃琥珀服以安心神飛身作仙客

寄六弟元德宰東鹿

我有六兄弟我長汝最幼我長守田廬汝幼侍親右跋涉萬里途隨牒越閩岫親復當官清晝坐寘宴豆教汝讀詩書夙夜獵文囿不幸親棄子萬里汝扶柩汝兄元禮賢斬服攜汝走我自河淮南迎喪匍匐救號哭天不應崩裂屢顛踣歸安桐鄉阡銘文手自鏤買石壘古儀樹栢夾漢獸俯仰歎存沒今茲霜露又汝今出作縣我偶尚書筮戒汝憶親教公田代耕耨汝素謹禮法口未見嗔詬更宜歌我詩無視我老謬憔悴傷民恫恚忿兩莫鬪縣政書考功同去聽山酒

端午效六朝體

元詩選 石田集

七

秀野草堂

卅頁

修篁發秀林新荷疊芳池采絲擷霧縷紗縠含風漪蕤賓應樂律端陽正歲時馥馥蘭湯浴澹澹蒲酒持漢宮鬪草戲楚船張水嬉江心鑄龍鏡好用照湘纍

移梅四首

幽屏逐魚鳥沈跡儔隱淪所欣在林藪嘉植日以親眷言江介品紛葩號南珍遇我好奇服移根得良因井井十畝園菁茆蔭澗濱縞裳擢玉質宜此空山春

始逃爨下厄復脫燎原焚結根園畝間炯炯臨水瀆疏華照歲莫綠芻栖寶熏春陽桃杏繁鼎實獨已先邀情愜真賞來置我石田北枝散餘霞苔光生碧鮮

玄冬陽已復仙葩綴疏星隔浦映碧竹隨風墮寒燈我來刈薪蒸弛檐南山陘攀莖嗅馥擷英嚼芳馨膠結灌木叢顏色無光熒彷徨未忍棄洗濯歸林亭

植爾當庭隅豈復資鼎味遷爾自谷中豈復相嫵媚列列玄
冥候衆植各浮脆高標自凌寒孤尚獨冠歲么禽何處來飛
下雙羽翠

初二首

初日照我樹我樹日華滋檀欒綠陰合四顧無曲枝盛暑熾
煩歎其中有涼颺成林蔭千畝棲息任所宜
初日照我書我書在東牖赫矣先聖言天地相永久秦火雖
燦原其灰爲世壽人文待茲成老死學敢後

史館閑題二首

騎馬到畫省冠佩趨几筵豈但文字美所樂長官賢京國足
府寺金穀相百千飛書日雜選奔命思不先肅肅館閣嚴操
瓢績簡編上有日月光下有草木妍森羅大象列俟此言語
宣蹇予昧儒學羣髦辱官聯遭逢賴明世益喜身悠然

四支

元詩選 石田集

八

秀野草堂

畫省真仙居華屋映丹樹青石倚闌干松髮沐雲霧綺疏刻
連錢承塵畫翔鷺中有河漢文夜溪室光聚玉函黃金鑰太
史自侍御河上一豎儒伊吾誦章句偶趨彤庭詔詞林邇天
路雖樂文雅懿終慙紬繹誤

擬古

長安青雲士任俠日娛遊千金爲人壽萬金買名謳小舅拜
郎官女婿恩澤侯出入意氣盛歡樂不知憂銀枲薦海品羊
酪乞蒼頭生逢承平世死葬崑崙丘

登都北神山醉中題壁

過溪踏瑤瓊入山采蒼翠仙官名神山下負六鼇背我來訪
丹藥羽人已千歲清嘯響山谷幽姿媚松檜白水從北來南
與衆川會開窻目沃野千峰儼相對自是山林樂何但官爵
貴買田釀清泉里社日相慰詩成悵如失天風逼衣被東望

鄒衍廟杯酒可遠辭談天劇當時古屋尚粉繪騎驢獨歸去
人世空一嚼

種桃

種桃南山麓三歲不得實種瓜東郊園擷之在百日豈不思
遲莫終焉有常食如何種一作植瑤草千歲始一獲

擬古

驅車上疾坡六馬汗滿溝解航下急瀧百夫不能留微機有
逆順無用卜筮謀車遲或可安航速或覆流

度居庸關次繼學韻

飛鞚陟雲巘波皆盡圖畫天氣吹高寒山雨灑長夏冥冥白
鳥去寂寂松子下陸行石當途水春泉繞舍高與蜀道齊溪
乃盤谷亞筍輿約重來羸馬苦常跨朋從詠連壘酬應給閑
暇得見王子喬吾將驂鶴駕

習六

元詩選 石田集

九

秀野草堂
卯貞

題惠崇畫

龍門千尺梧桐樹多在石崖懸絕處上有古巢生鳳凰鳳凰
臺高山水長吳蠶入繭白雲絲畫史落筆光陸離江天萬里
莫射鴈春草年年出湖岸

淮安路池山

淮浦蒲花秋渺渺淮岸楊花春裊裊白魚初下酒船來十里
風煙隔飛鳥吾生欲向淮安居更聞池山好田廬濯足滄浪
箕踞坐不問朝家求聘車

贈陳衆仲秀才纈雲辭

纈雲織波射金水郎君水西著皮屨南陌紫塵十丈高捋鬚
買酒意氣豪萬里將書憑好鳥荔枝千顆圍團小天津不隔
少微星閭闔門開夜光曉

湖北驛中偶成

江田稻花靈始零浦中蓮子青復青楚船祠龍來買酒十幅
蒲帆上洞庭羅衣熏香錢滿篋身是揚州販鹽客明年載米
入長安妻封縣君身有官

李後主圖

澤國中寒歲年宴沙嶼潮痕明石棧風吹半樹野梅發天上
書來問春鴈江南後主丹鉛手畫盡冰絲世無有官中長晝
諫囊稀媚嫵吳娃雙進酒

寄鄉友

河邊老父念我出遠寄京華書一行謂言白髮今多少又報
南園竹樹荒門前石田耕秫熟犢子新生走如鹿莫戀官家
有俸錢長年作客身如東

題明皇端箭圖

寧王玉笛吹鳳凰桐花秋露宮晝長開元天子忽思武手中
四言元許選石田集
十
秀野草堂
金箭照眼光何物羣婢出後房羽林孤兒射殺將坐中凜凜
無漁陽

上京書懷

燕子泥融蘭葉短墨墨荷錢水初滿人家時節近端陽繡被
羅衫雙佩光共笑江南五雜組畫鷁浮波供角黍沙苑射柳
追風駒古來北地爲名區

室婦歎

南陌日長春已半天風猶寒室婦歎咄哉室婦爾何爲卉衣
廩粟充凍餓飽煖無憂樂以嬉乃此屢歎將有私室婦涕泗
言復咽食鮮被良焉足說近聞官家賑貧民雄保諸州已捐
瘠翁姑帶索行纍纍弱兒失爺夫失妻哀號邨空野樹槁
部屋見斗餓鼠號縣令具名報大府星火符來應期聚索錢
買餅飼公卒書券質田問鄰主艱難憔悴不易狀誰實爲之

俾無養嗚呼吾人痛切膚忍死莫作盜賊徒君不見蒼鷹乳
虎有司靡何但歲凶人化鬼

息齋風竹圖道士華山隱得之命予賦之

往年家住篔簹谷丹鸞之實美如粟玄雲翻空下溪靚昆吾
寶刀削秋玉石衣漬錦侵書光風微粉墮生細香琳館瑤臺
九天近夜寒笙磬聲鏘鏘萬斛蒼煙鬱江雨二妃彈瑟瀟湘
浦鄒筍蜀酒亦堪沽蟠石雙杖令誰取河朔歲晏冰爲梁羣
木鱗皴臨雪霜遲汝狂飈莫吹裂截管他年侑帝觴

上京效李長吉

龍沙秋淺雲光薄畫羅宮衣侵曉著吳娃楚娘侍團扇象輿
鳳輦明珠絡椒花染紫風雨香三十六盤天路長南都北都
望行幸千秋萬歲迎君王

李夫人

元詩選 石田集

十一

秀野草堂
卅頁

未央天子香熏骨夫人不貯黃金屋水銅無光濕秋月雷得
當年舊蛾綠瑤臺夜佩聲闌珊沈雲叫鴈沙泉寒二十五絃
彈鳳凰玉釵小燕飛春山

蔡州妓趙氏墜崖以死自誓作詩諷俗

鱗鱗汝水冰碧光汝之左右百草芳紅蘭紫桂媚長晝鉤輶
鳥子回銀塘芡蒲無數菱葉小西家鞦韆屬年少燕泥霽雨
風景酣簾箔依稀有歌笑趙氏女子邯鄲娼綵絲繡履踏春
陽心思宛轉縈雲縷羞對兒郎唱鳳凰樂山嗟我石生雨鄉
人迎神奏歌舞婆婆起向神祠前祝願生身事針組野風吹
目雙淚零泉聲松韻相泠泠誰言女子情愛癖誓死命輕如
鳥翎鳥翎飛上合歡樹開花夜夜無愁苦秋香不斷相思浦
玉釵斷股埋黃土

秋意

銀牀墜露下高桐竹練含冰留麝籠蒲萄酒作礪礪紅湘娥
江邊采芙蓉月華流影天漢東素商淒清颺微風草根知秋
有鳴蛩

寄家書

春雲閣雨花泥少池上波平飛白鳥薊中河外盡天涯蓮葉
圓時身到家

送文著作往鄂州諭南使

大化均天施黃圖象岳寧宣風依日月發號布雷霆貔虎嚴
分鎮鸞鷲蔚在廷芝莖聯孔廟萸葉茂堯庭珠米圓圓白樓
桑箇箇青謳吟興隴畝游行及郊垌楚俗那三戶滇僮信六
經已知含煦育復此仰儀刑使得皇華美歌應湛露聽賜衣
裁錦段官醞應瑤餅上國崇懷服熙朝尚德馨魚書開粉蠹
雞卜枉軫星鄂渚翔鸚鵡燕臺念鶴鴒歸途回四牡楓樹失

江汀

送王省叟真人

秋暉上寒竹白鶴立蒼苔石洞松花落雲房澗水來彈琴翻
道曲擣藥應須哀別浦迴船急孤山看早梅

伯長內翰與繼學內翰聯句賦畫松詩清壯偉麗備
體諸家祖常實不能及後塵也仍作詩美之焉

吳絹冰絲白秦封石髮青沐華浮鶴露景蔽鶉星刻畫風
雲狀雕鑿鳥獸形哦詩鏗玉署集句燦珠經熅熅舒光氣沈
沈逐杳冥離歌三疊唱凱奏萬鏡聽肅穆官師位雍容樂舞
庭江花春豔豔山竹雪亭亭自笑如塵俗懷慚似酒醒無因
題琥珀有去對鷓鴣

春寒

春寒犢子瘦誰與念農耕地底多生暖天邊正要晴落梅栖

雪暈裂竹見風聲爲問催花鳥如何得使名

謁告書懷

先子桐鄉地年來憶舊遊
山春花競發沙晚水閑流
石屋青霞夜藤牀碧樹秋
防身龍具在強欲問吳鉤

送董仁甫之西臺幕

西南萬里地詔屬大行臺
秦樹浮天去巴江帶雪來
山河無用險邦國正須才
臺幕風流美書籤想盡一作開

靈州

乍入西河地歸心見夢餘
蒲萄憐酒美苜蓿趁田居
少婦能騎馬高年未識書
清明重農穀稍稍把犁鉏

宿遷縣

河伯朝宗日黃昏一作塵
出岸高蛟龍分窟穴舟楫用波濤
使者

修隄急田畝棄屋逃無錢誰貫汝
歲晚更嗷嗷

四言四

元詩選 石田集

十三

秀野草堂
丁貞

呂梁

天府河流北徐方禹跡難
青山開石峽白日看風湍
星宿光芒合坤維脈絡蟠
吳船牽百丈醜酒醉陰官

海子橋

朝馬秋塵急天潢晚鏡舒
影圓雲度鳥波靜藻依魚石棧
通星漢銀河落水渠
無人洗寒露爲我媚芙蓉

秋谷平章生日

上宰儒宗重中台位望隆
承天施垓北捧日照瞳矐
汾洛精靈合文章運會通
鬱侯初亦一作堯昂
周輪降維嵩姬正逢
陽復

羲車舍斗中眉毫齊紺髮
仙骨炯方瞳鸞鳳翔千仞
貂蟬侍兩宮
天池浮畫鷁公袞煥華蟲
造命毗元化書思沃帝聰
山河尊社稷禮樂賴臣工
韓國蕃宣永高皇報施崇
從來黃閣

貴只屬紫芝翁
檻竹沈沈翠庭花灼灼紅
道山藏畫象詞館

轉詩筒洛下著英盛人間壽域同君王自養老何羨菊潭東
泉南孫氏園亭

鑿石通歸沙浮梁看浴噉鴨闌萍上翫鹿柵薛生垣蒼荀垂
梔子簣簞長竹孫書香芸辟蠹席暖錦裁鸚文客登仙籍承
家荷帝恩冰甌蜂蜜溜酒榼荔漿翻吹籥花圍屋彈琴鶴舞
園海雲春有態閩雪夜無痕誰謂衣裳嬾子今杖屨煩捋鬚
歌月地翹首望天門

次韻繼學三首

金爵層霄外銀猊曲檻邊含香俱國士持橐半神仙豈有遮
塵手應無見麴涎池清天似水席暖蜀如綿客送蒲萄酒人
分苜蓿田書思趁豹省拔藻賦龍船

時上京自大
都移舟至

誰念馮唐老爲

郎白首年

雞塞西寧外龍沙北極邊有天皆入貢無地不生仙鵲玉光

元詩選

石田集

十四

秀野草堂

四百七

含水驪珠溼帶涎香清堪閉閣衣薄豈勝綿珥筆遊鰲禁扶
犁占鶴田酒來揚子宅人上剡溪船自信篇章貴能歌擊壤
年

丞相晨趨漏元戎夜拓邊碧雞崇漢時丹藥監秦仙敢謂鰲
頭選初逃虎口涎柳詞方濯錦雪賦已抽綿豔豔金爲屋輝
輝玉滿田客衣隨楚製鄉夢逐吳船所賴三階正螭坳記有
年

陪可用中議祠星於天寶宮

敎命司諸席元辰集醮筵星君符介壽歲紀輯安躔炬焰天
無夜熏焚樹有煙音如綠嶺上拜似竹宮前蕊笈祥延世颺
輪儼御仙日餘青燁接宿耀蜀壇連象緯昭重潤齋明祝大
年步虛垂珮響奠幣織文鮮誠感將馨祀神娛樂鼓淵蕃釐
歸帝胄乎祐播農田

崇真宮西梨花

春日梨花下相逢把臂行香痕憐粉白酒暈惜紅輕影動簾
穿燕聲來樹度鴛共當拚一醉莫待鬢華生

明日在羅中官園池次韻

帝里春光媚花前可獨行額黃團帶小眉綠畫痕輕蕩漿波
浮鷁裁衣粉妬鴛却愁風信惡明日樹陰生

盧師山下過郝景文參政墓

故相聲名遠荒阡松栢長地能終不夜天莫借飛光舊客驅
車過新詩灑淚傷千年此山下樵牧禁牛羊

送史正翁經歷之嘉興

京華春滿眼楚客榜船歸花送行衣舞鸞從上苑飛尊鱸隨
俸入桑苧接田肥鈴閣文書少還知小吏稀

姚左司墨竹爲賈仲章尚書賦十韻

元詩選 石田集

十五

秀野草堂
啓生

江渚春生雨山楹夜宿雲籀鱗穿石錦節粉帶書芸玄玉昆
刀削素絲并翦分魚竿方問野鳳管已招君莫作宣房捷還
歌華澤文露零忻鶴警星度恐螢焚影似風櫺見聲如雪幌
聞裁冠終有製作屋更無氛移植驚燕叟盤根識楚妘中郎
揮墨汁宗伯侑鑪熏

送宋誠夫太監祠海上諸神

上聖崇明祀元臣屬有文內香開寶炷制幣出玄纁授節臨
前殿傳臚聽後軍酒清黃木廟魚祭武夷君颺母應回雨天
妃却下雲不勞風有隧猶願楚無氛漕粟瑯耶見還珠合浦
聞穹蒼天垓溱溘溘氣網緼龍戶編魚賦鮫人織霧紋時祠
光炯炯宣室語欣欣鵬運連番舶輅歸願冀羣觀書曾拜洛
歌賦不橫汾越水琉璃靜閩花茱利熏伏波封莫請宵旰念
華勛

求趙伯顯畫家山圖用唐李中韻

春鴈南來後家書一紙無
山花應向日陂水計通湖
羸特衣資絮生蠶薄藉蘆
久空拂白石強此伏青蒲
琴客分抄譜仙翁許借壺
園紅榴火鍊治綠芙蓉鋪
嵐氣飄簷隙烟光鬱座
隅呼雲橫蟠竦問月看蟾
蜍倚杖心何逸觀魚與不
辜新開竹林逕杵乞寫成
圖

倚綠園

殖產吾何取開林我獨能
縛船嘗取竹擣紙每移藤
池曲波濤小花絲霧雨蒸
春雲同礎潤秋月共江澄
鳳下非因食魚來不可曾
寫經還道士裹飯乞行僧
筍屨新青折荷衣舊翠
凝浮甌茶有乳溢甕酒無
冰香炮畱文篆書囊刺繚
綾清晨餐玉罷東坐日初
升

出都

元詩選 石田集

六

秀野草堂

四百八十

長城懷古處身在日華東
水出盧龍塞山連碣石宮
沙鷗終自白霜樹忽然紅
雲海鴻濛氣歸颿杳靄中

登雨花臺

積翠生層嶽凝光浴巨濤
吳城花覆井楚舸竹栽篙
地近魚龍逼天空鶴鶴高
野橋皆蟠竦溪水盡蒲萄
雨石逢芝箭風林得鳳毛
臙脂兒女小罽畫鬼神饗
六代都銜壁三山尚戴
齧故宮猶在再古樹漫周
遭仙洞歌瑤草人家宴碧
桃飯香非接浙酒好不筍
糟綠霧春連閣丹霞曉映
袍攀躋忻境勝跋涉憚人
勞老我才還劣清資媿重
叨採詩今有使問俗似無
曹佳麗千年最聲名一世
豪歲時休澣日攜手可遊
遨

贈楊洞天道人

我自不入俗君今又欲仙
鳥嗆百花裏屋住萬山邊
密樹雲難過空潭月易圓
題詩秋卷了爲說小行年

五言六首

太行東北去形勢自天分一葦航吳越千車輓朝雲衣冠今
復盛豪傑古猶聞欲獻三都賦茫然媿不文
不作還山夢因吟李杜詩平生無飽飯抵死只憂時事實兼
唐史風流揖楚詞山川舊遊處千載有餘悲

好去春山路騎驢畫中徜徉紫芝容憔悴鹿皮翁得酒寧
辭醉逢人莫語窮乾坤皆古意人自不相同

御史青驄馬詞臣白玉堂有才皆展驥此老尚凶羊雲海迷
舟路天風失鴈行不須愁白髮正欲媚幽光

聞道光山縣城南十里賒人家依翠竹野水亂梅花應有仙
燒藥寧無客織槎行當問田畝結屋貯煙霞

栽竹復栽花居然處士家有田供白飯無句咏青霞春雨浮
鄰甕秋船繫樹槎漁樵相見熟來聽讀南華

五言四

北行

元詩選 石田集

七

秀野草堂
啓生

山轉疑無路溪溪似有雲衣裳沾沆漉鞍馬入氤氳巖樹花
凝畫崖藤蔓駐曠佛宮金巾而帳屋錦文文塵空車爭出霞
舒騎亂分煙中聽犬吠天畔見人耘草檄期誅泚歌詩擬弔
黃家家收棗栗處處種榆枌枕有仙人記琴無山鬼聞時巡
勞聖主靈會名神君泉脈流釵股股身鏤纈紋團團畱象迹
轟轟立馳羣龍虎盤南石貌貅鎮北軍井鹽仍晶晶馬酒亦
醺醺越貢珠璣錯夸琰翠羽紛弓旌徵隱逸斧鉞賜功勳俗
已多羊酪民還賤豕豮隨雪鴈黃鼠掘田鮑太祖初飛御中原
海倉箱溢隴汾白鷹隨雪鴈黃鼠掘田鮑太祖初飛御中原
正溺焚劔光明塞道箭影落冥氛聖嗣開元極天聲震大贛
轅門方納禹國鏡又收員降主來銜薜奔君自束縲只今修
枸篋何但去輓轅公子衣縫掖王妃曳練袞期縣堯曆祚物

阜彞風薰學士工謨訓成均載典墳小臣難頌德祇合採書
芸

送同年趙繼清尹安陸

席帽文場裏千今十七年白鬚俱滿鏡墨綬獨行田鶴翼知
吾刺鸞棲覺汝賢高才多晚達未可歎迍邅

寄舒真人

金闕來華蓋琳壇集羽衣石因鍾乳膩松爲茯苓肥劑墨香
翻杵修琴玉布徽天低臨象緯日近逼光輝竹裏開長逕池
邊蔽小扉紅迷霞綺錯綠漲水環圍仙杏葩凝赤蟠桃萼翦
緋龍來還獨宿鶴去更知歸割蜜蜂先避銜書鳳自飛祠雷
陳古磬符鬼掣靈旂丹井泉偏冽銅盤露未晞俗人那得識
詩客盡相依伊我逢休澣從茲詠浴沂憑師消鄙吝猶可採
山薇

送華山隱之宗陽宮

江閣魚龍近山房霧雨多地清天不暑池曲水無波筍籜迎
書帶櫻桃送錦窠呦呼伴鹿唼唼換經鵝養素行編屨乘
閑坐織蓑篋篇餐玉法一帙醮星科香炷沈銀葉衣裾佩紫
荷丹光畱海月絳景出松蘿醉憶泉浮乳幽憐石爛柯神君
攀綠桂天女踏青莎邀客登山頂尋真人澗阿洞簫吹道曲
雲紙寫魚歌子髮今如此君心可柰何高談見明月爲我問
娑羅

石田山居八首

甲子人愁雨河田麥已丹歲凶捐瘠衆天遠禱祠難買客還
沽酒王孫自飽餐更憐鰲面黑征戍出桑乾
積雨衣裳溼愁人是麥田泥將淡沒馬霧欲墮飛鳶費火勞
薪盡家居老屋穿牆根雜蛙蚓擬買繫籬船

光山楓製錦潢浦荻飛絲秫熟何論酒魚來不計錢卜鄰多
野老求藥有神仙爲客畱羹筍清晨步石田

四月淮天雨清林蔭碧池筍香鄰甕酒禽響一作聽客窻棋田鼓
春迎社鄉巫夜賽祠漸知飄泊久自覺是農師

無麥夫何極吾憂隴畝空豈能驅盜賊得忍鬻兒童茶蓼充
腸熟樵蘇救口窮無端縣小吏名役到疲癯

作客何多意淮南卽是家自牽蘿屋小不正葛巾斜書嬾眠
尤熟詩來酒更賒春天雲嫵媚相對坐鷗沙

竟日無賓主山房一禿翁竹光浮晝碧花蕊颺春紅田父分
雞桀一作桀鄰僧乞一作與鶴籠時行親杖屨未覺坐書空

淮南窮僻地先世有林廬花曙鳴山芹春躍岸魚鼓琴仙
度曲種杏客傳書朋舊如相覓休嗔禮法疎

用樂天韻因效其題詠閑意

元詩選 石田集

十九

秀野草堂
卷生

四言八
繅絲車響雨來稀罨畫圖中住翠微邨北邨南桑扈叫家前
家後竹雞飛青憐藤蔓春牽屋綠愛荷盤夏翦衣更憶江天
家萬里行逢僧子借船歸

壽郝大參

退傳歸來髮尚青角巾閑對老人星鳳凰池上辭松閣鸚鵡
洲邊買竹亭畱客只談三里霧見人不問五侯鯖慚無剛卯
爲公壽他日淮南種茯苓

寄隱士

林下蕭然一病身可憐家計若爲親葛花藤蔓供山貢菰米
蓮房給水珍鶴子見貧能代僕犬兒知主會憎人清朝日日
弓旌出誰說巢由不冝臣

奉和奧屯都事秋懷

靈河七夕巧雲稠墜露聲清夜得秋月冷桂花飄左界山寒

又作空
近窻砧杵急夢隨南客問行舟
一作空
荔子落東甌人憐紈綺裁衣被誰借蒲葵扇頭竹影

雙頭菊

金屈卮邊醉東垂秋雲如幄貯仙姿寒生小靨迴鸞動香入
流蘇睡鴨移結綬巧承西顙曲落鈿羞帶月支眉青霜爲我
催憔悴銀屋何人怨別離

送忽都達兒著作祠岳瀆

戊午狀元

發靈銀甕出河宮

日長東觀著書清絳薦龍香爲帝擎山
迎節馬圖明行觀謠俗期星使歸奏蕃釐拜月卿千里楚鄉
乘傳太關人應識棄繻生

和繼學郎中送友歸越中

薊門東望海無波誰許山人問薜蘿
秋影動天鵝鑑湖草滿芙蓉少
鄞縣一作水潮來牡蠣多
羞見京

四百十二

元詩選 石田集

子

秀野草堂

塵遮帽頂羊裘亦欲換漁蓑

輓何得之先生

手織烏紗日賣錢全家閑
道無兒世共憐北市行歌花爛熳
西亭坐嘯月嬋娟少微光

氣一作星彩今年聞知是詩隨過海船

錢塘潮

石橋西畔竹棚斜閑日浮舟閱歲華
飛瀑過人家風杉鶴下春鳴埵
雨樹猿嘯暝蹋花欲貨芟田
來此住東南夏望赤城霞

追和許渾遊溪夜回韻

溪水連雲過竹間溪聲雲影半潺湲
長松客對閑直待月痕侵石隴
還期煙色認柴關人生豈獨
官爲貴好向君王乞越山

賦王叔能宅芍藥

鷲粉分奩豔有光
天工巧製殿春陽
霞繒壁積雲千疊
寶蓋凝脂蜜半香
竝蒂當階盤綬帶
金苞向日剖珠囊
詩人莫詠揚州紫
便與花王可頡頏

上京翰苑書懷三首

沙草山低叫白翎
松林春雨樹青青
土房通火爲長炕
羶屋疏涼啓小櫺
六月椒香駝貢乳
九秋雷隱菌收釘
誰知重見鰲峰客
颯颯臨風鬢已星

門外春橋漾綠波
因尋紅藥過南坡
已知積水皆爲海
不信疏星又隔河
酒市杯陳金錯落
人家冠簇翠盤陀
薰風到面無蒸暑
去鳥長雲柰客何

萬里雲沙碣石西
高樓一望夕陽低
谷量一作淡牛馬煙霞錯

天險山河海岱齊
貢筐銀貂金作藉
官密磁蓋玉爲泥
未央殿

四百十六

元詩選 石田集

十一

秀野草堂 啓生

下長生樹還許尋巢彩鳳棲

次韻王參議寄上京胡安常諸公二首

石甃冰澌古不消
廣寒張樂喜聞韶
五防戲馬春旗合
百隊回龍曉仗朝
閭闔門高承藻井
番禺縣遠貢鮫綃
年年載筆陪京道
題柱相如又過橋

省中溫樹晝陰陰
郎署熏衣盡麝沈
星近紫垣明上界
日行黃道對天心
和鸞秋駕車塵靜
佩玉朝鳴漏水深
好乞龍門灘上石
種桐千尺斷爲琴

貢院憶繼學治書

棘闈粉署隔重牆
校藝分官屬正郎
五夜風簾燒蠟燭
九天冰樹劑龍香
周旋接武尚書履
供帳畱茵御史牀
臍唱閣門春色曙
侍臣應奏慶雲章

治書寵和誤用光字仍再次韻

金吾魚鑰限南牆襍被淹旬借直郎燈轉九枝回晝景筆題
雙樹奪春光番禺珠琲寧無樹勾漏丹砂信有牀明日大廷
親策試昭回雲漢見天章

治書再和復次韻

西南春巷杏花牆索米長安漢戟郎市裏忽聞雞吐綬海邊
還報鳥含香月移桂樹通階石芝發銅池謝井牀儼直閭門
休沐夕新詩刻燭賦千章

貢仲章待制寵和次韻

宮雲光影度椒牆待制官高不是郎夕拜日升龍尾道朝回
天賜馬人一作香戴憑久負談經席阮籍唯知近酒牀春巷杏
花開未遍門前欣得碧霞章

畫古木

桑空河上生賢相楓老山中化羽人未借九關當地軸還曾

四言十八
元詩選 石田集

秀野草堂

八月上天津雷燒桐尾琴材古玉刻龍形劍具新雨蝕蒼皮
苔護石泉春玉乳月翻輪東隄楊柳春煙暖西浦芙蓉曉露
勻偃蹇孤根巖壑氣我知棫樸不爲薪

鄆陵別南客

稜層林表白浮圖古鄆城高旅望孤秋雨喜沾梁土麥暝煙
愁合楚田蕪行人北上隨沙鴈歸客南還對渚鳧溱洧波清
多草樹百年生聚尚繩樞

寄弘長老雲山

曙雨初生蟬螻橋梵山吟唄不移朝曾分禪榻春盤礪夏想
雲山夜寂寥繭紙題詩尋伴少卽筒沽酒入城遙佛龕千丈
金銀界照世酥燈弟子燒

龍虎臺應制

龍虎臺高秋意多翠華來日似鸞坡天將山海爲城塹人倚

雲霞作綺羅周穆故慚黃竹賦漢高空奏大風歌兩京巡省
非行幸要使蒼生樂至和

徽政院公退

早春天氣半晴陰坐隔宮牆望上林御水有波皆浴鳳官橋
無桺不拖金相風竿直青雲近井幹樓高綠霧淡朝路莫歸
塵夏合五方調馬出駸駸

奉陪薦食英宗神御殿用繼學韻

垂石松陰偃翠虬先皇曾此駐龍輶茂陵弓劍隨天御原廟
衣冠奉月遊藉玉已行周制度耐金不罰漢諸侯百馨水陸
修葺醞望拜孤臣涕莫收

送王參政上京奏選二首

滇池細馬踏龍沙

一作參

相朝天路不賒峽裏琴泉春作乳月

中珠樹夜成花三千禮樂尊儒術百二山河壯帝家魚上禹

四首五九

元詩選

石田集

三

秀野草堂

啓生

門無點額直郎宣奏日當衙

千官吉日聽宣麻白髮文

一作詞

臣帝汝嘉池鳳有毛皆五色蕊

珠無樹不三花綠綈詔底書分雨紅錦囊中字翦霞天路北

盤三十六歸時秋月滿京華

贈內

幾年不到鹿門山妻子相看亦強顏桂樹有枝曾獨折女蘿
無蔓不同攀仙人樓上騎黃鶴野客籠中放白鷗莫恨五湖
波浪闊鬢毛歸去未全斑

畫海棠圖

石家五尺珊瑚樹海國千房火齊珠風雨春寒圍錦護豔陽
天暖倚闌扶浣時應貯芙蓉水香處熏熏翡翠鑪紅膩不隨
蜂齒蝕粉勺終爲蝶身敷葳蕤綵纈盤仙綬裝積雲羅落舞
襦青帝化成非幻有杜陵吟老却知無催開每賴斟鸚鵡吹

落還因唱鷓鴣曾見赤城花亞蕊丹鉛此去不須圖

送毛真人還山

朱提仙印碧霞裳賜履承恩自尚方
雨灑石壇苔錦滑日穿油幌竹書光
葉鳥此日還滄海漢鵠當年下建章
琪樹萬叢芝萬本江南歸路水雲鄉

奏對興聖殿後

萬花簇錦寶簾垂化日舒舒漏下遲
馬酒金盤流沆瀣凌人玉井出琉璃
侍臣蒙筆皆鷓鴣鳳御士橐弓盡虎羆
他日滄洲應夢想紫宸端御放朝時

雜詠二首

百丈牽船沂上流清淮從古有三洲
浮山堰逐降王去淝水波因小謝收
紅樹有霜還可騎白蘋無雨夏空舟
平生自是多行役莫信吾家馬少游

元詩選

石田集

十四

秀野草堂

四首九

濠梁無客夏觀魚遊子行過莫問書
潮落沙痕鷗泛少風回雲影鴈行疎
歸帆夜宿山前寺從橐秋辭仗外車
俯仰此身天地內滄洲重去帶經鉏

西山

鳳城西太玉泉頭楊柳隄長馬上遊
六月薰風吹別殿半天飛雨灑重樓
山浮樹蓋連雲動露滴荷盤竝水流
艤岸龍舟能北望翠華來日正清秋

試院雜題五首

小雨霏微不作泥棘闌魚鑰待晨雞
銀袍影近花燈立綵戶光連粉署頭
肅霖已霑文運慶網緼猶覺化鈞齊
端門三月黃金牘應有商霖應上奎

蓮炬銀臺墮蠟泥翟輪重席織文雞
計偕萬里人交趾骨買千金馬月顛
省樹春回珠蕊亞御溝冰泮頌波齊
臚傳名上

多龍虎昨夕官占已報奎

春闈新雨透花泥學士聯詩擬鬪雞
駉龍媒來大宛俊猊獅子出雕顛
宮花壓帽牌金小官錦裁袍綬綵齊奏牘三千方朔健天章爛熳象西奎

歌詩且莫到青泥好倩王褒頌碧雞
人去淮南愁米價鴈來江北問書顛
催花曉樹飄簾密滋麥春膏覆壟齊
最喜泰階平在位衆星分次繞明奎

遊客春來醉若泥攝官一月伏雌雞
連茵夜聽同年語寫紙朝分舉子顛
畫閣薰香金篆鬱銀臺燒燭王蟲齊
太官已具恩榮宴列宿重輝想次奎

光山縣尹孔凝道作縣有聲鄉人爲圖

一作顛光山縣孔宰幽風亭

光山近在故山西樹滿江頭稻滿畦
鄰屋讀書相教授社祠醉酒共提攜
水牛礪角嫌耕淺野繭抽絲喜價低
春雨行田無從吏獨騎齋馬畏青泥

元詩選 石田集

五

秀野草堂 隱生

無題四首

瓦溝銀竹曙翻江閨苑涼風滿石幢
葛令寄來丹白一陶公歸去酒瓢雙
梧桐寂寞陳公井薜荔扶疎玉女窻
天畔帝車呼小鳳桂花流水夜淙淙
鶴城十二壘瑤光琪樹懸秋四面香
蛺蝶染花生粉白玻璃著酒暖金黃
熏鑪舊夢憑荀令燭釦閑吟屬沈郎
南國鴈來書不至江樓誰爲製荷裳

三湘瀟灑恨無潮烏鵲填河願有橋
丹穴鳳來龍樹遠海門魚吞屋樓遙
已知京兆誇高髻不信章華鬪細腰
船尾橫江春水急長年無事醉吹簫

菱酒書生白髮垂鸞膠瓠髓豈能醫
漢宮鬪草端陽節唐殿穿針七夕時
竹上蠟房真可買石間芝箭似難移
揚雄擬奏

河東賦但乞君王酒一卮

次前韻四首

岷峩山下錦成江好買玄都翡翠幢竹種篋簷千萬个鳥飛
鷓鴣兩三雙銅龍漏下春生水金馬神來霧入一作窻花落天
台招小隱胡麻飯熟石淙淙

切玉龍刀寶氣光袷羅半解麝臍香荔枝囊密媽媽紫盧橘
團金顆顆黃秦氏故侯夏漢主石家小婦嫁孫郎江心誰鑄
芙蓉鏡照見嫦娥一作娥織翠裳

錢塘八月水生潮叩筓千年竹架一作橋篋織龍鬚天路近衣

裁蟬翼渚宮遙府中丞相魚垂帶閫外將軍箭插腰無奈黃

金閑買賦雲間學得鳳凰簫

樂部韋娘舞小垂病來能名一作翰林醫嗔人書奏三千牘勸

客歌詩十二時金谷花枝隨雨盡石城江水逐潮移世間若

有神仙術西去瑤池醉酒厄

龍門

萬壑奔流一峽開君王歲歲御龍來人間塵土常相隔天上
星辰到此迴草木四時承午日風雲半夜束春雷自慚曾奏
長門賦跋馬傍徨念暴鯁

還過龍門

紫塞秋高鳳輦迴龍門有客去還來盪摩日月崑崙坼吐納
風雲混沌開天帝有神司主宰地霸無力戴崔嵬誰吹石瀨
成飛雨不使時人污酒杯

駕發上京

蒼龍對闕夾天關秋駕凌晨出國門十里貔貅騎驟裏一雙
日月繡旗旂講蒐獵較黃羊圈賜宴恩沾白獸尊赫奕漢家
人物盛馬御有賦在文園

和袁伯長待制送虞伯生博士祠祭嶽鎮江河后土
房闈歌兒翠黛摧不禁夫婿陟崔嵬一春花好人相別四月
梅黃雨又來酒酌玉缸酣臉暈香消銀燼鑪灰祠官好致
君王意蚤奉神休馬首回
此韻清容集本是兩韻石田集亦載二首而前一首
俱作薩詩豈怕庸天錫各存一詩耶
低字韻見薩天錫集各本皆然及元音韻要請選亦
抑其中必有一誤也姑仍其舊以俟考

琉璃簾

吳儂巧製玉玲瓏翡翠蝦鬚迴不同萬縷橫陳銀色界一塵
不入水晶宮月華遠射離離白燈影斜穿細細紅相隔神仙
纔咫尺靈犀一點若爲通

菊枕

東籬采采數枝霜色裏西風入夢涼半夜颺心三逕遠一囊
秋色四屏香牀頭未覺黃金盡鏡底難教白髮長幾度醉來
消不得卧收清氣入詩腸

四百六十一

元詩選石田集

主

秀野草堂
啟生

野興

滄洲梅發月生波屋角寒藤半挂蘿孤石隱林真似馬亂雲
渡水却如鵝步隨野老逢人少閑過鄰家有酒多轉憶淮南
粳稻熟夜歸衝雨借田蓑

開平事

金馬門東畫省西千官花覆曙光低九莖芝蓋雲衣合百石
銅盤露顆齊鹿柵已營修竹鳴燕巢還補落花泥上林伏日
金桃熟鸚鵡來時不敢棲

次韻進士宋顯夫海岸春行

靈沼春波殿影高行人苑外望蟠桃街塵曙雨沈紅霧宮瓦
晴霏動翠濤鳥度鏡中還避彈魚跳船尾不因篙曲江別有
新承宴笑我官曹似馬曹

駕發

紫綺鸞旗不受風，北都駕發日曛曛。九秋宮殿明天外，十部
簫韶起仗中。白海水波浮曉綠，赤城花蕊帶春紅。神泉不用
清塵雨，輦路龍沙草藉重。

送宋顯夫南歸

琵琶溝北識君初，藉甚才華二十餘。欲賦兔園千孝邸，不同
狗監薦相如。瀟湘路熟逢知己，韋杜天低望故居。攜幼歸來
拜丘隴，南遊莫戀武昌魚。

寄淡淵提點

仙客吹簫踏月輪，因遊淮海誤尋真。松花擣藥分貧士，柿葉
題詩寄遠人。秋浦有潮留載酒，春雲不雨取裁巾。江都千樹
隋宮柳，曾見先生綠髮新。

送客西歸

陸機初入洛，王粲却歸秦。春草無愁思，楊花送遠人。

二百八十四

元詩選 石田集

天

秀野草堂

雪中登郡城西亭二首

石路屐齒滑，天風吹高寒。花明喜珠綴，竹瘦愁露溥。
楚甸無層冰，霖土膏溼夏。憐三角湖澄，徹瑩寒碧。

弔節婦

白日松臺闕，青山石椁沈。空餘哭夫淚，下入九泉深。

題四皓圖

不聽高皇召，還來太子宮。阿嬰人豈禍，吾恨紫芝翁。

僧院蜀葵

紫暈成丹景，黃專綴綠幢。何因女冠子，却近老僧窻。

閑題樹葉上

秋意鳳城多，涼飈柰夜何。題詩滿霜葉，不見洞庭波。

山水圖

石壁雲生樹濤江，雨閭船居人屬仙。籍長負兔下錢。

李陵臺二首

故國關河遠高臺日月荒
頗聞蘇屬國海上牧羝羊
蹠林聞野祭漢室議門誅
辛苦樓蘭將淒涼太史書

畫鷹

側視窺霄漢低飛近草萊
金鞵時一脫肉飽更須回

題猿圖

江渚無來鴈山樊有宿猿
秋高盧橘熟巴月樹連邨

黃河

塵海東南下雲山西北高
黃流蕩中滴萬里費波濤

獨石

秋瀨喧石梁臨流不冝渡
與客坐忘歸山寒日將莫

六言三首

南塘雨晴草滿西林春早
花疎道士燒丹借竈山翁種樹求

元詩選

石田集

三五

秀野草堂
成生

書

白鳥飛來何許青山閑對誰家日
莫一尊濁酒不知風帽欹

斜

絕澗花迎莫竹回塘水媚春雲欲賦
淮南招隱山中桂樹畱

人

楊妃墓

漢廟衣冠照碧燐唐陵翁仲作黃塵
馬嵬坡上棠梨樹猶占

秦原幾日春

南城二首

元文類作
竹枝歌

城南牡丹一百本翰林學士走馬來
渡水楊花逐飛燕劍中

芳草送春迴

一作翦衣寄
影覆春臺

粟侯亭前一作花一作一園客來日日一作費金錢
明朝碧樹春城合

恨不江東問酒船

京城南粟侯玩芳草
世調子於國真社許

驪山二首

繡嶺春來綠樹圓東風吹影入溫泉華清夢斷飛塵起玉鴈銜香墮野田

玉女泉邊翠藻多石池涵影媚宮娥可憐繡嶺唳春鳥猶似梨園弟子歌

河湟書事二首

陰山鐵騎角弓長閒日原頭射白狼青海無波春鴈下草生磧裏見牛羊

波斯老賈度流沙夜聽馳鈴識路賒採玉河邊青石子收來東國易桑麻

七夕舟中苦熱

嘗憶銀牀桐泣露夏思玉枕蔗流漿天孫初嫁龍綃薄却恐秋河入夜涼

三百六

元許選 石田集

三十一

秀野草堂

戲馬臺

將軍一叱靡一作廢千人未可掀髯傻笑秦柱築高臺閑戲馬漢王將地擬功臣

春日卽事

梨花白罷海棠紅誰爲韶光次第工小閣卷簾春事晚竚看蝴蝶過庭東

送胡古愚還越二首

越江秋水得霜清夜夜天南婺女明客子布衣風又急世間無用是才名

送客歸山天正霜吳江蟹美橘初黃上林千樹櫻桃熟莫戀金華是故鄉

過故相宅

瓦墜當簷燕不來白頭老妾賣花栽舊時小吏今身貴羞近

門西上馬臺

閩浙之交三首

閩僑人居巖畫圖客行只欲望京都筍輿軋軋相思嶺秋雨
空濛叫鷓鴣

路入閩中盡翠微家家蕉葛作秋衣石牆遮竹松圍屋時有
丹禽哺子歸

山溪秋瀨急飛淙萬斛跳珠濺石砢閩女唱歌來漂苧素馨
花插髻丫雙

誚燕

風雨池塘鬪頰頰春來秋去一生忙世間多少寬閑境辛苦
營巢傍屋梁

五月芍藥

紅芍花開端午時江南遊客苦相疑上京不是春光晚自是
元許選 石田集

天家日景遲

潘居士施飯

飯飽干僧洗鉢歸生臺飢鳥拂簷飛山中文室維摩病獨向
長松挂衲衣

駿馬圖

天馬西來入帝閑風駿霧鬣駁文班房星一夜光如水却怨
龍媒萬里還

貢院次曹子真尚書韻二首

杏園三月換銀袍燕子西飛背伯勞賦罷長楊傳唱急天門
金闕日華高

紅綾餅餤出宮闈賜宴恩榮玉殿西白髮詞臣曾射策胸名
欣見武都泥

和史參政韻 一作殿試

五雲天近畫香殘紅白花枝滿藥闌一夜東風吹小雨殿頭
持卷隔簾看

丁卯上京四絕

山雨晴時已是秋苑中行殿日華浮長楊十里旌旗宿不使
飛霜入畫樓

離宮秋草仗頭移天子長楊羽獵時白鴈水寒霜露滿騎奴
猶唱蹋歌詞

海國名鷹豈鶻胎渥洼天馬是龍媒明時不惜黃金賜只欲
番王萬里來

持橐詞垣已賜金對衣侍拜受恩深何如坐索長安米只有
詩歌滿翰林

御溝春日偶成二首

御溝流水曉潺潺直似長虹曲似環流入宮牆才一尺便分

元詩選

石田集

三

秀野草堂

天上與人間

水南沙路雨清塵桃李花開蛺蝶春三月京華寒食近東風
十里酒旗新

趙中丞折枝圖

洛陽春雨溼芳菲萬斛臙脂染舞衣帳底金盤承蜜露東家
蝴蝶不須飛

牡丹

乘槎使者海西來移得珊瑚漢苑栽只待綠陰芳樹合蕊珠

如火一時開

石榴

館娃宮裏醉西施不覺秋生水殿時酒病却嫌丹粉惡洗妝

天上影娥池

芙蓉

火齊珠紅拂翠翹石家步障曉寒消千枝蠟炬燒春夜羯鼓

催花打六么

山茶

代悼公爲陳云嶠作

燕子樓空花不開繡簾天晚月初來手痕畱在紅牙板猶有
餘香妒落梅

次王參政延福宮韻二首

蕊珠宮闕畫雲扉么鳳桐花白日飛冰水藕絲清暑宴儉桃
方朝醉忘歸

唐家漲水望雲亭三月千花隔障屏不似仙人華綠洞雙笙
吹鳳五芝庭

題吳娃圖二首

金蓮燭下看蛾眉應是吳王半醉時一自館娃宮壞後仙魂
都上落花枝

千兩金盤浴小兒玉釵雙墮燕差池繡窻白日無針線却笑
羅敷不畫眉

吳宗師送牡丹

元詩選 石田集 三
秀野草堂 卯貞

十五年前花發時仙翁邀賞醉瑤池如今頭白無情思只見
瑤池花滿枝

楊邨

霜明野水曉粼粼蘆葉黃時少白蘋船上忽逢吳客子牽衣
雙手拂征塵

絕句

一春不得見花開何況飛紅墮酒杯今日城南花萬樹看花
不甯放春回

絕句七首

吳王蓮宮夜張樂急管哀絲翠簾幕可憐西子眉少顰坐使
長洲百花落
天上冰蠶白雪絲裁成紈扇好題詩南風恰住西風起莫道
班娘有怨詞

初嫁郎時正盛年畫眉塗頰鬪嬋娟只知百歲專房寵誰料君恩不似前

江南女兒年十五兩髻丫丫面粉光小紅船上採蓮葉北客初來應斷腸

盈盈小客抱琵琶歌舞王孫帝子家彈得開元教坊曲金錢還只當泥沙

翡翠明珠載畫船黃金腰帶耳環穿自言家住波斯國只種珊瑚不種田

甬東賈客錦花袍海上新收翡翠毛買得吳船載吳女都門日日醉春醪

寄示男武子

爛熳天孫織錦機春風吹雨洗芳菲香泥滿地臘脂溼只許新來燕子飛

桃花馬
元詩選 石田集 三五 秀野草堂

白毛紅點巧安排勾引春風上背來莫解雕鞍橋下浴一作洗恐隨流水泛天台

南方賈客詞

江岸琅玕悲帝婦雲光漏日波含霧龍船春下鷓鴣林青幘蠻郎占龍戶千尋高杉生翠微北人去買椒葛衣雞骨卜神

銅鑄鼓却意冰紈將北歸

踏水車行

松槽長長櫟木軸龍骨翻翻聲陸續父老踏車足生繭日中無飯倚車哭乾田犂确穉禾槁高天有雨不冒下富家操金射民田但喜市頭添米價人生莫作耕田夫好去公門爲小胥日日得錢歌飲酒朝朝買絹與豪奴識字農夫年四十脚欲踏車脚失力宛轉長謠臥隴一作間誰能聽此無悽惻

纒車軋伊爾抽絲桑薪煮水急莫遲黃絲白絲光縱縱老蠶成蛹啖兒飢田家婦姑喜滿倉賣絲得錢買羅翁叟慣事罵婦姑只今長男戍葭蘆秋寒無衣霜冽膚鳴機織素將何須翁叟喃喃罵未竟當門叫呼迎縣令騶奴橫索馬鞭絲婦姑房中拆纒經

拾麥女歌

壟雉飛桑扈鳴老蠶入簇繭欲成原頭腰鎌者誰子刈麥歸家作餅餌心知棲畝有滯穗惻惻忍收寡婦利寡婦持筐衣藍襖終朝拾麥滿筐筐兒唬婦悲窻無火寒漿麥飯哺時取豈不見貴家妾豈不知娼家婦繡絲繫襦蓮曳步銀刀鱸魚佐酒杯狎坐酣歌愁日莫拾麥女拾麥女爾莫嗟爾莫憂人生賦命各有由前年貴家妾籍入爲官婢今日娼家婦年老爲人棄貧賤艱難且莫辭畢竟榮華成底事

元詩選 石田集

三五

秀野草堂

卅頁

古樂府

天上雲片誰翦裁空中雨絲誰織來葦藜秋沙田鼠肥貧家女婦寒無衣女婦無衣何足道征夫戍邊更枯槁朔雪埋山鐵甲澀頭髮離離短如草

河西歌效長吉體

賀蘭山下河西地女郎十八梳高髻茜根染衣光如霞却名瞿曇作夫婿紫駝載錦涼州西換得黃金鑄馬蹶沙羊冰脂蜜脾白箇中飲酒聲漸澌

淮南田歌三首

東塘水初滿西塘泉又生春風兩塘側多少路人行蒲生亦有筍菰生亦有米可憐芙蓉花照影秋塘裏借錢買鹽茶倩人時早秧日望秋田熟仍防野鴨傷

淮南魚歌三首

棹船淮水上，曬網赤岸南。船中捕來魚，賣錢買魚籃。
小艇如鳧鷖，湘東柴杉木。載家復捕魚，夜夜繫江竹。
渡江問魚價，人來索酒錢。婦姑亦不惡，便煮縮項鱸。

和王左司柳枝詞二首

郎君巧歌揚柳枝，柳眉初出學月支。隋隄千樹煙光莫不如，
柳眉初出時。

鳳城三月草色青，池塘飛絮相飄零。風吹宛轉低撲人，長空

一作天白日流榆一作珠星

和王左司竹枝詞二首

日邊寶書開紫泥，內臣珠帽輦步齊。君王視朝天未旦，銅龍
漏轉雞人一作金雞號。

金鑑寶熏留篆雲，花間百舌鳴一作號。早春五坊戲馬賽，爭道傳

留字

元吉選 石田集

三

秀野草堂

聲一作宣催賜十流銀

西湖竹枝詞序云：中丞詩名戲度王西夏氏之詩，振始于石田集也。竹枝益和繼學之作，其音格煇煇，健類山谷老人。

北歌行

君不見李陵臺，白龍堆自古戰士不敢來。黃雲千里鴈影暗，
北風裂旗馬首回。漢家衛霍今何用，見說軍還如裹痛。不思
百口仰食恩，豈念一身推轂送。如今天子皇威遠，大積金山
烽燧鮮。却將此地建陪京，灤水回環抱山轉。萬井喧闐車戛
輪，翠華歲歲修時巡。親王觀圭荆玉盡，侍臣朝紱蟪珠新高。
昌句麗子入學交，趾蠻官貢麟角斗米三錢金。如土國人謳
歌將軍樂，將軍樂四海清。吾皇省方豈田獵，觀風察俗知太
乎。

車簇簇行

李陵臺西車簇簇，行人夜向灤河宿。灤河美酒斗十千，下馬
飲者不計錢。青旗遙遙出華表，滿堂醉客俱年少。侑杯小女

歌竹枝衣上翠金光陸離細肋沙羊成醜薦共訝高門食三
縣白髮從官珥筆行毳袍衝雨桓州城

前宛轉曲

紫檀出海南削成琵琶槽上有鴛鴦弦彈曲聲嘈嘈客問此
何聲新聲名絡桃一奏桃始華再奏花枝斜笑靨頰暈粉仙
源飯蒸霞度作新聲曲春樹雙鸞逐雙鸞擲金梭魚藻蕩圓
波陌上行車帶結羅絳桃年少光陰多

蕭姓淵善鼓琴子嘗爲之作我思操今自和林歸再
任巡徼之職于江南比行又求予詩遂爲賦漢銅馬
式歌以送之

漢家金銅鑄馬式求馬相比不失一塞上將軍得一疋驕驪
如龍高八尺日斜騎出陰山道獵獵霜風鳴淺草鞍後竝懸
雙白狼歸來穹廬月弓好江南綠蕪春接天只須一抹蹴雲
煙摩訶舊是將軍種酒沆青衫學控弦

四百六

元詩選

石田集

三七

秀野草堂

楊花宛轉曲

空中游絲已無賴宛轉楊花猶百態隨風撲帳拂香奩度水
點衣縈錦帶輕薄顛狂風上下燕子鴛兒各新嫁釵頭燼墜
玉蟲初盆裏絲纒銀繭乍欲落不落春沼平無根無蒂作浮
萍纈波繡苔總成媚人間最好是清明清明豔陽三月天帝
里煙花巾酒船石橋橫直人家好小海白魚跳碧藻榆莢荷
錢怨別離不似楊花宛轉飛楊花飛盡綠陰合更看明年春
雨時

公子行

綠香繡帳乘流蘇牀頭三尺紅珊瑚十八窈窕秦羅敷曲房
小步瑞鳴襦高臺公子吹笙竽百斛明珠買氍毹蘭燈桂漿
炙文魚但苦不駐羲和車

擬唐宮詞十首

華清水殿繡芙蓉金鴨香消寶帳重竹葉羊車來別院何人
空聽景陽鐘

銀牀井冷露溥溥半臂熏衣釧辟寒不恨長門冬夜永小奴
休報戰羅單

長門月轉漏聲催自慰寒衣減帶圍休怕官家嫌體弱細晉
曾是楚王妃

合宮舟泛躍龍池端午爭懸百綵絲新賜承恩脂粉磴上陽
不敢妒蛾眉

蘭館縹絲溼翠翹夫人纖指織龍綃羅襦雙佩清晨響只恐
君王有晏朝

八姨粉翠錫千縉脂盃新妝百寶勺白髮上陽宮女老補衣
重拆繡麒麟

元詩選 石田集

三

秀野草堂

卯貞

卯酒微微解宿醒催花羯鼓變新聲君王好賜承恩宴辛苦
邊頭百將營

露蘭研粉壽陽妝簾內新燒百刻香圓舌教成鸚鵡語偷將
玉笛送寧王

銀河七夕度雙星桐樹逢秋葉未零萬歲君王當宁立妾身
不怨一作顧命如萍

花氣蒸霞淑景明望仙樓上喬彈鸞李暮吹笛宮牆外學得
梨園第幾聲

書上都學宮齋壁

齋居芹宮菊永日少人跡清心慕古躅簡編爛紉繹徒自傷
迷民位卑力莫及苟祿亦可羞吾將反蓬華

集袁王二學士詩爲首二句祖常足成之

石城月落鴉棲堞秋浦天清鴈拂簷春送亂紅浮酒面山飄

鸚鵡聯句同王繼學賦

雕籠居啄桃袂服儀采綠南荒孕靈質西顯發麗曲頸綬紅
縈絲喙棘楨屈玉蓄慧婉含章襍彩粲成緝能言貫珠舌善
舞凌雲躅金眸肖韞隼珍畜異巢鸚鵡層堦寶舍利淡杯注醜
醜流丹曙林度墮翠春洲浴石鏡影瑤想銅梁步陸績顛賦
吾豈能入貢爾應錄

都城南有道者居名松鶴堂暇日同東平王繼學爲
避暑之遊因作松鶴聯句

偃雲聳層霄驚露落古靈虬枝喜垂澗鷺羽陋鳴埵蟠石千
歲苓頂朱百齡血胎禽哺春巢乳脂凝互節舞蓋孳籟喧啄
粒苔蘚齧玄玉熏麝煤碧脰監雞桀陟岳秦爵崇授甲衛軒
劣沐髮豹霧浚引吭鳳竹裂風馭八極小河舟三翼拙魯縞
四百五三
元詩選 石田集
三
秀野草堂

天慶寺納涼聯句

槐屋夏陰繇石池暑氣清高堂瞰福田邃宇依王城午磬梵
唄集夜廊酥燈明龕經鬱金字辟礎承丹檻寂寂鴿棲罽宛
宛燕穿榮露葵炫晝豔霞藥敷陽英境闌便靜室心古樂高
情逍遙祇園賞迤邐廬社盟山枕藉雲潤水簟凝冰輕飯玉
給香積袈衲褫華纓共忻芻簪合敢謂詞鋒并睥睨荒草棘
橫縱按林垌幽尋振塵鞅雅談忘飛觥鄙哉河朔飲投憤得
世名

奎字仲章寧國路宣城人自少以文學名檄爲池州路
齊山書院山長秩滿授太常奉禮郎擢應奉翰林文字
兼國史編修延祐初遷江西等處儒學提舉入爲翰林
待制至治初以母年垂九十謁告歸益治園池蒔花木
築亭曰愛日兄弟奉母游宴其間鄉人榮之泰定中母
憂服闋拜集賢直學士天曆改元命代祠北岳濟淮南
鎮明年春還自會稽以疾歸故_一胡至秋疾愈
十月朔旦蚤作謂猶子師文曰吾夜夢作詩有竹樹蕭
蕭夾泉石之句其末云九轉丹成生羽翼是何祥也語
已泊然而逝年六十一贈翰林直學士追封廣陵郡侯
謚文靖仲章爲文閎放雋逸不狃卑近大德中朝廷方
議行郊祀禮諸大臣以仲章識鑿清遠引置禮屬多所
元詩選 雲林集

四百六

元詩選 雲林集

一

秀野草堂
卍敬堂

討論其在詞林與元復初袁伯長鄧善之馬伯庸王繼
學虞伯生輩相唱和皆一時豪俊聲名之士晚年萃楨
諸禮書欲定爲一家言而未竟所著詩文有雲林小藁
聽雪齋紀青山謾吟倦游集豫章藁上元新錄南州紀
行凡百二十卷悉藏在秘府明弘治間曾孫吏部郎元
禮編其所存者曰雲林詩集刊行于世

避暑

避暑北山下修篁夾林陰客來澹忘言稍覺清我心酷暑尚
可避酷吏不可禁迹絕畏途輒涼颺散塵襟却嗟避名者猶
恨山未深爲言暑與吏縱酷何能侵

敬亭山

名山鎮宣郡古祠崇敬亭傑構靚深巖飛廊引重扁陟彼百
仞高始覺萬類形樓殿勢益弘兵衛森幽靈增秩觀隆典綸

音播明廷豐稷走祈報煙燎浮芳馨竹樹蔽陰壑虛闕俯南
垌麻姑湖上碧華陽天際青神颺颯然起新涼濯微醒疎雨
映白石垂虹截蒼冥永言李謝游豈惜歲月零悠悠孤雲去
渺渺從雙幹招之殊未來莊思展面經

荅陳華仲二首

海上三神山上有學仙侶冷冷紫簫聲吹作飛鳳語迴颺蕩
溟海散落成煙雨豈無知音者一振九苞羽持之獻天庭上
以奉明主

貧賤交有道富貴多異途所以古君子擇交嚴所趨霜劍閉
寶室烈士發長吁隔世或相慕同居分越吳寥寥千載間美
彼管鮑徒

夢故人

千里萬里道三年二年別鴻鴈去復來我友音書絕夢中忽

元詩選

雲林集

二

秀野堂

一見款語情更切覺來失處所錢釭半明滅相思各天涯長
夜寒慄冽風霜草木變貧賤不易節中心諒誰知素月當空
潔

題董簡卿所藏瀟湘圖

瀟湘在何處展卷心悠然是有雲飛上與蒼梧連憶昔弄
扁舟載雪清江天湘君招不來明月隨我前微鐘破征夢落
鴈棲寒煙回首行萬里攬衣羨孤寒可憐楚人辭憔悴窮歲
年圖畫豈不好此意誰復傳已矣三嘆嗟臨風叩商絃

夜坐二首

京國雨初霽虛堂夜氣涼新月上團團坐久流清光露葉閃
明晦河雲互飛揚機籟發天秘起弄琴與觴千里同今夕幽
愁結中腸溼螢低復舉栖鳥亦驚翔適時物乃貴人生何慨

夜久境逾靜居然庭樹秋氣機發羣動時節無淹雷涼露浴
蟾彩浮雲澹河流微生競如髮瀾思志常周精爽一以竭榛
煙蔽前丘道貴善持養日入當偃休寄言學仙子文字徒冥
搜

雪晴

今晨持我書燕坐雪照屋閉門謝塵鞅展卷自朗讀衆說初
若攻冥思意纔復旭日上團團清泉渙春綠涓涓晴櫛瀟洗
眼濺飛瀑豈不事游觀驅車泥及腹永懷同袍士歲晚在空
谷好風忽東來起玩庭前竹

送夾谷伯敬之官單父

燕州連日雨六月寒裝綿閉戶斷車轍修途溢如川朝晴悅
物性槐陰起初蟬衣篝曝餘潤照眼階葵鮮聞君去儀曹五
馬行翩翩緬懷古單父高堂坐鳴絃政理日以媮寶此千載
賢矧此薦歲饑夏潦仍相緣嗷嗷東南州流移踵車船死者
相枕籍羸瘠甘棄捐民命懸守令壅遏誰當憐君懷策世才
往哉寄承宣譬彼善牧者鞭擊非所先戴星亦有人何乃任
力專淒涼二子遠故老應相傳我昔嘗經游土風尚熙然迴
河抱阡陌桑麻綠浮煙豈無稔稻區草木紛華妍維茲重責
任慎彼澆俗遷會徵太史書家聲振當年

和袁伯長冬至燕集韻

黃鐘起葭琯玉樹華寶寘清交寘常流鏗辭表時彥盈盈勸
浮蛆臯臯簪綵燕雅服稱儀新嘉蔬列鄉薦香銷神用舒葦
覆心罷戰培花候奇識煮茗遠清咽虛幌雲度英空簷冰落
線永言悅書玩亦豈慕盤饌塵踪合浮萍芳歲惜流箭念此

遠道逢

人久裹羨

題陳氏所藏著色山水圖

獨卧曉慵起夢中千萬山推窗煙雲滿一笑起尺間媚媚美人妝金碧粲笄鬟素波淨如鏡綠蘋點溪灣美哉筆墨工貌此意度閑孤禽立圓沙漁舟遠來還我方厭闌市坐對忘朝餐安得林下扉淡居長掩關

秋日陪大學士趙公憩龍山玄真宮

巖巖居庸關左挾飛仙居蒼茫四山合石徑穿盤紆人家稍相接林木何森敷觚稜生曉煙玄風凌紫虛念彼羽流集豈與世俗俱溪流轉雲礪餘潤分園蔬鐘磬空谷齋供薦芳腴穹碑紀宗傳道一教乃殊素餐貴崇本卒歲事耕鋤漁父在何許空有桃花株坐慚秉文幹尸祿常曠迂日莫陟曾巔丹霞成長裾遙睇空中雲超然能卷舒

登齊山

出郭行五里落日衆山赤中環翠凝巒秀色起千尺風流杜

五言七

元詩選 雲林集

四

秀野草堂

牧守壯語鐫妙畫我來嚴冬初俛仰一今昔人煙久變故鬼怪據幽僻披叢得小徑往來遭折屐亂石排犬牙荒洞混龍迹空餘巖前碑雨日自淋漓黃花旣非時何以供太白但須歷曾巔一笑天地窄

茶蘼架

西園檢春事積雨斷餘紅茶蘼壓高架皎皎晚日烘翠蔓點殘雪清香度微風幽人對之坐瑩然此心同徘徊不忍去片月來高空宛如萬玉娥素袖舞雲中珠璣露顆綴翠珮煙光籠愛花不受折枝柔刺盈叢攜酒醉其下慰此良夜終

宿鳳口會九萬兄

扁舟下滄溟日莫浮雲散青山袞袞隨十里行不斷古屢集人煙艤纜臨絕岸誰知兄弟情邂逅忽相見篙師輕波瀾呼嘯驚夜半貪程慮涉險欲往還自筭推篷視天宇白露下凌

亂衆星亦已沒落月破微暗念此局促身倏然重三歎

登虎丘山

古士雅中屨具舟約芳遊朝晴出西郭午涼登虎丘松徑度
遙嶺歷此層級修當時吳王劔斨光裂巖幽平甸眺萬頃閒
瞻煙樹稍頗聞山僧賢飛錫下林陬獨遺方丈室於焉集清
流一簞可平生豈惜半日畱煮茗試泉冽焚香延宿篔簹雨
催晚鱣溪波散浮漚

河上阻風次韻袁伯長

奔河逆牽舟北風忽中阻篙師勇支撐騰躍勢如舞塵沙晦
高旻泥水汗后土電飛起潛蛟樹拔亂驚羽須臾西日霽雲
端散紅縷維此造化工而我獲窺覩故人適同懷破險出奇
語明朝穩張帆萬里端自許

貫州

元詩選 雲林集

五

秀野草堂

四十七

扁舟放河流驟暑消雨餘旣忻歸計諧矧與佳士俱雲霧重
迴首蔥蘢鬱瑤居微波散碧縠簌蕩明月珠風急帆滿張獵
獵病股舒亞樹花換葉離巢燕將雛眷彼別時語不知今何
如簡書豈足畏青山念吾廬勿謂道路遙坐覺山川驅華樽
方自持相思少歡娛絨情何以寫攬情起踟躕

送九萬兄之樂清主簿

宿雲澹朝暎春風散輕寒振衣旣行邁慘別情所難王事勞
蹇蹇征車戒桓桓孰云枳棘微蔚此五采翰海縣還靡俗濤
江激迴瀾道路豈不遙裒居誠匪安勗哉西都秩願言繼彈
冠

送俞元明之官仙居縣

亦城離東南蒼巖間石扉靈槎截塵界曉日明煙霏古稱神
仙居欲往事已非林樹藏野縣空街行迹稀之子萬里役黃

塵手頗揮辛苦事科舉一笑辭布衣我公得茲地扁舟愜南
歸訟簡民俗淳官清吏仍飢荒庭齧瘦馬鉤簾燕交飛健筆
凌青雲江梅素英蜚性靜恆自安諺辭速羣譏士生亦樂
矧以友道微持罇贈遠別矢心諒無違

送張謙仲南臺御史

仲夏炎氣盛江河沸焦燉層雲張虛傘雷光掣金鼇旱魃奮
爲虐九土民嗷嗷矧茲東南區颺風挾驚潮漂流孰可禦弊
積成瘵凋側聞義豸冠遠策神馳驕冰檠期素守風霜厲嚴
操譬若激清冷慰彼方渴消憂私隱田里吏牘上下膠要當
得其情察察窮秋毫金陵古佳麗地控荆楚遙翠柏集飛鳥
蒼鷹擊秋郊臺端咫尺天明月手可招勗哉重名德山岳非
云高

雜言四首

元詩選 雲林集

六

秀野草堂

五五

舉世稱伯樂顧馬價倍增價增馬何益夙負千里能飢飽燕
山雪渴飲瀚海冰但令遂真性超逸非所矜

楚岡產至寶草木爲華滋一朝獻君門借問識者誰居然則
其足九苑終不移枯榮祇自辱造物真有知

孤桐挾風雨斃此龍鬪爭棄置百年後斲琴發清聲昔爲溝
中斷今作膝上橫寵榮亦旣美曷若能全生

鳳飢啄琅玕飛鳴以其時儀羽人罕識寄迹蒼梧枝城臬飽
腐鼠自得謂過之貴賤詎不分已矣隨所宜

送史高士謁吳閑閑

春水武昌船帆飛敬亭雨孤城厭喧囂聽此樵燕語揮手謝
時人開胃散煩暑煌煌闕下書曳曳雲間侶真人紫霞佩執
簡授璇宇攬衣欲從之神交諒傾許霽雨沐霄容風微鶴初
舉游心愜高明脫屣邁行旅懷哉會何時酌彼盈尊醕

度呂梁洪

朝發下邳山黃流沂迢遙呂梁開險關懸河傾奔號南通廣
越疆瓊貢來千艘連檣駐其下祈賽聲咽嘈岡環岸勢側廟
奠巖陰高橫灘絕東注亂石不可篙嶙峋布戈戟屈曲蟠虬
蛟湍飛稍旁激盤渦散驚濤修纜危一綫千鈞泛鴻毛凌虛
獨凝睇屹若登雲霄寒雲暗腥蟄落日搖金鼇我老才氣薄
搜吟愧前豪神京望何極輕颿競羣飄

沙河

沙河冬欲涸流淺日以急膠舟不可行念此勞苦劇巨艦魚
貫尾小艇纔轉折褰裳力推挽進寸還退尺呼嘯會林谷蕩
摩激沙石前瞻洳泗源高堰限通塞啓牖暴漂浮絕岸駭平
溢篙檣起紛拏跳躍如奮敵安流心稍舒十里慰行役舟人
忽相告上牖晚仍隔官程急方貢陸輦空委積永念平水功

元詩選

雲林集

七

秀野草堂

印玉

五十五

豈遂一朝適壯游俟時來欲速非我力郊連秋草黃日閃霜
樹赤孤村隱溪曲聊以供散策白雲山嵯峨矯首三嘆息

河流冰

十月寒氣盛長河流冰漸征艤泝浩浩鉤曲苦逶遲混漾圭
角露稍泣還參差恍疑戈戟森出沒相傾欹或負如墮礮或
利如鈇錐須臾驟風激瓊瑤積山危檣櫂一衝擊糜爛不可
支窮陰生極底乃見造化奇履霜固知堅物序矧及期行役
何未已君子宜慎思豈無冠蓋華揮霍遵大遠千鈞載車轂
絡繹駟馬馳覆前固戒險隕身悔何追我昔居南州感此日
未窺謁來二十年戰兢常自持終當挂高帆春洲揚綠漪

讀馬伯庸學士止酒詩

今晨不可出大風吹我帷陋巷泥沮洳空牆雨淋漓研朱課
見書冥思解羣疑敲門童子來袖有止酒詩讀之至再三擊

節喜且悲若飲此立酒揖讓陶唐時我古冠裳執彼璋與圭短褐纔掩脛藜藿空忘飢風雅久已衰作者微君誰嗟我重景仰老大將何爲

訪渭口葛秀才因題其壁

山盡江勢急江迴護平林中有隱者居樹木敷清陰推窗萬里適快我三年心摘蔬薦濁酒拂石題新吟醉來縱言笑起坐臨淵溪魚鳥亦遂性向人自升沈斜陽忽滿地引杖窮幽尋主人樂未足明朝期抱琴

次韻牟成甫

我屋青山下江淨餘霞赤三年卧憂患迹絕城府入扁舟乘興來獵獵風滿席豈無知心人邂逅談燕集撫物空自嗟白鷗亦閒適虛名苦勞生于事竟何益

雨中

元詩選

雲林集

八

秀野草堂

驟熱變風雨氣候一日殊綠樹擁如蓋殘花落無餘閑居日偏永手把種藝書幽幽魚鳥適寂寂車馬疎田父二三輩濁酒時來俱愁陰每思霽微涼意稍舒攜筇獨延佇層雲起遙墟

漢劍歌

爲吳閩閩作

古劍粼粼一泓水高堂脫鞘神光起何年失勢竟飛來風雨靈雌泣淵底自從掌握歸山人句連鐵鎖羈煙塵山石裂開鳴碧玉土華蝕盡浮蒼鱗天官下勅百靈守呼吸雲雷任驅走或云其來由漢始雷侯佩從赤松子千載相傳有定名造物忘令書太史君不見干將莫邪離復合氣衝牛斗森滅沒長鯨掉尾滄海闊

贈送蒙古字周教授

周宣石鼓久剝落浮雲變化字迹訛八分小篆亦已廢紛紛

行草何其多洪惟盛世自作古制書勒石傳不磨知君遠時
尚所學落筆星斗光森羅蒙恩千里領教職養育多士培菁
莪諧音正譯妙簡絕窮究根本芟繁柯牙籤玉軸點畫整照
耀後世推名科愧予鄙俚事章句儒冠多誤將如何

將過池陽畱別諸叔兄弟諸友人二首

拍手唱歌莫放狂舉觴飲酒莫令醉歌聲出口難為情酒味
入腸化爲淚男兒書劍從此始歲晚煙江片帆起相如題柱
過長安靖節辭官歸栗里人生窮達固有時我輩行藏得其
理沙頭執別意如何莫對酒莫聽歌我折梅花君折柳明日
天涯愧奔走世路茫茫重迴首

有耳不聽陽關詞有口不飲長沙酒丈夫官作兒女情對酒
悲歌惜分手天荒地久歲云暮飛霜急震勢欲走丘巒奔摧
山月墮鯨鯢翻波江水破江水萬里從天來長風日夜千帆
過皇英二女今遼絕太白千年古離別往者不可追浮生何
足悲君不見延平風雷起一夕神劍會合當有時

贈任丹碧鍊師

火雲壓峯斜日明下照百尺清溪橫丹葩碧樹光烟爍妙筆
可作詩無聲買田築屋者誰子江海欲歸吾老矣袖中豈無
于世書當年曾說黃冠師

贈張姓

張家女兒八歲餘手把椽筆誇能書翠眉玉貌畫不如一朝
獻藝承明廬風雲會合冠佩集當面濡毫翻墨汁弱身窈窕
纔過鄰步腕迴旋萬鈞力怒鯨橫海枯樹立震空忽墮顛崖
石功成直與造化俱歛見聲名起京邑紫裘蒙昔年少兒寶
刀瓊帶羊角觴平生一字不到眼對此悄然顏色赧君不見
蔡文姬班婕妤好風流文采絕代無吁嗟陶家五男子總令紙

筆爲荒蕪

無題

空房獨卧風夜號孤燈垂燼光影搖舊語已逐香塵消玉琴
瑤珥應自玩巧計却愛蛛絲嬌

高侯畫桑落洲望廬山

楚江浩浩山礚礚澹然粉墨凝冰綃直峯橫嶺藏曲折筆力
巧處疑鐫雕高堂淨如拭坐覺風蕭騷莫雲春樹隱復見人
家半落滄洲遙中有隱者居平生不受東林招日夜千帆萬
柁過未已誰肯拂袖同寂寥我愛高侯得天趣所見歷歷窮
秋毫米家父子稱好手率意尚復遭譏嘲靈機直恐神鬼設
變態叵測魚龍驕玉峽飛孤泉香爐障層霄自憐失脚行萬
里微官羈繫何由逃焚香沽酒靜相對長日令人愁恨消

袁伯長虞伯生約重賦次其韻

元詩選

雲林集

十

秀野草堂

長江西來生遠洲極目凝作人間秋奇峯列筍拔地起晴嵐
積翠凌空浮當時懷抱真快事笑撥短棹隨鳧鷖乘清弄影
歌窈窕洗淨萬斛黃塵愁風濤擊岸石欲裂日月出海雲還
收別來閑身墮羈束撫手嘆惜年光流高侯曾中蟠景墜落
筆肯爲仙翁畱神工超出八極表下視海岳如浮漚至人不
遣魂作夢咫尺已足窮追搜我愛題詩招靖節況有二子鳴
相酬便當開罇醉其下髣髴領圖爲鰲頭蒼煙歷歷辨廬屋
丹樹燈熒明林丘安得高侯數相見添寫一葉南歸舟

牽舟行

河水云云流不已泝流牽船魚貫尾怒風卷地漲黃塵白日
茫茫霧雲起前船纜影百丈微號呼併力行如飛後船纜斷
勢一失汗身滿足不相及須臾十里迴天風舉檣撒柁懸高
篷誰知日莫泊處所成功却與前船同篙師接語告勞苦僕

從亦復譏逾窮持樽傲坐且引醉悲喜豈足關吾躬君不見
何獨人生行與止請君萬事推此理

度閘行

新河十里分三閘閘束水奔河勢狹萬里昂昂擁不前我愁
度閘如度峽下閘已開上閘閉牽舟稍前復畱滯兩髯吃啞
氣敵虎擊鼓鳴鑼竟何計低迴却坐同嘆嗟咫尺攀躋未能
至憶昔枝江南賦鱣手招五老風生衣挂帆一日走千里錦
鯨拔尾開煙霏爾來閑身落羈繫安得化作孤鴻飛人生百
年復何有羨殺津頭老漁叟野祠日暮烏鳥啄得魚唯知換
村酒故山花木春事淡迴首漂零不知久明朝度閘舟已東
鱣來鱣來乎山中高陽舊徒吾爾從

除日登大巖山

大巖顛顛昂衆峯長年秀色摩蒼穹中峯獨高勢最雄支牽

五百廿三

元詩選 雲林集

十一

秀野草堂

印啟

脈貫相附庸朝賓大明滄海東岫雲勃鬱凝青紅懸崖萬仞
寒潭空下有晴雪生喬松形勞膽怯望莫窮但覺一氣浮洪
濛松摧雪凍藏蟄龍峯顛鎮以龍王宮擁潭出雲如白虹妖
魃却走年穰豐南村北嶮篁樹叢喧招巫覡過鼓鐘苔荒怪
石低復崇嵌空欲墮疑神功直者覆釜橫列壙森布兵戟羅
羣童盤迴絕頂路杳通扳藤舉膝撐心曾嗟予北游覽岱宗
太行西來連華崧浮生萬里隨飛蓬夢寐豈與當時同虎行
草偃吹烈風苦寒側翅號冥鴻麻姑敬亭知幾重李謝空復
遺塵蹤悲來狂呼赤鯁公五湖煙波駕孤蓬

贈楊生

生能
琢研

余聞江東之山出新安千峯萬嶺龍屈蟠黃山崔嵬九華對
雄雌時作風雨會中藏龍尾氣清淑山骨稜層石如玉六丁
呵護雲氣漫不知何年鑿鑿谷南唐綠研膚起鱗手摩潤澤

疑新浴羅紋刷絲名漸殊谷溪水淺真難復舊石既無新友
出貴介視之輕瓦礫揚生磨琢獨非常手持一二來豫章百
金酬價猶自惜故家云有千歲藏或聞山崩泉脈湧翻當
時遺石動至今散落樵牧家敲火磨刀隨日用衝煙踏雨忽
驚逢席裏瓊包不辭重我嗟拙書好蓄收松煙秃兔非其儔
嗚呼人生抱才坎壈勿輕許時來相遭亦如此

題商侯畫山水圖

秦鞏諸山天下美相君愛山心獨喜商侯落筆圖畫裏盤迴
咫尺藏千里遠山天際抹修眉近山淡黛連雲起下有百尺
清溪水石闌木盾懸崖底時見行人去如蝻危橋吹斷橫沙
尾村落林園接遐邇雲中世家重釋流東劉凌虛構華侈攔
鐘擊鼓兩巖間西劉輝煌賀蘭氏商周遺俗亦在耳豈無當
時隱君子我欲追游蘭雙趾却愛孤舟岸旁艤商侯商侯巧
能擬安得從之慰我思呼酒盡掃溪藤紙

五古上

元詩選

雲林集

十二

秀野草堂

濟州

充泗支流魯山麓會濟分河向南北扁舟高枕卧看山青入
齊雲雨新沐六年歸老敬亭閑忘却塵埃道路間松聲入夢
山巖裏驚散風帆去千里

題趙虛一山水圖

我愛青山欲躡去偶見生綃喜還住層巒墨嶂遠冥濛旭日
東生光采注簾陰微閃數枝丹疑是巖前半開樹晴嵐曉翠
千萬重一覽底須攜杖屨郭生十年不相見筆意從容入天
趣青田道人如瘦鶴能跨生駒窮海岳何如挂此素壁間終
日焚香相對閒政爾曾中有丘壑烏帽黃塵漫飄泊向來山
中我醉眠白雲孤飛興悠然清幽到處畫不出自遣數語人

間傳

送郭教授題鎮江

長江日夜東南來千巖萬壑雲屏開樓船挾纒行若飛白晝
擊鼓轟晴雷屹然中流浮兩峯颶風撞瀾勢欲迴珠宮貝闕
掩靈怪混漾百尺瓊瑤堆扶桑之西接巨島日月出沒荒城
隈英雄遺迹尚可識人物往往往鍾奇才嗟峨黃鶴起煙霧杜
鵲花落蒼苔當時我馬曾駐息浩歌散策爲徘徊霜髯古
色猶在眼恍若薄夢墮飛埃六年買屋住京雒鳳毛忽來光
璨瓊論交問舊喜復嘆詩酒解后常開懷如何掉頭不冒住
笑張短席懸歸椀故山早晚我亦往莫遣猿鶴相驚猜

送劉道夫

西巖松篁路雪消沙水清天寒行役倦酒醒別愁生落日橫
車影長雲送鴈聲梅花應未發畱待照春晴

秋日陪集賢學士趙公敬夫憩龍山玄真宮

元詩選 雲林集

十三

秀野草堂

下卷

山轉疑無地人家近隔村野田秋穫開岡路晚行喧川淨雲
生石溪平水到門偶尋高士隱相見遂忘言

和鄭義山韻

自笑謀身拙相逢客歲寒江湖猶泛梗日月奈飛丸凍雪封
階合微燈照影單鄉愁千萬斛消得酒杯寬

陽墅道中

馬上千峯列溪行不盡源野船高似屋山縣小如村路繞田
間曲池漫雨後渾靜來應最樂綠樹擁柴門

燈花

今夕離家遠燈花儘意開綠煙浮小暈紅焰落輕煤影照頗
占喜心挑莫見猜遙知兒女坐歡笑對銀臺

和戴剡源同史憲使游三天洞二首

洞底天無隔多應禹鑿開海聲通屈曲石汗洗塵埃欲撲巖

崖去空令杖履迴無端僧占住多少後人來

古寺何年建 低屋亂巢老松擎雨蓋修竹拂雲梢石壓泉
聲伏山迴隴勢包追隨記今日照影俯池坳

同朱克齊蔣教授游大梵寺二首

遠客閑無計微官欲賦歸偶尋幽寺去頗覺俗情非涸澤飢
鷹戀高空獨鴈飛西風如有意向晚襲人衣
梅竹野人家橫塘跨古槎日斜鳴遠犢風急亂棲鴉細路妨
行輒高樓促怨笳感衷無盡景流恨到天涯

再和前韻二首

喬木蒼煙合清江旅鴈歸功名遺史在城郭昔人非家遠書
猶隔春陰絮欲飛緇塵空滿眼終日到征衣
清溪盤百曲虹影駕橫槎春事怨行客夕陽啼亂鴉山明分
衆木天闊散悲笳却羨僧家勝推窗瞰水涯

四百六十七

居庸關蚤行

元詩選 雲林集

十四

秀野草堂

茅屋聞鷄起羸驂並轡行澗深孤碓響山暗數燈明細憶昔
題處空慚不棄名客愁偏切耳斜月候蟲鳴

槍竿嶺

薄宦辭家遠經秋未得歸直隨山北去却背鴈南飛川淨白
雲起郊平紅樹微憶曾畱宿處立馬認還非

次韻袁伯長舟中雜書三首

百里長堤上蘆蔥夏木清山雲含雨重溟浪挾風輕弱質辭
官責歸心數驛程江湖眼前闊點點白鷗明

憶昔相逢日維舟夕樹邊岸花飛別酒江鴈落鳴絃夢斷三
年客雲分萬里天因君共行役撫卷重悽然

漸老慚何益扁舟稍浣塵貼雲鷹翅闊浮日草光勻坐側民
風歎行甘客計貧遙知故園竹新綠半成筠

小市人家簇扁舟晚色清山迴傾地勢閭險著溝聲岸石篙
存迹溪風樹引情明朝順流去萬里眼初明

濟州

舊濟知何處新城久作州危橋通去驛高堰裏行舟市雜荆
吳客河分充泗流人煙多似簇聒耳厭喧啾

清河

溪碧石生處山青雲起時蕙花紅映岸藤蔓翠牽籬落日漁
家網微風酒市旗順流船漸急翻覺去心遲

彭城夜泊

今夜彭城月樓頭又許高故鄉千里別浮世百年勞酒力消
錢夢詩裏起舊豪西風稻梁鴈江海去嗷嗷

真州

元詩選 雲林集

十五

秀野草堂

印啟

一雨淮南霽新城喜暫登江平流浩浩山遠路層層大舶連
檣發高樓列檻凭北居殊覺久眼畏火雲蒸

郊行

樹末炊煙綠人家住澗西風輕鷺語滑泥重燕飛低病渴憐
新釀閑吟憶舊題小莊蠶最熟喜欲報山妻

無題

馳道塵香逐玉珂彤樓花暖弄雲和春風漸綠瀛州草細雨
微生太液波月榭管弦鳴曙早水亭簾幕受寒多少年易動
傷春感喚取佳人對酒歌

立秋日雷陽野菴

林陰欹枕午鷄啼薄夢驚回盡已迷漠漠蒼煙杉一徑粼粼
碧浪稻千畦龍湫贖救年來早虎跡新行雨後蹄自表瀧岡
何日事傷心淚洒夕陽西

久雷翰院思歸

日日思歸未有期，夢魂幾度繞園池。
白雲滿地山溪處，紅日當簷雪霽時。
竹外板輿春步小，花間銀燭夜筵遲。
好將烏鵲頻占喜，便買歸舟泛碧漪。

寄張芳洲

客裏秋風厭道途，歸來決策侶樵漁。
知心白石煙霞在，滿眼青山故舊疎。
畏熱還思親枕簟，愛閑應媿負琴書。
麻姑池上花如錦，何日相過駕短車。

舟過湖州

樓臺金碧照嵯峨，故國諸公奈樂何。
遼鶴歸來城郭在，海鷗飛處水雲多。
春迴廢苑花新發，愁滿空船客自過。
回首蒹葭三十里，天風落日斷漁歌。

得家書

元詩選 雲林集

十六

秀野草堂

睡起相思勞寸心，卷簾無語立簷陰。
故人千里碧雲合，斜日半川紅樹深。
江鴈忽傳秋後信，隴梅應待雪中尋。
天涯奔走成何事，輸與寒窗抱膝吟。

通州道中

萬雉參差雲霧開，四千里外客重來。
平岡日出車牛喘，古道塵飛驛騎回。
白玉至今傳楚璞，黃金自古說燕臺。
高樓紅旆應如昨，莫遣新愁到酒杯。

襄胡則大

疎林日暮雨潛潛，睡起秋聲滿樹間。
高閣卷簾人北望，短帆隨鴈客南還。
樓遲自覺身全懶，憂患潛驚鬢欲班。
應有山靈迴俗駕，不妨長日掩雲關。

餞王敬叔

十年湖海一尊同，醉裏那知鬢欲翁。
投轄不緣今日雨，論文

未減昔人風春隨流水三分盡酒重交情百罰空莫道雙溪
堪舉棹片雲來往敬亭東

寺丞公索賦鶴雛

楚楚玄裳映編衣長身漸見頂丹微未乘遼海秋風去應待
緱山夜月歸珠箔小開頻飲啄玉琴閑弄學鳴飛主人馴養
情方狎莫似鷗盟海上機

五月三日出城南書所見

短衣出郭暑風清袞袞西山晚日明密樹藏村疑斷徑小橋
分市識荒城碧涵波暈隨魚沒白隱沙痕逐馬生到眼天機
無解處亂鴉欲息更縱橫

邳州

荒城十載路重經暫艤扁舟坐驛亭春到梅花何處白雪晴
山色向人青驚心家遠書難寄迎面風寒酒易醒莫憶牽衣
兒女態曉猿夜鶴笑林扃

四乃十五

元詩選

雲林集

十七

秀野草堂

印玉

采石磯

斷磯江上碧嶙峋漠漠蘆花轉岸頻舟小風微猶勝馬山高
石立宛如人羨渠釣艇滄波闊老我征途白髮新寂寞蛾眉
在天際遠煙青處晚雙顰

惠安橋

涪陽山水壯南州千尺飛梁連去郵蛟鱷翻濤聲吼夜虹霓
分雨氣橫秋險疑雲棧通車馬高比銀河挾女牛鉅萬功成
書太史絕勝舟楫濟中流

送馬伯庸學士赴上都

人間六月沸炎波上國清涼樂事多視草舊傳真學士散花
新起病維摩千年結友心相似萬里辭家意若何料想勝游
偏得句秋風先寄鴈南過

過河西務

兩年衣袂撲京塵出郭青山照眼新
食祿無功酬聖主棄官歸隱奉慈親
交游此別三千里衰病今逾五十春
自笑虛名成底事閉門何恨著書貧

送師道姪赴太常奉禮并寄勉師泰二首

江浦風帆拂翠微官程日日去如飛
容臺畫靜花明珮玉禁春淡柳染衣
隨直定知車北上思親莫忘鴈南歸
青雲故友應相問爲說煙蓑老釣磯

四月含桃喜薦新紫衣贊禮屬芳辰
官稱猶是青瓊物老大潛驚白髮人
客久蘼鹽憐汝弟病多藥石愧吾身
小窗風雨連牀夜記取挑燈莫厭頻

司業李公哀輓

山立庭紳聳衆觀名高真不愧儒冠
文章清廟藏琬玉勛業烏臺振羽翰
譽重朝端知有子貧憐身後似無官
百年耆舊凋零盡展卷哀辭忍淚看

賦牡丹

得千字

曲檻春如錦暗開曉日妍樹搖風影亂
枝滴露光圓玉佩停湘女金盤拱漢仙
翠填宮鬢巧黃染御袍鮮力費青工造名
隨綺語傳細翎層擁鶴弱翅獨迎蟬
倚竹成雙立畱華任衆先久看心已倦
欲折意還憐洛譜今存幾吳園路憶千
可應頻載酒相與醉華年

次王士容經歷賦廣東二十韻

巨鎮雄江表炎州介嶺巔通津波險涉
接驛路高緣土貢來遐遠輿圖按末顛
獷民疲鬪蟻狡吏攫飢鷓蠱念山多瘴
蒙知地出泉黃浮鳥影淡紅暈蜃光連
石老苔成蘚崖陰筍作鞭翠屏開近嶂
素練杏廻川禽弄千般巧花分四序妍
九重

嚴政治六轡選時賢喜際風雲會同沾雨露天勝談蓮幕內
妙句藥階前苦味檳榔好清香荔子縣罕逢苑北馬富聚海
南船古跡荒城碣晴炊野墅煙行經韓子竄蠻恥越王偏賈
客財常萬僧尼寺或于整締冬亦爾乘屨俗依然人物生唐
相儒風盛孔編快心時小憩過眼境煩遷發興超言外銷愁
向酒邊入朝應報最何得賦歸田

題虞少監小像

巖壑高堂上煙霞眼底清向來曾寄迹老去未忘情茅屋蒼
林掩藤崖白道縈遠峯雲際直孤嶂水邊橫宿雨分濃澹斜
陽閃晦明折梅驚雪墜倚竹待風生嶺斷炊煙補沙迴磬岸
傾雜花浮野意飛瀑送溪聲婦饁忻鳩喚兒耕感憤鳴攬衣
隨處坐曳杖有時行拄笏曾招爽投簪每懼盈他年著書樂
應不愧虞卿

四十四

元詩選

雲林集

十九

秀野草堂

邢啟

舟宿荻港

冉冉秋雲暮衝寒買去船長江瀉吳楚故國澹風煙日黯蘆
翻雪磯危浪拍天蛟鼉潛暗壑鴈鷺起平川虎飲沙遺迹龍
歸窟漢涎岸崩縣老樹山暗失層巔靈廟森長戟奔灘抱古
厓漁家罾網集商船鼓鉦闌登覽誰無恐漂零客有篇浮生
行役苦卽合卧林泉

槍竿嶺

百折迴岡勢欲迷舉頭山市與雲齊經行絕似江南路落日
青林杜宇啼

金陵臺次韻楊學士

青山繞驛客重來十里羸驂首重迴今古金陵悲絕處夕陽
野牧下荒臺

上藍寺

在洪城內乃
馬祖道場

古寺迴廊雪滿階
官閑因訪老僧來
一方晴日簷聲響
絕愛小窗臨竹開

舟中偶成

稻花水落正魚肥
湖上孤雲帶雨歸
林影倒涵波鏡動
白鷗低俯釣船飛

過廣德

黃塵鞍馬夕陽邊
不到桐川十二年
萬事只多新白髮
虛名何日賦鱣田

偶成

激激橫塘柳四圍
雨餘來看綠陰肥
燕翎拂處波如縠
半幅淡紅漾落暉

池州郡齋除夜寄呈家君

郡齋寥落夜無眠
紙帳青燈思悄然
不是今生惜今夕
却緣

元詩選

雲林集

三十

秀野草堂

明日是明年

望池州山

少年江上一官閑
老去重來似夢間
欲覓故人行樂處
白雲遮盡九華山

慈湖磯

碧蘿交蔓絡崖陰
潭底潛蛟萬仞深
今古江流推不去
溼雲長護最高岑

題扇

花禁春游玉輦遲
君恩同載妾深辭
娉婷團扇秋風底
猶似增成寵幸時

寄報國寺訖笑隱

江海無端客路長
扁舟明日棹滄浪
遙知風雨溪窗夜
夢逐潮聲到上方

養浩字希孟濟南人自幼以才行名薦爲東平學正遊京師獻書于平章不忽木大奇之累辟御史臺丞相掾選授堂邑縣尹擢監察御史疏時政萬餘言爲當國者所忌除翰林待制尋罷之恐禍及乃變姓名遁去尚書省罷召爲右司都事遷翰林直學士改祕書少監延祐設科以禮部侍郎知貢舉累拜禮部尚書英宗卽位命參議中書省事以父老棄官歸召爲吏部尚書不拜泰定間屢召不起天曆二年關中旱饑民相食特拜陝西行臺中丞慨然就道禱華山嶽祠泣拜不能起天忽陰翳一雨二日到官四月傾囊橐以賑饑民日不勝給每撫膺痛哭遂得疾不起贈行中書省平章政事追封瀆國公諡文忠別號雲莊有雲莊類藁行世江浙行省參政李術魯翀爲之序曰本朝牧菴姚文公以古文雄天下天下英才振奮而宗之卓然有成如雲莊張公其魁傑也又曰其文淵奧昭朗豪宕妥帖辭必已出凜有生氣今觀其句法如江空孤月白天闊片雲高月色蟲邊苦秋容鴈外溪斷嶺雲通氣顛崖樹倒根又鶴嫌客俗穿雲去燕喜春陰掠地飛華髮半簪天與老丹楓兩岸水分秋半窻春夢子規月滿院客愁楊柳花勘破宦途盤谷序蹴開天網漆園書其風致瀟灑亦在元和長慶間也

維日之良 祀祖宗于家廟也

維日之良嘉薦令芳于豆于俎是登是將于祖考之堂 燭

輝其前鍾韻其俯神具億止風帷褰揚儼承其容光儼覲其冠裳儼聆其誓歆儼被其文章 維靈歆止我侑我侍胥悅

胥怡載鼓載吹工祝有嚴儀物孔備將何以祈嗣嗣惟畏
匪位秩欲隆匪貨利欲充匪居第欲侈匪禎瑞欲豐子祈
其賢婦祈其從兄祈其友弟祈其恭德祈其厚業祈其崇族
祈其睦時祈其雍維神人攸同

有田 野人遂其閑也弱冠出仕知命而歸爰處于
郊有琴書以自樂也

有田負郭伊邇匪遼我倦而歸於焉逍遙爰力于書且勤于
苗朝斯夕斯以詠以謠式結今好言報夙勞山旣我狎川
亦余媚維禽維魚亦莫余畏林則有風洞則有雲釀則有
稊饌則有芹樵則有柯釣則有綸維人至樂曰丘曰壑得
而頷之何有人爵彼爵與名豈不我榮其或舍旃允有未
任允有未任且以鼓琴

壽子 示引也

元詩選 雲莊類藁

二

秀野草堂

於維我祖肇基青陽揮爲弓正爰氏以張厥族孔殷奕葉振
芳周仲孝顯漢良智彰釋之平決博望遠揚折轅有湛埋輪
有綱吳憚昭直蜀賢飛剛五龍佐宋九齡輔唐睢陽之節山
斗與昂燕公之文江漢巨量玄素遺直志和真藏下迨五季
全義循良天水之興齊賢慨慷垂崖崛起西土是康橫渠道
學于聖有光南軒繼之益熾益昌天開皇元有公有卿凡吾
之胄皆時之望 繫我王父夏世多故服戎前茅艱險伊屢
其周人急空囊弗顧垂百其齡可灼平素父年十八獨任家
務于江于淮是亂是遯以隱于賈以晦其著以儉其出以阜
其聚以開我人以篤我祜余時昉冠儒雅是慕維詩維書靡
旦靡莫其業未竟迺仕迺驚親實命之弗荷恒懼幸無失墜
以永終譽豈曰能官菽水攸助甫出五旬遂引而去 二子
喪一今惟汝獨汝兄使存吾豈汝督茲因誕辰略汝之告彼

聖與賢非四耳目第性湛然不汨於欲夫道非遠在志之篤
維志之篤無堅不窟無遠不躅無高不升無淡不矚其弱可
強其暗可煜鐵焉可金石焉可玉母小成是枯母細娛是逐
母師友是拂母祖宗是辱 維人之心匪惡伊善由弗修養
道乃違叛處彼下流只將孰怨粵天地分歲月無算此身始
有胡忍塗炭古人遺訓方冊具見吾指其南汝進毋憚

得子強也書詩以荅之

有容附書至封識墨尚新展讀笑良久勸我歸及辰我豈不
汝懷愛此泉石鄰官事亦既簡又多素心人劉生書滿家揚
叟酒味醇而况俱好客有微眉不覺緬思霄壤間實與逆旅
均焉往非寄寓奚必家園親置書桃笙底且復樂我真

夜雨寄呂叔泰

隆隆暑威歇稍稍秋意淡豐草漸改色穹林亦蕭森况兹風

元詩選 雲莊類藁

三

秀野草堂

雨夕微燈翳寒陰潛蛩洩幽語徂鴈遺哀音以我耿耿懷知
子難爲心含情睇層昊咫尺猶商參裹飯孰子遺載酒孰子
斟豈不欲一往畏彼泥潦侵古人道義交非惟讓分金斯事
久索莫念之恨彌襟願言軌前躅尚期勗來今

擬四季歸田樂

春

尚

日月底天廟陽燿土脈生習習協風來顛顛衆蟄驚農人服
厥畝薄言事春耕缺堤流瀨瀨灌木鳴嚶嚶白扉颺青帘綠
野明丹英蠶婦喜形色牧豎歌傳聲天隨野色遙山與吟懷
清向來慳一際今者幸四拜倘祥子真谷萬事秋毫輕

夏

北陸展修畧薰風薦微涼麥波浩無津細路如橋梁溪光林
樾潤雨氣桑麻香春聲破幽寂人影來微茫缺垣誰所居紅

碧相低昂翁媪老瓦盆兒女前捧觴我行適見之亦覺心樂
康昔聞太古俗今歷華胥鄉向令早知此詎使田園荒迷途
諒非遠淑景良未央於焉遂平昔孤陋庸何傷

秋

黃雲亘郊野農力今有功茲乃民之天治理根其中我雖未
及粒已覺飢腸充田頭父老過擊壤今歲豐自愧無寸積坐
享雍熙風秋成既如彼况對菊與楓氣澄天宇高心寂塵累
空木落山獻體波縮沙雷蹤遐興何悠悠迅景何息息俯仰
田舍底或能保初終

冬

歲晏日南至場圃靡所勞告成三務功盈耳康衢謠鴉飛嶺
外陂虹斷林邊橋將期養疎拙詎厭居寂寥負暄坐晴簷煦
煦春滿袍對山閱吾書懷古酌彼醪此樂天所靳何幸及草
茅雖非鹿門龐或庶彭澤陶爲詩寫幽尚刊落華與豪集以
貽知音悵望心搖搖

元詩選

雲莊類藁

四

秀野草堂

登司天臺同李景山元復初分韻得色字

湫居厭紛厖升高百憂失河流耿微明野燒還故碧太行望
中低斷處仍雪色翠華天尺五金城年萬億美哉山河固兩
有險與德區區遠與金銅駝幾荆棘開闔看煙雲興廢感今
昔所恨難久畱悲風晚來急

趵突泉

物平莫如水墮阻乃有聲云胡在坦夷起立若紛爭無乃滄
溟穴漏洩元氣精不然定鬼物搏激風濤驚奇觀天下無每
過煩襟清茫茫彼區域載物良不輕微水坤焉浮非天水奚
生孰知一脈許而與天地并因之有真悟日晏忘濯纓

郊行

遠山如遁藏近山如見逼老夫緩策行超遙歷阡陌清風動
林木浮嵐上巾幘雲霧自遠來忽覺川陸黑霏微數點雨顧
視衣不溼野色含蒼茫如游化人國平生喜清景攬之欲杯
吸詎惟可樂飢亦足已沈疾幽閒自能年直恐人未識千載
桃源春莫謂訪無跡

郊居許敬臣廉使見過

野處欲忘世况乃平昔友寥寥數畝園甘此養衰朽絃晨君
見過童揮駭而走牙燾明郊原騎從盜巖藪輝光生泉石意
氣排戶牖握手論夙心相看各自首豐豐及經術眷眷接杯
酒嘉我高尚懷一卧七年久自言微親老亦欲謝紛紛從仕
非不佳其奈多掣肘所以明哲人往往去之陡此言公近諛
彼節余何有本期野老俱孰敢達者偶渺渺煙林合浩浩風
隧吼涓涓水穿竹忽忽日低桺出門俱黯然人影亂田畝

元詩選

雲莊類藁

五

秀野草堂
顧明

長安孝子賈海詩

天曆元二載西土罹薦饑愚時拜中丞帝曰汝往釐嗷嗷三
輔間十室九困疲行者總溝瘠居者恒餒而親戚自魚肉遑
恤父子離鄆縣民有賈竭力奉母慈闔門爲口四一妻仍一
兒操瓢日行丐有得歸母貽不幸值虛往見母顏忸怩退省
百無有滿屋風淒其以湯和糠粃進母母不怡曰我幼汝飼
非珍卽甘飴而汝今我哺以我犬豕爲况我老且病累汝無
幾時子懼白其妻無言第頭垂妻曰攜此子從鬻無問誰市
呼不見售復歸泣漣漉子心救火急兒命累卵危陰攜至他
所恩愛從此辭解衣益不殊反爲子禁持取盆拔佩刀手足
隨紛披給云黃犬炙雅於補衰空母知口腹美不悟骨肉虧
子幸母解顏不計妻攢眉余聞驚此言怒詰官失治使民至
如此賑貸猶遲疑卽引造行省使細陳毫釐且出兒肉鬻

府徧示之飭諸相坐前余爲失聲悲促掾狀其故聞上星夜
馳或將復徭役或將表門楣或斥兼金賜或選好爵縻上以
勸臣子下以安期頤廷議必不爽命下會有時昔人有埋子
天憐以金遺復有貨視者哀鳴走通遠亦有棄半途完姪與
相隨未聞刃所愛萬古猶絕奇嗟哉賈生心世俗彼烏知母
以賈爲忍母以賈爲癡子失或再有母失庸可追孰能庭桂
惜使我堂萱萎惟其持是心屠子如屠狸粵從王政圯風靡
俗亦漓子囊錢貫朽母篋無針錐子妾曳綺羅母裙露膚肌
不慮親猶天以利爲根基不究身何來以貨爲宗枝於物尚
爾靳矧乃襁褓私嗟哉賈生心堪爲世俗規嘗聞前哲言一
孝蓋萬症孝可包衆善孝可動兩儀孝可神鬼格孝可賢聖
期能孝斯能忠厥心自親移願彼爲人子終身誦吾詞

史稱希孟爲行

臺中丞聞民間有殺子以奉母者爲之大恟出私錢以濟之卽此事也

元詩選 雲莊類藁

六

秀野草堂

毛良卿送牡丹

并序

同開毛良卿家牡丹盛開意余一過而未敢顯言日者
以折枝數花見貺余媿老嬾不能副其意故作是詩以

釋之

三年野處雲水俱逢春未始襟顏舒故人持贈木芍藥慰我
意重明月珠入門神彩射人倒荒邨爭看傾城姝急呼瓶水
浴紅翠明窻淨几相依於自言私第惟此本每開蹠鞞窮朝
晡樹高丈許花數十紫雲滿院春扶疎栽培直訝天上種重
染不類人間株有時風蕩香四出舉國皆若蘭爲裾貧多藟
屋僅數椽照耀無異華堂居天葩如此忍輕負轉首夢斷巫
山孤明當灑埽遲鳧寫未審冒踵荒寒無余聞感德良勤劬
久習懶散倦世途深藏非是德公傲索居莫晒儀曹愚禁廚
一齋味已得類推固可知其餘君持詩去爲花誦蜂蝶應亦

相懽娛

遊香山

山行彌日山益奇亂峰挾翠如吾隨遊人聯蟻度林杪細路
一線雲間垂茫然四顧動心魄嵐光蕩秀浮雙眉路迴寶刹
忽風墮大鵬九萬離天池林煙媚景翳復吐欲見不見神護
持松藏雷雨太陰黑泉迸巖藪銀虹馳我來青帝已迴馭太
古殘雪猶離離一聲嗥鳩百花落兩崖紅雨春淋漓笑驅虎
豹坐盤礴悠悠萬古歸支頤須臾興盡下寥廓長風又送雲
邊詩蓬萊兜率杳何處無乃造物移於斯往年夢裏記曾到
先聲已爲猿鶴知惜無奇語勒丹壁坐令清賞成絕癡斜陽
忽將暝色至山靈應怪歸鞍遲人間勝事忌多取毋使樂極
還生悲

贈劉仲憲

并序

元詩選

雲莊類藁

七

秀野草堂

君甫

仲憲衛州人以儒掾臺省者十餘年清苦如一日人饋
遺皆不受能詩喜談政治嘗謂爲天下不自農桑始三
代之盛終不能致間嘗叩之其言激切或至淚下余器
其人類古君子故以詩贈之

廟堂鼎食窮水陸風紀惠文寒聳玉而君名位不省臺常見
私憂結眉目竭來我過白所懷如枉末伸功未錄諄諄三代
治安本修水火金并土木丞民旣粒教乃敷和氣春風生比
屋自從秦缺廢井田王政絲棼民涇東利歸兼并富嚙貧萬
世禍基從此築漢興文帝殊有爲瓦礫黃金金玉粟蠹農一
切悉禁絕千耦如雲四郊綠下及魏晉隋唐若耀武功或
貨贖盡劓民力供上需何異養身還餌毒間時偶爾值小登
悔禍元出天公獨勸農使者徒上功虛麗祗堪文案牘繹騷
後迨五季間競投錢縛懸刀鐳民間十室九皆家父子幾何

不潢瀆吾元有國天所資世祖躬歷艱難熟未遑禮樂刑政
頒首闢司農惟穡督至今在在著作林枝幹排雲葉猶沃當
時治效槩可知行不齋糧居露宿茲非前聖後聖規豈特千
年萬年福統元欲復今何難政坐因仍弗加勗駿奔期會誇
獨賢淡竟根株銜能獄毀方求媚爲通融滌垢搜癥稱幹局
嗚呼是豈經遠圖刑劓誰虞覆公餗孟氏古稱王佐才照世
格言星日煜論治略無奇異聞唯說耕桑與雞畜使當此日
出此言可必諸公盡嚮願聖賢於彼非不知但恐違天拂民
欲竊嘗窺管得一斑端本澄源在當軸仍擇師帥專撫綏且
諭臬司精考鞠的行黜陟表情勤重立賞罰旌慝淑如斯上
下不裕寧伏鎮市朝甘顯戮我聞其語汗雨如始也解頤終
項縮半生醉夢鄭衛音一旦醒心韶漢曲劉君劉君策固佳
俯仰悠悠知者孰傳存拾瀋示永箴書著典戎昭往躅君不

元詩選 雲莊類藁

秀野草堂

見東家求官交近侍西家豪富相徵逐奈何温飽不自謀日
爲黎黔欲長哭我知君心如古人我知君才非世俗子牟身
遠志在廷梁父調高音振谷賈生流涕叫虎關屈叟甘心葬
魚腹舊聞造物輔善良比歲看來亦翻覆紛紛已往姑莫論
目擊試將吾友卜承家千里止一男半夜麒麟去何速淚巾
又燥女又殤蘭玉埋香見無復士夫固以貧爲常門戶那堪
禍相屬我嘗送米猶見却一芥他人冒輕觸處勤節義愈凜
然風雪倒山松柏矗邇來蹤跡尤可嗟十倍戒途輿脫輻勞
勞簿領頭斑白承務酬官在昏夙否極或者泰運還有詔吏
止七品服君由弱冠冠儒冠一槩誰分鸞與鵬世間屯難表
裏攻阮籍途窮未爲促昨朝跋馬過所居圭葦荒涼雀堪撲
座無裊褥甑生塵度有詩書盤肯藉歸來歎羨原憲貪却顧
輕肥還自惡蹇余亦本山野民仕路強趨終躋跼向非親命

須官爲定買煙霞事耕斲書生所見然頗同欲奮不能寧韞
櫝因知世事如意少詎止君家爲不足子孫筭列多冥頑玉
帛山堆足憂辱國忠貴顯奴隸憎黃憲清貧古今伏人生果
在官有無可與智言難衆告今晨霽色雨洗新羣木疎明麗
朝旭一杯陶寫千古情我起踏筵君擊筑天開羅幌雲千疊
地展錦屏山四簇不須華俎餽蕙纍政要露杯羞杞菊須臾
醅酌彼此忘哀玉滿庭風動竹

過長春宮

往年嘗夢蓬萊宮三山鼇背搖虛空滄溟俯視一衣帶銀河
鼓浪來天風茲遊良不異疇昔半日愴怳迷西東平生頗似
有仙分足跡未到神先通層樓複觀此誰構只疑天巧非人
工繞簷松影黑於海步驚棲鶴翔雲中西山亦喜得佳客巍
峩相向如爭功遼金興廢渺何許今人一笑憐雞蟲須臾遍
歷至方丈壺酒盤果羅青紅心清已覺破煩暑左右况復扇
兩童道人見我樂幽勝故爲畱戀談無窮鼎鑪百沸失膏火
風水萬里忘萍蓬默求詩句爲相荅半醉揮出毫端虹煙雲
滿室動鬼神不但爲彼開盲聾笑談人境兩相稱此會詎與
尋常同却愁歸去到塵世又隨俗迹墮樊籠

西巖醉筆

興來放步白雲嶺海闊天高異人境亂山萬馬東南馳只恐
郊原碎俄頃乾坤誰管白鳥閑今古空餘野煙冷何當結屋
最上頭擺脫塵紛事幽屏

我愛雲莊好四首

我愛雲莊好溪流轉玉虹驚颺荷背白殘照鳥身紅遠意微
茫外真懼放浪中終身能若此甘作灌園翁
我愛雲莊好柴門俗客稀門田蟲撲帽坐樹蟻緣衣雲水一

銅鏡霜林萬錦機東岡破故在辭聘未全非

我愛雲莊好衙門晝寂然苔香花覆砌石潤竹通泉獨處蓬
為室閑遊杖挂錢白頭鄉社裏未覺媿前賢

我愛雲莊好民風太古淳婦勤絲滿篋兒嬾硯凝塵秦系唐
高士張融齊逸人只因疎散久每每忘冠巾

惜鶴十首 并序 錄四

鶴仙禽也由凡翼非其比恆不為世人所愛而愛之者
往往皆山林中人蓋物以氣合理勢然也子嘗得其尤
者一秦之既久翩躚與人相習日者為田姬傷其脛丸
病兩月斃惜哉因取其始末作十詩將以慰其不幸云

爾尚友文鶴賢鶴招鶴症鶴夢鶴劇
鶴六題琰存吾風雅本中全載

購鶴

野處幽獨甚千金得令威挾雲出塵網領月到柴扉
廢足妨

四多廿七

元詩選 雲莊類藁

十

秀野草堂

颺去遮亭使學飛至今湖上路樹石亦光輝

病鶴

渠本仙家物胡為久不安強行時搦翼歛立欲遺丹誰藥相
如渴獨憐范叔寒一鳴雖確確猶自徹雲端

挽鶴

共處人煙外誰期禍乃身九泉空有恨四野欲無春
華表雲應淚瑤臺月亦塵當年林處士泉下定相親

憶鶴

玉立昂藏態山中我與君幾年游賞共一夕死生分徐步
閑窺沼高飛遠帶雲為誰重起舞倚杖立斜曛

山行

一嬾將成性春游尚爾勤花歛知雨水皺見風文碧落一
明月青山半白雲却愁從此去塵冗又紛紛

晚霽

老嬾便幽靜空庭步翠行牽牛上籬落鬪雀下簷楹斜照慳
窻影停雲足野情田園無限樂夫豈爲逃名

晨起

戀枕嫌多夢開簾曙色迷鶴寒依戶立猿餒近廚嗥蹴石泉
鳴屋香煙樹隱堤邨居真可喜觸處是詩題

冬夜早起

推枕人初起出門星尚存歲寒郊野闊天早樹林昏窻影猶
殘月雞聲已遠邨孜孜何所事時取故書溫

登泰山

風雲一舉到天關快意平生有此觀萬古齊州煙九點五夏
滄海日三竿向來井處方知隘今後巢居亦覺寬笑拍洪崖
詠新作滿空笙鶴下高寒

元詩選 雲莊類藁

十一

秀野草堂
君甫

遊香山

常恐塵紛汨寸心好山時復一登臨長風將月出滄海老栢
與雲藏太陰寶刹千間窮土木殘碑一片失遼金丹崖不用
題名姓俯仰人間又古今

同元復初飲許仲文別墅

曉日樓臺海市仙春風歌吹酒家天五雲分彩來瓊島兩鶴
聯飛下玉田流水故將塵隔斷好花都被雨開全人生佳處
無何國鍾鼎山林恐未然

過顏魯公廟

李唐失紀相非夫竟遣忠良與禍俱抗竄一身皆是膽雷名
千古不因書極知老境桑榆近爭忍清朝社稷孤下馬荒祠
訪遺躅北風吹樹渺愁余

上都察院

栢臺人散坐堆厖默記灤江四往迴髮爲薦冠容易雪心因
蝸角等閑灰慚無元素迴天策空負坡仙酌月杯兩處飄零
家萬里亂山遮斷白雲堆

秋日梨花

雪香吹盡樹頭春誰遣西風爲返魂月影已非前日夢雨容
獨帶舊時痕只知秋色千林老爭信陽和一脈存莫訝殷韓
太多事仙家元不計寒暄

九日

一行作吏廢懽遊九日登臨擬盡酬詩有少陵難著語菊無
元亮不成秋雲山自笑頭將鶴人海誰知我亦鷗幸遇佳辰
莫辭醉浮雲今古劇悠悠

大雨

不用風雪雷
霆江海等字

六合乾坤一太陰仰觀毛髮爲蕭森排空疑有鬼爭戰對面
元詩選 雲莊類藁 十一 秀野草堂

不聞人語音元氣只愁今日竭桑田更比向來淡須臾林杪
標新霽一抹斜陽溼欲沈

寒食遊廉園

湖天過雨澹春容輦路迢迢失輦紅花桺巧爲鶯燕地管絃
遙遞綺羅風羣仙出沒空明裏千古銷沈感慨中免俗未能
君莫笑賞心吾亦與人同

留別元復初

臺閣聯飛二十年臨歧欲別重悽然人言廉蘭才相軋誰信
陳雷志愈堅古井不妨風浩蕩浮雲何損月嬋娟江湖秋淨
多來鴈莫惜平安到瘴煙

中都道中

細草和煙展翠茵雜花勻簇道傍春鳴禽曠野棲無樹破屋
荒山住有人露溼弊袍寒襯月風餐行鉢暗凝塵去年閩海

今沙漠贏得霜華鏡裏新

客中除夕

野性萋萋不耐官強顏塵土步邯鄲移文久爲雲山笑捧檄
聊供菽水懽香返梅魂春一脈愁叢燈影夜千端古人事業
余何有羞見茅齋歲又闌

直省

微風吹雨溼層陰寂寂長廊靜足音怒虎九關天日遠冥鴻
一線海雲淡求田素有陳登志作吏初非叔夜心說與飢鳶
休嚇我掉頭巢父正長吟

雷別鄉里諸友

粉署銜香十許年故鄉重到重雷連子牟戀闕心空赤江總
還家鬢尚玄金縷歌殘華鵲月蘭舟搖碎溼湖煙一襟離恨
東州路莫訝羸驂不肖前

元詩選

雲莊類藁

七

秀野草堂

印貞

興和道中

底事勞勞形與神道途鞍馬動經旬煙橫絕澗疑無地風響
淡林似有人早發舉鞭揮霧露夜行翹首認星辰何時却逐
桑榆晚夢殺坡仙此語真

建寧道中

行盡溪山得市塵橋樓深入路縣延商帆腥帶諸蕃雨天宇
昏連百粵煙言語不通剛作字道途良苦且停鞭老兵來報
肩輿穩使我惓然愧昔賢

不敢以人代
畜牛山事

泉州

萬里飄零兩鬢華瘴煙爲屋海爲家山無高下皆行水樹不
秋冬盡放花得句珠還合浦月亂懷杯吸赤城霞蓬萊咫尺
無由到慙愧當年犯斗槎

寄李道復平章

文武才全每許君逢時談笑建奇勳世稱李道爲賢相帝重
嚴陵是故人滄海兩扶新日月青天一掃舊煙雲盛名自古
多難處好及明時乞此身

黃州道中

濯足常思萬里流幾年塵迹意悠悠閑雲一片不成雨黃葉
滿城都是秋落日斷鴻天外路西風長笛水邊樓夢迴已悟
人間世猶向邯鄲話舊游

飲城東劉氏園亭

昨日餘醒尚未醒玉溪絲竹又尋盟爛遊償我從前債沈醉
由他已後名雨點殘紅花意動風敲疎翠竹陰清閑來吟嘯
無虛日未覺歸田負此生

哭張澹菴平章

平生許國膽困輪諤謬危言不顧身人道龍逢非俊物我知
汲黯是忠臣轅駒仗馬寧無媿縛虎擒蛟似有神故劍年來
漸零落計聞不覺淚沾巾

翠陰亭獨坐寄莫俊德經歷

抗俗支塵力不任故園歸卧遂初心近山障霧還疑遠淺水
涵天却訝淡有幸鷗盟君與我無情鶴髮古猶今年來酷愛
香山老都把悠悠付醉吟

寄省參議王繼學諸友自和四首

曩昔塵奔爲悅親而今雲卧復天真山林充隱當容我館閣
求賢豈乏人噩夢久隨風散曙衰容難與物爭春綽然煙景
無窮在莫怪沙鷗不易馴

身與功名果孰親萬鍾何似一瓢真若教宇宙無難事未必
山林有退人遺語五千方外教行窩十二洛中春老懷久矣
忘機巧猿鶴欣欣燕雀馴

木密垂枝手可親，
娥羅羅勒味尤真。
詩情滄海騎鯨客，
世故青樓擲鼠人。
列子庭樹有陰僧結夏，
野花無語女懷春。
清風一榻

茅簷底，六賊三尺犬許馴。

娥偶見郭隆與桓溫詩語

鹿豕同遊木石親，
家山歸卧偽邪真。
情知五表縣輿客，
肯作千金鬻帚人。
往事回頭皆噩夢，
故園投足總陽春。
麒麟掣斷黃金鎖，
爲問羣仙孰可馴。

山中拜除自和二首

窻下孔賓歸去來，
春隨三十六宮開。
虛言徒使燕人淚，
列子實用休爭楚國才。
左氏世外此心無芥蒂，
海中何物是蓬萊。
漫郎耳順空知止，
誰敢重塵視草臺。

文季休歌子夜來，
淵明自拆瓦甃開。
舉觴月與春挑戰，
得句人驚天假才。
尚友誰能追北海，
尋真吾欲候東萊。
見漢武求仙事何時晤對安心竟，
拂落菱花不用臺。

雲莊遣興自和二首

中年才過即歸閑，
好在河汾屋數間。
病裏檢書多爲藥，
老來忘世不因山。
翠翻平野禾抽穎，
錦委溪林筍脫斑。
莫恨韶光太相促，
若非衰莫詎能還。

人云五十未空閑，
我道彭篴亦夢間。
五斗折腰慚作縣，
一生開口愛談山。
荒邨未莫門先掩，
老樹才秋葉已斑。
只恐溪翁猷喧聒，
隔林遙喚野猿還。

綽然亭落成自和二首

地僻門無長者車，
身閑不遺子公書。
羣山侑坐人堪醉，
萬事忘懷世自疎。
碧玉灑池新雨後，
綠雲滄徑落花餘。
憑誰喚起濂溪老，
聽說窻前草不除。

僮挾琴尊子御車，
丹崖到處總堪書。
白雲有志尋華表，
黃閣無心戀綺疎。
鼓舌爲名憐季子，
舍身逐利笑陳餘。
自從投紱

歸來後荆棘胸中有翦除

田居自和二首

萍蓬一世百無功轉首俄成六十翁往事事銀舟求墜劍虛名
影罨悟懸弓展開明月清溪闊吹斷香風錦樹空託意尊鱸
歸故里始知張翰是英雄

稼穡無非雨露功農家分喜到詩翁勞心漫刻七年楮貽戚
空成九載弓山展野屏隨地遠風揮天帚掃雲空綽然到處
皆佳景安得毫端句不雄

七年刻楮見列子九
載修云見淮南子

讀史有感自和二首

不信忠良信詭隨於茲可灼亂亡機東京黨錮迷臧否西晉
玄談混是非被禍枉投冠在地復仇空拔劍揮衣因知高蹈
丘園者不是區區愛翠微

元詩選

雲莊類藁

十六

秀野堂

還珠買櫝非幕府高談人側目田園長往子牽衣分明二者
安危在不信君其問子微

唐赤城居士
司馬承禎也

和魯子翬學士見寄詩韻二首

佳句人傳自雪堂萬人如海一身藏騎鯨有志尋仙李刺虎
無心效下莊高枕拂雲眠薤谷直鉤和月釣林塘寄聲沙鳥
休飛去老子年來物我忘

青春回首去堂堂衰白侵尋底處藏老我癡蠅鑽故紙何人
肥馬耀康莊翠光挾日山排闥練影翻秋水滿塘自笑此心
猶有著幾時喧寂兩俱忘

書半仙亭壁自和二首

丘園投老謝麾招相與無非莫逆交破屋帶花紅掩陋矮牆
圍柳翠添高日明窻戶蠅蝓網風動蘭苔翡翠巢人境清幽
塵事少詩成元不費甄陶

可人密邇若難招俗士紛然每易交流水樹圍三面闊遠山
雲放一頭高坐呼赤脚澆新圃卧看烏衣葺舊巢衰白太平
當自賀試聽工部詠陳陶

翠陰亭落成自和三首

一退愁城萬里降從今按堵樂吾邦睡殘蕙月猿推枕吟斷
松風鶴啄窻槁木不春從換歲虛舟無物任飄江撫尊笑向
兒童道安得佳肴錦鯉雙

無奈詩魔未易降頓兵堅壁鵲華邦古今不卷江山晝日月
長開宇宙窻我愛園公并角里誰誇陸海與潘江寄聲農父
須勤力已辦良田四十雙

錦里歸來萬慮降戴逵何必適他邦

晉戴逵為避徵君遠依王珣

幼思弓劍驅

千騎老菱琴書占一窻分芊帶煙寒斲玉尋梅和月夜臨江
漫郎雖是扁舟客政恐漁樵不敢雙

元詩選

雲莊類藁

七

秀野草堂

遂閑堂獨坐自和三首

擊鮮醜酒有餘甘種竹移花不是貪世事灰殘心上火年光
絲盡鬢邊藍地環赤縣神州九

中國外又加赤縣神州者九見史記

人共山猿野鶴三六載丘園凡六名小臣何德聖恩堪

世味寧同酒味甘野情不似宦情貪乘舟遠遁誰如范拍板
高歌每羨藍追狗僅能功第二卧龍竟使國分三英雄事業
無涯苦舉似高人一笑堪

至味何嘗有苦甘大觀初不校廉貪苔垣蝸篆斜行玉柳岸
鷺梭巧織藍飲興平吞雲夢九吟魂高繞華峰三青編黃髮
林泉下此樂惟應我輩堪

張文忠自和凡十題每題皆十首今擇其發練者錄之其外有秀句可摘者如斷岸樹連衣
帶水好山天展畫圖春無事舉杯澆遠古對花和露折香春亂撥行萍嫌蓋水稀栽垂
柳恐遮山淡無情繡煙中柳暴有精神雨後山園花撥亂嫌春冗窻竹葉繁愛月疎掃
屋斜照塵花士衛衣林果珠金低醉徑山泉分玉注遊龍樹半空任使貨盈元載
星使飲塵花士衛衣林果珠金低醉徑山泉分玉注遊龍樹半空任使貨盈元載

新陽星耀紫雲批莫行風草中
竹葉能忘世枕上揚花不渡江

秋日邨居

衰年卜宅喜山邨俗事經年不到門疎雨與秋添索莫遠煙
因晦學黃昏倚松野叟清於鶴偷果溪童捷似猿莫笑吾廬
太孤癖塵躡終勝市朝喧

郊飲醉歸

昨朝醉田間欲借山爲枕青山不肖前却枕白雲寢

堂邑宣化堂退食

縣齋公退炷鑪熏聊爲塵煩一解紛開戶不教香遠去簞紋
浮動半窻雲

行水災邨外

雲駁疎陰漏日華矚矚晨色散林鴉馬前怪厖猶明月路轉
滿川蕎麥花

元詩選

雲莊類藁

十八

秀野草堂

綽然亭口號

十年堅卧玉溪東多謝山靈宥我容爲問賞心誰是伴抱雲
挂月兩奇峰

過李漑之天心亭

放眼乾坤獨倚闌古今如夢水雲閑南山也解畱連客直送
嵐光到坐間

咏史

錄四

蘇武

爲臣惟命敢辭難脫遇艱難亦自安試看子卿持節處雪花
如席不知寒

龔勝

解印歸來老分甘素衣不受一塵沾忽驚有詔從天下頓覺
衰癯十倍添

朱震

陳蕃友也著詩爲世異
于事覺考採錄不冒言

交道衰微數百年死亡誰肯與周全如何當日陳蕃榻止爲
南州孺子懸

龐德公

鹿門佳處恣遊遨誰識沈冥一世豪莫把功名論出處卧龍
終讓德公高

贈李祕監

至治間曾
畫御容

封章曾拜殿廷間凜凜丰儀肅九關回首橋山淚成血逢君
不忍問龍顏

哀流民操

哀哉流民爲鬼非鬼爲人非人哀哉流民男子無緼袍婦女
無完裙哀哉流民剝樹食其皮掘草食其根哀哉流民晝行
絕煙火夜宿依星辰哀哉流民父不子厥子子不親厥親哀
哉流民言辭不忍聽號哭不忍聞哀哉流民朝不敢保夕莫
不敢保晨哀哉流民死者已滿路生者與鬼鄰哀哉流民一
女易斗粟一兒錢數文哀哉流民甚至不得將割愛委路塵
哀哉流民何時天雨粟使女俱生存哀哉流民

上都道中

窮馱惟沙漠昔聞今信然行人鬢有雪野店竈無煙白草牛
羊地黃雲鵬鵠天故鄉何處是愁絕晚風前

久雨初霽書所寓壁

癡雨歇簷滴頑雲開日華穴垣驚暗筍搶地惜幽花市隱靜
於野客居閑似家故園亦皆寓心定自無譁

休日郊外

久厭官居苦幽尋到澗阿鶴知松歲月鷗狎海風波野迥塔
孤立嶺高雲半過菟裘良未暇聊此慰蹉跎

廉園會飲

空憊常終歲從容偶此閑霧松遮老醜雪石護蒼頑池小能
容月牆低不礙山殷勤問沙鳥官與廁其間

晨興用俞立之韻

寒碧洲痕淺溪青地勢平岳姿呈雅淡樹影碎空明窗納一
天曉人懷千古榮移牀高處坐遙看日東生

元詩選 雲莊類集

卷二十一

詩集卷二十一

伯啓字士開濟寧碭山人至元中薦除冀州教授改江
陰路經歷累遷集賢侍讀學士進御史臺侍御史出廉
訪浙西遂引年歸鄉人賢之表所居爲曹公里天曆初
起使淮東拜陝西諸道行臺御史中丞喟然曰吾年且
八十尚忘知止之戒乎辭疾不起天下之士高之至順
三年子震亨歿于常州伯啓往拊之其明年卒年七十
九贈河南行省左丞追封魯郡公謚文貞所著詩文有
漢泉漫藁十卷子復亨所編士開弱冠從學于李文正
公謙其筮仕幕僚江南初定里居鄉寓大丈夫殷集公
餘每與陸憲使臺史總管孝祥陸文圭輩講磨義理詩
咏酬答未嘗廢滯府事也遭遇承平揚歷清望宦轍所
至多寄寓紀述之辭如村居云露坐分藜榻郊行解葛
衣宿呂梁云澹煙新店舍斜月舊河山贈周可山云立
談千古意坐占一生閒嘉祥道中云積水不勝流水碧
遠山翻比近山青鄉飲禮罷次諸公韻云十年人事成
今古數老天雷載典刑除夜云去歲關心如昨日平明
迴首又東風江陰詠裏云山色欲冥知兩信岸痕齊剝
記潮生歐陽文公以爲思致敏贍襟韻朗夷臨文抒志
造次天成斯足以稱其爲人矣

寄謝陸義齋廉使諸公

崢嶸古暨陽事簡風俗淳僕也一何有忝爲幕中賓齊瓜六
見熟於今作閑身東舉事游息聯鑣出城闈時當仲夏初萬
木繁陰新眺覽悉幽勝主賓若同寅雲間陸公子丰姿邁羣
倫妙齡心老大富貴不驕人石居狀元後累葉俱搢紳海翁
文章伯子弟盡麒麟何有兩夫子家聲德相鄰行樂興非淺

杯盤夜及晨名園開錦繡品饌羅奇珍晚入清涼界諸公禮
極臻於菟亦無懼酒力乃爾神處士葉其姓綠綺隨烏巾時
間操一曲天地還氤氳歌調聞南北手談棄疎親黃雲徧四
野遐邇不憂貧凝睇卽成趣滿懷俱是春主人捧觴勸厭飲
難爲嗔斜日覓蹊路蒼騰入翼塵夢覺思榷槩擁鼻如酸辛
惓惓無以報作詩記天真

和傅莊山九日秋闈

宦遊何所得歲歲客殊方馳驚不自己別離是尋常資身素
無策返愧工與商光景一何速瞥然度飛黃瀛洲良不惡復
到澄清堂借問堂中人生平果何長夢想松榆社披襟坐藜
牀晦息存夜氣晨興玩天光云胡不歸去老大徒悲傷秋雨
忽開霽乾坤變清涼偶於職守外公檄監文塲諸生競葩藻
寸晷何倉皇藩臣喜揚激寶筵秩觥觴秋陽暖慈闈春風遊

元詩選 漢泉漫藁

五芳堂

帝鄉瓶中有紅腐穩博太官羊

澣衣圖

靜女思歸寧澣衣拜高堂隱士履貞固濯纓視滄浪苟有涓
潔心顛顛猶姬姜常懷濟時策進退皆康莊

濟州登太白樓懷鄭從之御史二首

高城蘸雲根聊可慰心跡長風萬里來如對騎鯨客監州好
事者樹此樓與石隆鼻號金仙叟長謾嗟惜

堂堂鄭使君美譽粲星文不羨草頭露願栖山上雲罄躬事
女冠無乃承異聞賤子抱負淺仙凡未能分

鄭秉官師女
士號髮冠者

蕭縣道中早行

行行古天塹冪冪桑與梓樹枝防刺人天明僅十里功名果
何物白髮仍早起賴聞瀑水聲清徹畸人耳

休日陪漢陽諸名勝登秋興亭觴詠移時塵慮頓息

但以不得會仲通為嫌因綴長句呈欽夫僉司士元
太守君平察推仲通宰公暨座中諸友

散材生世元無堪強持陋質借榷榆年餘耳順雪垂領誤承
任使來江南公庭日午了官事西州散步成奇揆歲寒亭樹
發秋興名公齒序相朝參鴛鴦梅梢欲落舊鳳凰山頂飛晴
嵐江水朝宗淨拖練湖光照影清揉藍旅鴈書空度荆楚浮
雲護日橫湘潭蒼茫宇宙一俯仰形役道路何癡憨移尊偉
觀排小酌紫霞漱澗堆紅柑人生擾擾有今日座客云無
俗談長安富兒不識字但能几案羅肥甘眼中梵刹如比櫛
馬知曉事無瞿曇知音更有驄馬客威稜坐可懲奸貪山邊
聖人惡百酒高廟在側故云望之不敢成醺酣一襟清興豈終極催歸
黃帽牽羸驂漁歌悠揚風色暝人影散亂波光涵船開棹進
一迴顧息息欠到王公蓋

四五六

元詩選 漢泉漫藁

三

秀野草堂

陪諸公杖履登梁王吹臺悠悠悼古之情不能自己
呈孟子周子文二友

天宇廓然秋已暮幽人欲作登高賦聯鑣沽酒上繁臺千古
興亡一回顧百鳥喧啾塔半摧荆榛掩映臺前路黃花采采
未成歡目斷荒城起煙霧

夜宿太湖岸

太湖西望如滄溟木落霜寒波更清聞道是中多巧石明朝
豈用勞生靈晚風作惡蛟鼉走搖蕩乾坤洗星斗大隱乘舟
不見人而今盜賊為淵藪

寄胡教諭

風雨愁城楚江暮前人豈盡非常遇懷材抱藝儲琅玕擊柝
守關司庾庫襄王抵死負靈均子敬無心事公路我曹奔走
漫趁起鑽紙篆科龜友靈

乙卯清明沅州郊行

信馬沅江江上路歷覽芳菲忘故步因逢古廟說前朝忽見
孤舟橫野渡二難恨識十年遲四美豈期今日具人生能得
幾清明莫對殘陽怨遲暮

陪翟沈二文學歲莫登宴嬉臺

一雨開新霽長空絕點埃眼明初出郭心遠乍登臺矮塔培
黃壤摧碑漬綠苔幾人遮日去雙燕受風迴稚柳沿新塹神
祠暎古堆翠峯依舊好金菊爲誰開日夕牛羊下天寒鳥雀
哀黃涼隨去住元氣接周回風箒誰操執雲衣自剪裁松杉
誠異質樗櫟謾多材傲北衣冠變平南士卒來功名殊未已
伏臘迭相催弔古情何益哦詩愧不才歸歟風景莫攜友且
銜杯

因飲張氏
席上故云

秋夜西齋有感

元詩選 漢泉漫藁

四

秀野草堂

五十四六
旅況隨秋變淒淒百感生白雲凝望眼黃鵠計歸程襤褸臨
叩服壺鹽漂母羹舊痾雖少瘥新業竟何成財匱交情淡門
卑禮意誠淹畱諧世態出入論家聲眷鎖將詩解心田仗筆
耕蓴鱸張翰興燈火退之檠雨積堪輿暝霜欺枕簟清天風
篩竹響簷溜瀉階鳴伏翼生憐暗飛蛾死趁明鴈鳴如有訴
蟲語不知名兀兀心猶醉栖栖夢亦驚鄰砧催薄莫樓鼓辨
溪夏目斷家何在年衰志未平自憐飄泊久坐起若爲情

和陳愛山

拉友尋佳致迢迢遠市喧度山寧惜馬傍水得觀猿淨盡羈
人恨招回遠客魂樹頭參漢表石齒漱雲根植柳人如在陰
梅墓亦存風杉蒼晚節雨徑綠秋痕數畝栖霞洞千年落照
村誰隣丞相宅我愛故人樽叱道僧歸寺還家僕候門賈畱

真有意誰可代晨昏

再和

酷愛西山景經年可避喧一聲何處鳥百樣此中復地雅僧
成趣峯高客斷魂長藤梯藉力茂樹石黏根賤子心君駭賢
人手澤存水亭寒有素雲洞秀無痕古篆紆清澗新圖挂遠
村乾坤雙斷梗身世一芳樽戍角催歸路吟鞭懶入門五年
申浦住卜宅愧吾昏

初到江陰寄徐路教仲祥三首

自古江南地澄江小翠微訟清衙散早路僻客來稀季子高
風在春申故宅非晚涼無一事攜酒坐苔磯
自古江南地林泉勝槩多扁舟波瀲灩羸馬路陂陀戎服人
爭笑吳鄉語漸訛茲游諒奇絕奈得倚門何

自古江南地民安樂最淡稻畦雲漠漠松晚霧森森鵝鴨喧
池水鷄豚憇竹林小舟維古岸銷我利名心

四百五七

元詩選

漢泉漫堂

五

秀野草堂

卅歲

蘭溪郊行

千里飄零客雙親喜懼年馬嘶青嶂外人望白雲邊要領知
誰授舒徐頗自便此行羞伏櫪何必較夔蛇

夏夜露坐

露坐夜如何村居卽澗阿蒼煙噴素月碧落轉銀河病抑詩
情減愁添睡思多秋風庭樹響勳業愧蹉跎

辛亥三月陪馬克修治書謁天游孫真人方丈階前
牡丹盛開卮酒同玩座中范提點索詩

拉友尋佳致琳宮引興長服膺思酒聖拭目待花玉逝水年
華急行雲世態忙無因駐清景春色又斜陽

詠鴈

塞色波光秋影涵數行天宇到江南銜蘆有爲防矰繳擇地
無心入薜嵐寒暑相催猶可避稻梁雖好不宜貪哀鳴欲動

何人意獵騎彎弧酒正酣

夜雨

老屋淙淙榻屢移披衣起坐候晨鷄四簷急溜三江瀉一道
寒聲萬弩齊飛雲過窗開寶鑑震雷鼓物揭征輦平明點檢
人間事流水溶溶漲小溪

暮春用唐壽卿韻二首

一天晴碧日遲遲暑氣蒸人力自微幽徑雨餘芳草合小園
風急亂花飛卧思沂上歌詩去夢到山陰袂襖歸還憶去年
乘小駿西湖遊罷北山圍

流水年華去不窮眼看濃綠換芳叢半溪淺碧春前雨滿地
殘紅午後風客舍蕭條唯感物壯心寂寞謾書空吟詩羨殺
唐公子興在三山碧海東

就學東平嘉祥道中書事

元詩選

漢泉漫藁

六

秀野草堂

行潦縈紆會古溪一行白鳥自高低敝裘恐惹途邊棘瘦馬
愁顛雨後泥思入石林風浩浩吟成沙草日淒淒相逢莫問
經行地萬壑千崖總是迷

夏夜露坐

露下晴空釀薄寒坤輿厚德載人寰星光遜月明珠碎雲氣
停風白練閑水鳥自搏空闊際煙蚊常在有無間兒童爲數
秋期近書劒無成益厚顏

夢酒詩會

身世年來憶藉糟華胥此夕賴薰陶半窗涼雨青綾薄一片
春風翠旆高烏蟻混遊槐國市綠醅初潑漢江濤流鶯喚覺
西軒底箕踞分明指二豪

涇陽述懷

八月分司到縣
呈王仲瑗御史

晚鏡難期博望侯微官且學子長遊涇清渭濁源何異物換

星移志未酬隴月照人征鴈曉金天飛露候蟲秋塵緣袞袞
今猶古唯有書生易白頭

子規

蜀魄曾爲古帝王千聲萬血送年芳貪夫倦聽空低首遠客
初聞已斷腸錦水春殘花似雨楚天夢覺月如霜催歸催得
誰歸去唯有東郊農事忙

送瞿慶之

書劍飄零二十年風流誰識玉堂仙桺營一顧膺新命蘭室
三生賦薄緣以道自居元有地若人空老是無天功名遲速
皆前定莫使蘇生坐馬羈

詠懷寄趙君

鉛槧生涯二十秋無依如鵲拙如鳩曾蟠子美千間廈氣壓
元龍百尺樓知命豈爭蕉底鹿興宗要遠夢中牛壯懷磊落

四〇三廿五

元詩選

漢泉漫藁

七

秀野草堂

印玉

憑誰語時問東陵謁故侯

謝朱鶴臬招飲

里巷浮沈適自由江城久住似菟裘廣文活計貧無那好客
情懷挽不畱滿院竹風吹酒面兩株榴火發詩愁料應此外
無佳致人物相看總上游

舟至常德出陸由辰抵沅書事三首

盤礴崎嶇力不任遐方風景變鳴禽舟浮湖面波瀾闊馬憩
山腰澗壑淡千里曉煙炊紫葛一春寒霧鎖青林紛紛寇盜
何時靜糞遂登車是好音

蘭澧分岐望芷沅渡頭楊柳欲飛綿囊無蕙苳防私論茶有
茱萸敵瘴煙心定漸忘行役苦愁濃不覺歲時遷從今暴殄
爲明誠曾見山頭火種田

武陵回首望巴陵舊退舟師就馬

蒼嶺送人行廟堂任使誰能避
箒麓猖狂只自驚欲爲伏波
尋勝跡草間聞有鷓鴣聲
延祐中湖廣諸徭以前帥失馭西南多擾伯登爲刑部侍郎承命借兩臺御史本省參政賈馴蒞勸之行次沅州道且搜伯登曰進非兵衛不可彼諸番酋長萬一驚疑猖獗爲患不細若馳一介與之議靡不有濟衆然之乃遣監察御史揚鵬單騎詣之果得要領以歸此三詩卽是時所作

南塘戲贈立齋主人

南塘幽闌似山林是是非非總不侵
詩有靜功聯句好坐無俗客話情深
花枝徙倚閑居樂桺絮顛狂薄宦心
聞說主人村酒熟幾時攜杖一相尋

華亭道中連前詩寄盧知州王仲通朱文炳

茫茫廣斥望中迷地盡東吳土自泥
寒氣襲人滄海近溼雲當眼昊天低
蕭條古樹旌茅屋詰曲清溝護稻畦
莫詫鱸魚風味好月明聞鶴更悽悽

中丞敬公九日登真州南城以詩見示愛其閑逸邁

元詩選 漢泉漫藁

秀野草堂

往之氣惜不得侍行想像和呈

四事難并舉世間登高今喜爽
河濱美哉陶令杯中物老矣長安陌
上人江限華夸晴浩渺山磨今古莫
嶙峋醉魑應被兒童笑猶有黃花在
角巾

題伏波將軍廟

辰州

佐漢功臣矍鑠翁擇君不受子陽封
椒房偶累雲臺像蕙草還傷銅柱功
幸自生前識朱勃不妨牀下拜梁松
五溪未服星先隕文叔端難比沛公

冬至日白霄道中偶成錄

朱叔茂郎中段惟德魯

子翬二都司仍希于張伯高參議郭幹卿治書與兩司幕長及按郭郎中邗孟直諸公處以區區薄況達之

斜葉蕭蕭朔吹寒山行病瘦怯衣單馳驅一帶灤江險彷彿

重經蜀道難萊即似牀雖自愧繡衣持斧要同看窮途恰值
書雲節秣酒糠燈語夜闌

河從封丘北尋故道所過廬里蕩然無遺壯木連抱
披蔽中流者強半泰定乙丑秋予自開封颺碭山買
舟神馬渡載書倒前領石而東湍瀑衝激神魄駭動
有不可形于言者因念年老親違歷此艱險幸出坦
途思警諸子遂述所懷寄衆友

桑顛榆蹶大河傾舟過陶波浪始平蓬影學遮冠蓋道槽聲
如斥子孫名塞鴻已厭趨南北沙鳥誰知樂性情想像故園
松菊在爲誰漂泊尚勞生

長安早發

夜氣溟濛塞兩儀客懷牢落動清悲月明宿鳥啼煙樹風勁
寒蟬泣露枝西北鄉關除夢到東南民力謾心思路難無奈
篙師促八月長安早發時

分百廿三

元詩選

漢泉漫草堂

九

秀野草堂

公化

過長橋書所見

柳如青幟導姑蘇橋若垂虹飲太湖渺渺天光接波浪淒淒
秋色上菰蒲行囊只賸新詩藁身世端如古畫圖獨倚危闌
追往事鴈銜霜信下平蕪

遊西湖

鬱鬱羈愁暑不堪畫船西出事奇揆柳邊和氣蘇公路梅底
清風處士菴已覺湖山入曾臆更容絲竹薦肥甘錦雲一段
三千頃記取平生作盛談

遊靈隱

岩崑驚嶺梵王城秋氣平分寶界清火宅久居心獨苦雲林
初識眼增明禪關已被援參透仙洞誰教鬼鑿成慚負半生
泉石約甕來偷暇洗塵纓

過白溝河

久聽人間說白溝兩朝曾此界中州而今六合無關禁依舊
潺湲碧水流

九日省舅氏郭西獨行因書所見五首

田家桑梓碧幢幢過客鞭聲引吠龙終歲耕耘竟何有桑樞
茅屋短篷窗

霏微林霧慘秋容撩亂山禽起晚春營馬欲來糧已盡二三
癯老訴年凶

浩浩陰風釀宿霾道邊佛刹記曾來蒼花不識秋光老猶向
桑陰密處開

遙空無礙日淒淒過雨平田尚有泥極目斷鴻明滅處淡煙
衰草一時低

豪家此日醉金樽驢背愁睡正昏野雉一聲驚夢散蒼煙

元詩選

漢泉漫草

十

秀野草堂

起處是前村

謝朱鶴皋招飲

石火能留幾許紅人生南北馬牛風春光倒指無多日相遇
休辭酒盞空

送張潤夫之遼陽簿尉

客途相顧足情歡幾度青燈語夜闌明日遽成離別去因風
毋吝報平安

九日月下小酌詠哀

賓鴈來時燕又東三年薄宦竟何功晴窗偶讀登樓賦昨夜
家山入夢中

題宋成之畫馬卷

奚官珍重玉花驄縱意清漣碧草中幸際四庭烽火靜不須
騰踏待秋風

許左丞有壬

有壬字可用彰德路湯陰人年二十嗚師文薦入翰林不報授開寧路學正登延祐二年進士第累官參議中書省事元統二年九月拜參知政事至正初轉中書左丞六年召爲翰林學士丞旨改御史中丞以病歸起河南行省左丞十五年遷集賢大學士復拜中書左丞尋兼太子左諭德十七年致仕給俸賜終其身越七年卒年七十八謚曰文忠可用歷事七朝垂五十年有元詞人由科舉而登政府者可用一人而已當權臣恣睢稍忤意則誅竄隨之可用絕不爲巧避計善筆札工辭章歐陽元功序其文以爲雄渾闕雋湧如層瀾迫而求之則淵靚深實其深許之如此揭曼碩云相下許公文文章譽望矯然爲當世名臣而扈從上京凡志有所不得施

元詩選

圭塘小藁

秀野草堂

耶啟

五百十六

言有所不得行憂愁感憤一寓之於酬倡晚年得康氏舊圃出所賜金買之名曰圭塘別墅昆弟翁季賓客雷連觴咏其間酒酣賦詩頃刻成什傳於四方所著至正集百卷其弟有孚別輯其詩爲圭塘小藁序之曰至正集卷軸浩繁以猶子楨起遣南行倉卒不及收拾有孚爲輯小藁并平生倡酬紀行諸作爲別集以傳於世

神山避暑晚行田間用陶淵明平疇交遠風良苗亦懷新爲韻十首

田塍晚獨策及此時雨晴東畦與西曠泱泱決流水聲豐年已足歡清風復多情歸來藉草坐濁酒還自傾不用澆魂磊我懷無不平

寢迹非絕世雅志便林丘青山足一至勝處靡不游意適輒

忘返茲焉夏已秋遙遙日力窮青青盡田疇迷復幸不遠歸

歟無異謀

脫身豪俠窟里岷締新交愛其心無穿不較醉語謔生兒更
有教治地盡肥壤禾黍已在眼瓜蔬早登庖愧子良已多況
敢希由巢

浮生若無惊道近人自遠重外樂徇身遺世幾赫咷老農初
不知遑遑歲早晚清晨負耒出日夕行歌返悠悠千載心它
人莫予忖

落日照我影頽然溪水中涼颺動絺衣勢欲凌虛空顧之一
大笑與爾將無同昔也爾何達茲焉爾何窮莫道山林陋乃
有黃虞風

昔人植松柏映蔚彌崇岡不爲朝夕利千載當自長植槿非
不榮我圃因之荒白髮走畏途途修馬非良桑榆賴未晚此
樂且無央

元詩選

圭塘小藁

二

秀野草堂

靜念少日事躁中劇振苗欲令千載淳反之在一朝斥鷃不
自量上欲搏扶搖世態任旨俗林譏愧清謠傲骨日已長及
辰事逍遙

淵明昔歸休閒歲纔五十我雖年近似我道慚什百兼金與
尺璧敢取儕瓦礫緬焉動真想迅往孰誘掖庶幾歸田園千
載可同迹

我聞昔桃源民風近無懷茲山亦深窈中有讀書齋但絕車
馬迹不惜雲煙埋旁圍靡靡山上蔭高高槐聊以永今朝得
酒從無賒

我髮日以變山色日已新舉杯試問山古今閱幾人我非山
主人聊爲山之賓杖可入幽險詩能寫清淳但恐我它適山
乎爾誰鄰

應制天馬歌

臣聞聖元水德正色在朔方物產雄偉馬最良川原飲飲幾
萬萬不以數計以谷量承平雲布十二閑華山百草春風香
又聞有駿在西極權奇倣儻鍾乾剛茂陵千金不能致直以
兵戈勞廣利當時紀述雖有歌侈心一啓何由制吾皇慎德
邁前古不寶遠物物自至佛郎國在月窟西八尺真龍入維
縈七逾大海四閱年灤京今日才朝天不煩翦拂光奪目正
色呈瑞符吾玄鳳髻龍臆渴烏首四蹄玉後髻其前九重喜
見遠人格一時僂勅良工傳玉鞭錦韉黃金勒瞬息殊恩備
華飾天成異質難自藏志在君知不在物方今天下有道時
絕塵詎敢稱其力臣才罷駑亦自知共服安輿無豐軼

題友人所藏明妃圖

臂香骨沁守宮虐金鎖重門怨銀鑰深宮有眼不識春晝長
時聽雲間樂平生所見惟監宮今朝豈期見畫工君王知畫

五四八

元詩選

圭塘小景

三

秀野草堂

印五

不知妾薄命已分如秋蓬黃沙漫漫天無窮驚颿吹老紅芙
容穹廬明日又何處此生遂負南翹鴻和親納侮號上策建
議詒謀婁敬責妾身雖苦免主憂猶勝專寵亾人國關山寥
落夢亦迷嫁鷄正爾隨鷄飛人間生女莫望貴只可近作田
家妻琵琶聲斷霜天月青塚至今青不歇後來却有蔡文姬
千古胡笳辱哀拍

喜逢口并序

灤陽驛東北四十里有雙塚世傳昔有久戍不歸者其
父求之適相遇此山下相抱大笑喜極而死遂葬於是
俗因謂之喜逢口亦猶望夫之有石也雖莫究其世代
姓氏而其言有足感人者故作是以紀之

兒寒解衣重撫摩兒飢推食孰忍訶長成與國遠負戈一去
不返當如何去時云戍東北鄙直出榆關度遼水白頭郎罷

與影俱豈憚山川千萬里天教此地適相逢父日從天墜吾
子笑疲樂極俱殞身誰謂情鍾遠如此官家開邊方未已同
生又別寧同死山雲漠漠風颼颼山頭雙塚知幾秋當時不
忍一朝喜今日翻飛千載愁猶勝貞女化為石終古孤身雙
不得清江寒影日悠悠行人一去無消息

哀棄兒

雪霜載途風裂肌有兒鶉結行且啼問兒何事乃爾悲父母
棄之前欲追木皮食盡歲又饑夫婦行乞甘流離負兒遠道
力已疲勢難俱生灼可推與其寔尾莫我隨不如忍割從所
之今夕曠野兒安歸明朝道遠非兒誰父兮母兮豈不慈天
倫遽絕天實為十年孰改雖成腓發廩有議常堅持昔聞而
知今見之倉皇援手無所施兒行不顧寒日西哭聲已遠猶
依稀

五十五

元詩選

圭塘小景

四

秀野草堂

李惟中學士自西臺侍御召入以未央宮瓦硯為貺
作此謝之

漢家作宮法紫微金鋪玉戶明華棟甄官陶瓦極能事鉛丹
細搗咸陽泥一朝神雀去不返秋風禾黍驚離離谷陵且變
此宜盡一二時出農夫犁人間購求作珍玩洗刷篆籀分毫
釐西臺執法好事者礪磨為硯尤瑰奇體呈全僻徑尺許沼
開新月才一眉堅如鐵石潤如玉墨聲瑟瑟松風吹息然匪
送感高義但惜所與非所宜公才真是謫仙裔善事利器方
相資嗟予蕪學忝詞館雖有此器無能為世傳銅雀亦佳品
搜荆黃壤今無遺高皇垂統四百載老瞞何物敢等夷愛人
屋上烏亦好況茲適用逾端溪楮生毛穎賀得友坐令八茶
增光輝代言揮制固多愧玉堂風月猶能詩

城居如坐井出郭始知春草色纔翻燒禽聲便可人遠山來
邈迤羸馬去遠巡喚醒三年夢東華足軟塵

夜至魯港

桴鼓遠銅籠前驅列炬紅星芒寒拂地江影靜浮空聽語漁
村近連航水驛通不才慚傳食鮭菜足為供

荻港早行

水國宜秋晚羈愁感歲華清霜醉楓葉淡月隱蘆花漲落高
低路川平遠近沙炊煙青不斷山崦有人家

上京十詠 并序

元統甲戌分臺上京飲馬酒而甘嘗為作詩丁丑分省
日長多暇因數土產可紀者尚多又賦九題并舊作為
上京十詠云

馬酒

元詩選 圭塘小藁

五

秀野草堂 公化

味似融甘露香疑釀醴泉新醅撞重白絕品挹清玄驥子飢
無乳將軍醉卧瓊桐官聞漢史鯨吸有今年

秋羊

塞上寒風起庖人急尚供戎鹽春玉碎肥豕壓花重肉淨燕
支透膏凝琥珀濃年年神御殿頒餽每露儂

黃羊

草美秋先膾沙平夜不藏解條支豹健鬻炙宰夫忙有肉須
供世無魂亦似麀少年非好殺假爾試穿楊

黃鼠

北產推珍味南來怯陋容瓠肥宜不武人拱若為恭發掘憐
禽獮招徠或水攻君毋急盤饌幸自不穿墉

玳麵

皮遠花全白霜輕實便黃杆頭麩退墨磴齒齒雪流香玉葉翻

盤薄銀絲出漏長元宵貯膏火蒸墨笑在南昌南物多蔬墨蒸餅
膏火盛貯堅實若瓦石可代陶

蘆葦

性質宜沙地栽培屬夏畦熟登甘似芋生薦脆如梨老病消
凝滯奇功直品題故園長尺許青葉夏堪壅

白菜

土美新且嫩筐筥薦紛披可作青菁飯仍攜玉版師清風牙
頰響真味士夫知南土稱秋末投簪要及時

沙菌

牛羊膏潤足物產借英華帳脚駢遮地此物喜生車帳卓歇之地
夏秋則環繞其迹而出金
頭怒戴沙齋厨供玉食毳索出羶車莫作垂涎想家園有莫

邪

地椒

元詩選

圭塘小藁

六

秀野草堂

四百十六

凍雨催花紫輕風散野香刺沙尖葉細敷地亂條長楚客收
成裏奚童擷滿筐行厨供草具調鼎爾非良

韭花

西風吹野韭花發滿沙陀氣校葷蔬媚功於肉食多濃香跨
薑桂餘味及瓜茄我欲收其實歸山種澗阿

尋梅

何以慰吾衰梅花秀發時晚香傳遠樹春雪避南枝林靜來
差早溪溪行獨遲與君謀一醉及此未離披

水木清華亭宴集十四韻

行序

水木清華亭侍御史王公公儼別墅也位都城巽隅出
文明門餘里許園池構築甲諸邸第予客京有年識公
儼亦久而未嘗迹其地至正乙未春自汴召入俄公儼
由遼省拜中臺握手傾倒屢約宴集塵冗不果致期宿

具復有意外之撓乃七月二十又三日始遂盍簪左轄
呂仲實中執法杜德常右司王本中左司尚彥文實同
尊俎酒百樂備物腆意勤適雨霽秋清塵空地迥庭木
湧翠渚蓮散紅北瞻闔閣五雲杳靄極目西望舳艫汎
汎於煙波浩渺雲樹參差之間蕭然有江鄉之趣不知
其爲鼓擊肩摩之境也煩襟滯慮滌濯淨盡茲游奇絕
宜造物之不輕畀也公儼請曰人生四美百年幾遇不
可不紀也乃即水木清華亭爲韻賦詩有壬分華字其
詩曰

世祿推門閥天墀幾拜嘉高情恣勢利大隱謝紛譁朝市塵
無染蓬瀛路豈賒眷言營別墅初不遠東華畫舸堂前過青
帘柳外斜晴紅迷菡萏寒翠接蒹葭揮塵風生座扶節雨壓
沙萍開輕泛鴨荷側重擎蛙只訝神仙府誰知宰相家賓朋
子可也
元詩選 主塘小菡萏 七 秀野草堂

玄圃玉文采赤城霞麗曲凝雲表鮮粧炫水涯添栽三徑竹
遞賞四時花心事尊中物人生海上槎相逢須盡興明日各
趨衙

送馬明初教授南歸二十韻

并序

後至元戊寅予得請歸江夏別業明年冬遊長沙又明年
二月安仁馬君明初來見於瓊黎山其人溫醇其文
粹精傾蓋如平生同遊南岳更唱迭和遂同歸江夏甫
七日復參知政事命下以小兒累之又同北馬至任城
明初舟覆幾不免間關跋涉不忍予棄用中臺翰林薦
堂除緱山書院山長及格擢右衛率府教授始釋褐衛
官若胥卒皆國人明初請收書教其子弟爲華學官屬
躋之鳩俸檄明初買書江南因得歸省其家焉過予相
下將別請言吁世俗之交翻覆雲雨況延之館塾者其

爲文不又密乎饕餮之不精不時也供侍之不慎不及也脯修之不腆也汲引之不酬也爲主人者有能不犯於是者乎人情久則狎狎則慢慢則隙生焉賓主至是不歡者鮮矣而明初與予十年如一日始終無間言有德君子哉述其槩爲詩以餞之其詩曰

吾子昔傾蓋瓊瓌古渡頭袖文驚蜀錦懷寶重天球心旣同金斷膠因向漆投有邀須共往無倡不爲酬南岳朝聯轡湘江莫艤舟履窮峯頂寺詩滿水邊樓訪古由來喜尋芳到處雷遂移衡浦隱僕作武昌遊坐席何曾暖招旌遽見求高情安旅次遐躅又神州道路多嘗險山川只薦愁埽雲髯兔穎塵雪弊貂裘善誘兒何幸深藏價未收忽看鴻鵠舉甘效蜃蛭休涸水寒偏瑩林慮晚更幽誰知三仕已相累十春秋公道先揚善真才自拔尤恩袍明翡翠教鐸振貔貅行役仍清澹言歸藐阻修臨岐惟一語音信莫悠悠

元詩選

圭塘小菴

秀野草堂

送黃文復歸長沙

半生湖海夢依稀但誦湘南遠寄詩先友凋殘公獨健故園荒盡我方歸百年未滿常憂畏千里相逢又別離他日瓊江松下路西州難似此沾衣

和謝敬德學士見寄韻

淡靄輕風弄野姿江天寥廓鳥飛遲從知宇宙多閑地誰信襟懷勝舊時夜雨不驚連客夢暮雲猶入故人詩山中亦有陽春曲拂拭朱絃待子期

登岳陽樓

半空輪奐壯巴丘消得騷人一繫舟雲氣遠攜湘雨至湖光寒入蜀江流山川信美非吾土天地無窮有此樓三十四年

如夢過可憐華髮賦重遊

閑居雜詩四首

鬢髮蒼浪齒動搖自知宜退待誰招茶餘引鶴消春晝酒醒
聞鷄記早朝肥截玉肪羹縮項香翻雲子飯長腰尚嫌門有
微詩客時與山人破寂寥

半山雲樹接修篁鎮日無塵到草堂
簾風來書葉亂膽瓶花落硯池香
壺觴自酌教微醉松菊猶存及未荒
護果灌園常不暇誰知閑裏更多忙

鵲山東北接郊墟郭影嵐光畫不
如九十日春朝暮雨兩三開屋古
今書庭花紅礙經行處園竹青回
剪伐餘滿地蒼苔愁踏破年來溪
喜故人踈

竊祿多慚號具臣歸田何幸作閑人
登山臨水今非客病酒愁花又過
春夢斷紫霄閣遠眼明青鏡白頭
新芥臺竹筍來相續不道茅柴味
更真

元詩選

上塘小菴

九

秀野草堂

五言九二

徹里帖木兒爲江浙平章會科舉驛請試官供帳其感心頗不平及還朝首議罷科
舉時有王爲參知政事力爭之丞相伯顏議已定乃溫言慰諭翌日宣詔特令有王
爲班首以折辱之治書侍御史薄化諫有王曰參政可謂過橋拆橋者矣有王以爲
大恥移疾不出有王入中書皆以病免觀此等詩亦可以知其不得意之桀矣

和傅汝礪寄來韻二首

江水舟航日夜東故人音問得常通
君才能挽千鈞重我老惟懷一畝宮
自古山林容小隱只今臺省有諸公
欲知別後詩成處都在花香竹影中

春紅園圃眩西東花下縈紆一徑通
不向雷門霖布鼓要從人海見珠宮
多言浪負三千牘老夢都忘十八公
珍重吾宗有成訓人間何似在山中

琳宮詞次安南王韻二首

涼入簾幃夜色輕瑤臺添月更虛明
一壺天地渾無迹只有清風動竹聲

山中話計只餐霞世事茫茫日自斜
箇到玉堂無好況夜深

猶草侍中麻

和康里子山韻

洞深春早透蘭芽窗曉雲香亂海霞萬丈紅塵飛不到紫簫
吹綻碧桃花

李陵臺

李陵臺下駐分臺紅藥金蓮偏地開斜日一鞭三十里北山
飛雨逐人來

令狐學士金蓮圖

九天光彩動金闈輦路風香樹影齊却笑漢家恩數薄只教
天祿待青藜

都門柳

都門四十里青青幾度迎人幾送行老子有言來致柳只煩
相送莫相迎

三百十四

元詩選

圭塘小景

十

秀野草堂

夜次館陶

三老趨程不憚勞船頭坐看月輪高煙村漁火微茫外一簇
人家是館陶

即事二首

幾家門繫釣魚船一陣風香燎麥煙畫出太平村落景酒旗
多在綠楊邊

遠浦客帆明冉冉前村牧笛響嗚嗚園桑葉盡蠶成繭庭樹
陰濃燕引雛

送張困亮鍊師

以下別集

杏園陳迹夢暄妍馬上相逢豈偶然每憶可人如隔世不聞
新向又經年花迎驛路飛紅雨香到朝山散紫煙王事遊方
歸有日遲君洹水白鷗前

和可行展省歸過圭塘即席韻

墟里煙塵外中車日日來疎竹呈半塔初日見三臺酒每從鄰貫詩寧待雨催衰年懷易感爲我少遲回

四月二十七日莊之淵昆季治具至圭塘醉中賦奉

寄一笑

拂水垂楊貼水荷圭塘風景正清和豈能奇字人問深愧羣賢載酒過花露墜紅沾杖屨松雲凝翠遏絃歌也知節飲宜衰病其奈鄉情醉更多

秋露白酒熟卧聞槽聲喜而得句可行當同賦也

治麴辛勤夏竟秋奇功今日遂全收日華煎露成真液泉脈穿巖咽細流不忍潑醅麴甕面且教畱響在牀頭老懷磊磊行澆盡三徑黃花兩玉舟

至正改元四月十三日戊子皇帝御龍舟幸護聖寺

中書右丞臣帖木爾達實參知政事臣阿魯臣有壬

元詩選 圭塘小景

十 秀野草堂

五十一

扈行樂三奏命右丞前特授平章政事參政進右丞

臣有壬進左丞懇辭不允惶汗就列平章右丞曰今日游騁之盛恩遇之隆不可不紀也悚懼之餘爲二

十韻以獻

宇宙承平日邦畿壯麗鄉宮中無暇逸湖上覽翔翔鳳輦重雲降龍舟萬斛驪風霆隨桂楫日月運牙樯五衛分暈羽千官列鷹行長年花壓帽仙妓錦連航絨綽初徐引鑿旂漸遠揚釐斝呈曼衍傑侏遞鏗鏘玉食傳麟脯水壺出蔗漿魚鳧知永蹕鷺燕逐餘香夾岸金戈翊彌空繡幕張汀迴開瀚海天近勝錢塘翠閣峩雙島珠簾護兩廂九霄披瑞靄四表觀朝陽補助資遊豫登崇貴俊良不圖推朽質亦復被清光左轄網維地中書政事堂出謀慚不忒好學願無荒喻水民堪畏從喬策最長濟川非所任歌詠獻巖廊

和虞伯生學士壁間韻

在公抱隱憂出塞得奇觀青山萬馬奔龍門忽中斷地平豁
四維天闊張一慢寄語鳴笳兒休驚莫鴻散

張禮部溪山真樂圖

悠悠春天雲想見平時閒獨遊溪橋上暮宿山堂閒澹然不
知愁亦復忘歡出山初無心既出還思山蒼生待霖雨欲
歸良獨難山堂悵何許蕭蕭松桂寒

寄趙秉彝

從軍苦樂不難明肯使毛錐負此生鐵騎蹴雲秋校獵油幢
敲雨夜論兵髮應瘴癘摧全白詩爲江山助益清詔下凱還
今有日阿緜聞已候門迎

七夕露坐感牛女事因成駁雜無實之言

別況經年慣佳期此夕逢終天爲伉儷一水任西東人世非
元詩選 圭塘小藁 十二 秀野草堂

無鵲羈窗漸有蛩鄜州共明月應是憶哀翁

題趙幹江樓風雨圖

人間叢爾東南陬金陵李家無遠謀詞華欲繼後庭曲不見
東風空上樓當時百事尚纖麗沉在畫工專末技洪河喬岳
昧平生曲闌幽檻窮清致石頭城下無重關甲馬營中有佳
氣九天飛墜曹將軍盡卷版圖充上計小兒造化吁可憐乾
坤又到宣和年君王搖毫自塗抹片紙落世人爭傳坐看南
北又分裂遂使兩家同一天偶從斷續閱小景慨念興亾豈
天定而今蕩蕩混一圖但少儂歸理釣艇

次賈伯堅左司寄來韻二首

酒來宛國注紅香魚出涼亭薦雪肪多病浪浪仙都此空哦
清句嚼冰霜

賜霈恩鳳玉脂香大笑輕身服鴈肪華髮侍臣趨有日駕鶴

先報一天霜

代書寄可行弟二首

漢川雲夢有租田今歲應逢大有年約束諸僮公出納羨餘
畱糶杖頭錢

文竹移栽只五根來時無數長兒孫不因繁冗休輕翦要使
清陰過酒尊

出郭

萬慮攻催雪滿頭還鄉纔得縱遨遊太行雲盡青浮曉洹水
霜餘碧染秋漸老始知閑有味此回真與世無求溪山好處
鴟夷滿況有風流老郡侯

黃華山中雜詩二首

道人解后一開顏為借邛杖策我孱鳥語畱人還小住晚風
吹破水中山

二百九十六

元詩選 圭塘小藁

十三

秀野草堂

挂鏡臺西挂玉龍半山飛雪舞天風寒雲直上三千尺人道

高歡避暑宮

墨竈寺追和縱山先生韻

丹霞圍鎖翠潭潭仰面青天鏡出函解組已能辭好爵荆山
還欲署新銜冷傳霜信風生谷清透雲根月滿巖却憶瓊江
舊林壑幾多煙霧護松杉

九日登鳳寧山

亭亭鳳寧山形勢若飛動胡為不飛去仙真此搏控靈跡既
不闕煙霞遂增重城居見其圖清賞時入夢本朝事幽尋霜
風蕭飛輕適與佳節會更與佳人共危亭構兩翼飛雲連畫
棟翠柏瀉秋聲紅樹列清供遐觀千里近長歌百杯送洄流
嗽其根俯瞰清可弄陟降自忘疲酬酢益豪縱牛山何用悲
茲方待鳴鳳

次和可行圭塘雜詠

錄三

以下圭塘飲乃集

與客泛舟

欵乃聲中動畫橈不煩舟子更相招而今赤壁荒寒裏試問何人有洞簫

日夕觀山

林慮千仞翠巖巖罨畫工夫在莫嵐徙倚崇臺觀未足紅輪西北月東南

雨中移竹

山人聚景作池臺移得龍孫帶雨栽頃刻雲間晴日上便教陰過酒尊來

圭塘獨坐

我屋來西園輪蹠二里遙晚風收菡萏秋雨長芭蕉有酒容開口無官免折腰柴門莫堅閉恐負野人招

三言

元詩選

圭塘飲乃

十四

秀野草堂

卯苑

新秋即事

莫蹋蒼苔破茨門晝亦關林風秋入樹波日晚搖山原野蒼茫外煙霏指顧間夏須安一榻月夜不須還

次和可行鄉友具宴謾成

相望不隔一牛鳴尊俎過從見至情荷露清涵芳酒氣松雲寒過豔歌聲高車駟馬初無意白酒黃雞舊有盟醉脫烏紗從露頂絕勝前日縛塵纓

次和可行赴圭塘

卜築何如履道坊千紅萬綠浸銀塘要回衰境爲全盛却使閑人號最忙活水清園容膝屋新篁高出及肩牆煙霞遮斷塵埃路才覺山林白晝長

許太常有孚

有孚字可行有壬之弟也登進士第歷官南行臺御史

同僉太常禮儀院事鄱陽周伯琦圭塘欵乃序曰中丞
安陽公謝事歸相州于其第之西二里得康氏廢園薙
灌莽剗蓄翳鑿池其中袤廣以步計者千餘溪八尺形
如桓圭雙洲右枕孤島左峙夷隄繚垣崇臺在肘夫菓
楊柳棗栗桑榆梅榴桃杏蒼松翠竹之屬周于池之中
外蓋培植踰年而後成惟二古檜巋然乃康氏故物公
時杖屨攜弟若子會賓友觴咏其間以池之占勝居多
故以圭塘名此倡彼和宮商遞宣少長同歡主賓相忘
遂名其篇曰欵乃若漁歌互荅然公季弟都司君自爲
之引哀成巨秩凡得詩古律五七言總若干首亦以見
安陽一門文物之盛云

欵乃權船相應聲也元次山有湖南欵
乃曲舊誤作欵乃並改音權露又正

圭塘雜咏

科片 錄三

圭塘亭臺浚築之役經始及落成有孚實皆與聞吾兄

元詩選

圭塘欵乃

十五

秀野草堂

四百十

時一來遊雖乘興忘返而芳春長夏秋晴冬燠有孚獨
得賞玩竟日不敢孤兄之賜謹取日所爲事各成小詩
題曰圭塘雜咏用發長者一笑塘之可咏者不止此又
當別撰拜呈

柳下聽鶯

陰陰煙翠足潛身其柰嬌喉百疇新却憶當年閨闈曉思袍

光照上林春

登第日唱名西宮密
通上林音聞鶯也

日夕觀山

晚晴臺上看巉巖萬壑千峰起翠嵐恰似雲間招五老今宵
有夢定江南

遶隄種菊

酒熟同招隱士看飢來忍把落英餐春風無限開桃李不似
黃花耐歲寒

雙洲

吾聞東海上，有十洲羣仙出入洲。上頭瑤花琪樹聚，麟鳳不與塵世同。春秋吾池不啻涔蹄水，孰謂蓬瀛敢相擬。獨憐亦復櫛雙洲，雲霞業爇煙波裏。飛橋子午凌空虛，朱闌綠柳陰扶疎。亭臺倒影影山色，好四顧彌望皆芙蓉。清風爲賓月爲友，但恨不將池變酒。恍如乘槎泛天河，又疑身在無何有。從知雲海空，復空仙。凡一笑將無同浪游，不必訪弱水。人間亦有蓬萊宮，吾儕小人可惜無仙骨。由來二洲不是池中物。

見圭塘小菴以其專詠圭塘之勝故類附于雜詠之後

柳巷

種柳圭塘路，行行便向榮。雨晴羞眼澁，煙暖細眉橫。色比金猶嫩，枝看翠易盈。林疎無繫馬，葉接有啼鶯。線亂柔條裊，瓊鋪落絮平。尋詩常獨往，送客或同行。艇院塵難到，還家月每明。上通陶令宅，不接亞夫營。京兆時非昔，平康夢自驚。陽關休曼曲，司馬易傷情。但恐春回馭，何將酒解醒。託根因勝境，由徑得嘉名。莫訝公休吏，詩成句未精。

蔬圃

有池可汲園可斲，拂袖歸來心願足。自甘學圃爲小人，愛此菜茹畫苜蓿。元修雨後脆且腴，諸葛數榮濃綠蘿。薑生兒芥有孫芋，魁出水蘋澆沃罷鋤時。或釣池魚隱，凡何曾夢蕉。鹿旣無抱甕，老翁勞亦免趨炎。脅肩辱吾嘗，禹甲第紛紛厭。梁肉吾今旦烹葵，食鬱雜墊簌。彼紫駝峯出翠釜，爭如菘韭侑炊粟。五侯之鯖世所貴，五辛之盤吾亦欲。庸人皆被富貴熏，或羨吾餐是清福。但令此色毋駐顏，雋味齧根克我腹。三年不窺慚仲舒，吾儕何可輕樊須。九月築場十月滌，連年藉此輸官租。

至正己丑歲相城春夏不雨早既盛六月廿九日始雨
入夜沾足吾兄乘樓輿挈婿姪來圭塘縱觀樂甚猶子
楨具饌且有詩兄謂有孚曰詩雖不高其意可取遂走
筆荅之有孚亦技癢弗禁依韻得四首兄載賡之楨亦
自和共八章鶴咏間作於荷聲樹色中不謂此身之在
塵世也時東平孟彥超來尹安陽方走神祠致懇禱甘
澍適應尤可喜也故并及之

買得園亭位面陽百年心事一時償風吹楊柳回鸞舞雨浥
芙蕖墮馬妝相下未成真率會洛中空記姓名香當時太液
池邊宴不令人間六月涼

之文

次和可翁新秋卽事

元詩選

圭塘欵乃

十七

秀野草堂

卅真

池亭殘暑去樂事日相關徑列霜前菊窗招雨後山好詩來
枕上爽氣滿人間極目崇臺晚遙天一鶴還

睡起偶成

清風枕簟水雲鄉夢覺槐根百慮忘起課山僮笑多事飼魚
跟藕摘蓮房

嘉蓮亭宴罷奉陪泛舟夜分始歸賦詩三十韻是日
之宴渤海縣尹吳安之以使來具也

閏七月二十一日

池亭秩芳筵落日始始放晴空散餘霞秋水淨氛垞高荷雖
離披尚爾綠彌望塞豁成璧池不礙雙漿盪縈紆湛澄碧天
宇益虛曠石竇來驚湍松隄俯新漲鼎立洲嶼連浴沔時一
俯釘餌羅珍羞傾倒出奇釀侑以二名姬朱絃倚清唱凝雲
響空翠幽禽或却翎所媿杯行遲負此百川量須臾羣動息
露氣白沆瑒灑然毛骨輕不獨情緒暢鐙火空蒙中仿像江

湖上陋彼西園游飛蓋何冗長云胡漢陂行亦復怯風浪而我方扣舷馮虛恣搖蕩吾兄嚴鄭流高節張邴允少飲如醉翁浮此齋畫舫頗恨交游稀每每折輩行遂令子弟間日侍屢與杖樓船憶當年樂事炊一餉望洋失所操伏櫪今在鞅辭言校疇昔所得多所喪與從天上人何似山中相但恐時易失俛仰異欣悵銀漢淺且清神槎喜無恙人生貴適意前修語非妄榜人報更闌列宿光蕩漾故舊東海頭何當剡溪訪

十二月廿又二日觀雪冷然臺城郭山川四顧清爽小兒誦東坡先生聚星堂詩甚習殊可樂也因憶馬明初云往歲德常杜左司嘗與諸公和之成巨軸然皆不及一見僕則不敢言和但對景乘興謹用其韻爾僭越之罪觀者恕之

元詩選 圭塘欵乃

十一

秀野草堂

花飛六出亂無葉冷然臺上偏宜雪茫茫大地迴無塵渺渺子懷正奇絕山容喜從天際改竹聲時聽池邊折相知更有灞陵翁長途不信心蹤減平原飢兔巧踰藏空闊蒼蠅飽飛掣小兒忍冷從吾觀楚楚毳裘蒙采纈坡詩誦得聚星堂字字珠璣飛玉屑懷賢撫景慷慨生歲月堪憐去如瞥豐年但願太史書故事須從汝南說歸來舉似宋廣平却笑梅花心

似鐵時梅皆凍掛

許太祝植

植字元翰有壬之子以門功補太祝應奉翰林金臺王翰稱許氏昆季之賢羣從之才俊有非他人之所能及者并見于圭塘欵乃集中

次和圭塘雜咏 錄二

日夕觀山

亭西咫尺聳千巖清氣侵凌湧碧嵐紅日欲沈山更好從他
捷徑在終南

月下觀梅

老樹清溪映白沙可人竹外一枝斜黃昏信步前邨去香到
松林賣酒家

瑞蓮歌次可行叔韻

太行山下溪名洹洹溪主人今得賢石渠分溜入方沼種出
萬柄紅白蓮就中一茄發挺特豔妝雙出雲髻鬢有如二女
降嬌泖翠裙紅袖相牽連岐分駭目未信宿里傳耳何喧
闐波神有爲獻嘉瑞要竝太史書豐年主人謙德不敢有福
善自是天行權亭亭植立萬花表可人適在亭之前日酣欲
語轉嬌婉風動似舞尤輕便一時圖寫溢紈素十日車馬空
市廛昔聞萸茱曾表異乃因土階與采椽景星鳳鳥豈常有

四百辛四

元詩選 圭塘欵乃

九

秀野草堂
隱生

考信前史真宜傳醴湖蕪塞不復見而今乃濯圭塘泉禎祥
奕葉定不斷藕絲萬縷相纏絲幽人到此自怡悅膏旨泉石
尤難痊要須紀錄入郡乘千年增重吾山川

睡起偶成次韻二首

乞得西園作醉鄉浮生俗務總相忘水雲清徹荷香裏小艇
虛明似洞房

賦詩舒歡杖藜行水色山光不世情醉臥午窗誰喚醒柳陰
嘯鳥兩三聲

馬教授熙

熙字明初衡州安仁人也歷官至右衛率府教授嘗作
摸魚子樂府十闋并圭塘補和詩附記于後其原序云
欵乃旣歌之明年熙如京師可行泊楨日侍安陽公觴
詠圭塘更唱迭和詩辭凡二百四十有九又明年楨來

京師熙始得伏讀全集大篇雲行短章泉流無非樂日
用之常而憂國憂民之實亦未嘗不默寓其間也楨聞
詩趨庭日有新益而熙乃以抗塵走俗不得與于斯文
媿可勝言邪然可行序引有張本同聲之說固欲援之
入社今雖未至未必峻拒之也于是忘其蕪陋勉強補
和得詩七十八詞八錄次左方惟二先生進而教之

和可行圭塘雜咏

錄二

攜妓落成

省事山翁許鶴隨
燕鷺奔命爲誰疲
情知欵乃多幽事
不付樵青付雪兒

開窗看雨

洞房編葯屋編荷
八面玲瓏得月多
誰遣天飄簡雲過
嫩涼扶我入無何

三五六

元詩選 圭塘欵乃

二

秀野草堂

和可行即事

載書逾十乘儲醬乏
千缸竹影明窺戶
荷香暗度窗對山
方目擊見客又心降
落日層臺表蒼煙
白鳥雙

和可行鄉友具宴

石溜穿渠瀦瀦鳴
眼中幽事總關情
故人載酒不盡醉
好鳥隔花空有聲
但使軒扉常款客
不妨松菊屢尋盟
西風瘦馬長安路
說與山靈笑絕纓

蒲提學道源

道源字得之別號順齋世居眉州之青神徙家興元道源強記過人究心濂洛諸儒之學嘗爲郡學正罷歸絕口不言仕進晚以遺逸徵入翰林改國子博士歲餘引去起提舉陝西儒學不就優游林泉病弗冒御醫藥飲酒賦詩而逝以仲子機貴贈祕書少監哀輯其遺文曰閑居叢藁二十六卷黃文獻公潛爲之序曰國家統一宇內士俗醇美一時鴻生碩儒所爲文皆雄淡渾厚而無靡麗之習承平滋久風流未墜皇慶延祐間公以性理之學施于臺閣之文譬如良金玉不俟鍛鍊瑠瑤而光輝自不可掩蓋當時之風尚如此可以徵世運焉

閑居紀事二首

客從長安回敘闊訪鄰里貌悴於去時因而問所以客悲向

元詩選

閑居叢藁

一

秀野草堂

卅頁

我言此行幸脫死長安遭飢荒食盡到糠粃升合貴不貲珠金何足恃凌晨出求糴于干如櫛比莫歸持空囊菜色皆相似老弱困且羸行隨牆壁倚邛墟向昏黑剽掠羣兇起咸云田中麥苗枯無雨水今年如弗收炊爨當易子予聞重歎嗟禍及乃至此八政食爲先周書本微旨天下苟有飢稷思若由己梁惠戰國時民粟知移徙一夫不獲所古人心媿恥如何填溝壑遽忍立而視此邦粗偷生唇亾寒及齒嗷嗷食口衆身不親耒耜今朝聽此言徒增驚悸耳

古人制昏禮所貴在人倫冠笄年旣邁受幣方交親後世雖偷薄十中五猶遵如何至今日彝典俱湮淪男癡已合配女幼皆成姻安知慮天壽奚暇占吉辰媒妁走市井鼓吹喧城闐百年祇倉卒大事爲因循問之何遽然詔云選佳人傳聞至太甚意失非本真正道難化俗譌言易惑民於初苟不愼

其末弊將臻寄聲秉釣者風俗何時淳

送府史竇彥立遷調奉元

藹藹府中英夫誰可屈指竇君長安人衆論共推美氣和夏
敏才志銳方壯齒畱胷無芥蒂出語有綱紀一朝過我辭試
問其所以廟堂新立法爲吏互遷徒簡書迫程期信宿不容
止門當道途旁所幸還鄉里聞之心惘然別緒紛莫理一杯
送歸轡一言贈吾子人生重名節不義濼可恥青雲路雖高
欲致由踐履去去宜勉旃好音行洗耳

次德衡弟韻

古道不可作轉覺澆風長人心所去就但與時炎涼燕石藏
什襲連城遺路傍汝賢乃迂闊汝直成狂狷世味鼎一臠人
爭染指嘗伊我澹無慮簞瓢身世忘處污奚害潔視變皆爲
常彼哉聲利徒末路空皇皇

置九

元詩選

閑居叢藁

二

秀野草堂

春晚山茶始開示德衡弟

山茶本冬花憔悴遂開晚儕輩鬪芬芳已獨尚息偃及茲春
事淡渥丹始赫烜參列姚魏前正色無婉婉因之觀我生平
昔匪驕蹇衡門自棲遲臨老遇推挽朱紫皆少年跡親心自
遠萃顛豈懷榮田里幸得返功名船上灘歲月輪下坂撫樹
三歎息歲寒同繾綣

仲春十三日大風雪

兩日東風何作惡橫將桃李花吹落陽和歛忽變寒威曉來
陡覺春衫薄紛紛撲面飛蟲亂細看六花驚雪作須臾眼界
失舊觀玉殿瓊林起沙漠細思節物恐差謬始信化工難測
度初遷喬木悔新鷲久屈重泉愁尺蠖仰天致詰不我酬運
候果誰司橐籥便當努力戰客陰一掃晴空開六幕

贈龍巖上人草書

韓云浮屠多技能祇今復見龍巖僧高開懷素去已久有向
死灰求續燈手追心慕忽有得筆底渙然無滯凝雲煙結暝
鬼神泣雷電索怪蛟龍騰懸崖百尋瀉瀑布老樹千歲垂寒
藤鐵爲門限自茲始但恐紙價相仍增我聞雪菴亦工此好
事往往輸縑繒都城顏扁妙天下驟得榮寵非階升龍巖更
須追三昧無俾斯人專美稱

送吳開閑真人

天風吹衣雨浥塵盧溝曉別詩境新石梁雄據天下津羣峰
迤邐西北垠草木點綴生精神驕馬駐足車停輪紛紛追逐
皆朝紳相與祖餞爲何人閑閑嗣師方外臣貌雖老氏心儒
珍恩許還家壽乃親翁媪年皆八十春饒國啓封降絲綸上
尊分賜光祿醇道傍見者咨嗟頻此行豈爲思鱸蓴餽稜遠
瞻戀嚴宸青雲我亦忝致身先世贈典蒙深仁但恨不及生
存辰因君此圖派沾巾

元詩選

開居叢藁

三

秀野草堂

印良

贈傳神李肖巖

人生天地洪鑪中形色散殊俱不同畫師筆底要真似妙想
乃與天機通肖巖後出獨超詣睥睨衆史如兒童京師募寫
富箱篋奇厖福艾多王公神情所賦各臻極千變萬化無終
窮遂爲當代顧陸手足配向來襄鄂雄明窻副本得寓目起
敬毛髮森寒風祇今聲價愈增重姓字已徹明光宮塵容俗
狀亦何者年齒未及先成翁旣無開朗謫仙韻又無圖畫凌
煙功君胡惠然肯相過坐對熟視心神融煤鬢紙上略點畫
稍類雲月猶朦朧須臾壁間出幻影恍若面映新磨銅人能
肖吾不自肖內發感媿顏生紅聖賢體貌等人爾所貴踐履
惟能充作詩答謝肖巖貺但恨意遠辭難工

江山奇絕吳楚鄉畫史又與生錢郎錢郎下筆得天趣意象
髣髴開衡湘浮空水光接巨浸隔岸嵐翠摩穹蒼幽巖梵宮
半隱見老樹樵舍相迷藏中流一葉泛小艇遠澗千尺橫修
梁山居熙熙自太古下視擾擾徒奔忙我來京國行九軌塵
土眯目鬚眉黃困餘偶作林壑夢歸計未遂驚彷徨明窻豁
然看此畫便覺胸次生清涼何時挈舟徑成往長嘯振衣千
仞岡

新麩米酒歌

梅隱先生命
作就為畫

驕陽行空勢方烈刈麥農夫寧憚熱天旋雷動飛玉塵霧渤
雲蒸成麩蘖麥秋方罷還插秧穰稔西風千頃黃腰鎌肩擔
行相逐共趁晴色催登場碓春糠粃光如雪汲泉浙米令清
潔炊糜糝麩同糅和元氣網緼未分裂甕中小沸微有聲魚
沫吐盡秋江清脫巾且漉仍且飲陶然自覺春風生君不見
淵明有田惟種秫醉裏作詩聊自述又不見幽風十月穫稻
忙春酒介壽俱徜徉但願年年遇豐稔夏須三萬六千場

吾音四

元詩選

閑居叢藁

四

秀野草堂

將至中山

中山何處是隱隱望孤城遠靄青林暗斜陽白堦明韓蘇名
不朽遼宋恨應平策馬長途晚風沙老客情

偶書

入樹秋風早驚心節序遷晚雲兼去鶴涼雨靜鳴蟬得句因
新意馳書是宿緣平生愛冲澹何事亦華顛

九月十八日黃菊始開時且禁釀謾成示德衡弟
萼萼秋事杪幽叢花始黃直須彫衆卉纔許見孤芳重露洗
金質嚴風吹綠裳陶翁如有酒何日不重陽

偶記少時小年能綴文詩

彼美誰歟子蘄然早見稱綴文當世有惟汝小年能稚齒爲

星鳳清姿秀玉冰
聯章成脈絡
緝句合規繩
穎悟過長吉
推揚自少陵
可憐東魯客
頭白短檠燈

覺和尚菴賞白蓮

冰雪肌膚出淤泥
伶俜寒影照漣漪
曉風浮冷夢
初醒夜月嬋娟清
更宜未要露
濃垂別淚
先看水滑洗凝脂
陶詩近體驚兒女
大笑廬山遠法師

郭某席間賦

喔喔晨雞喚夢醒
窻銜好月壁銜燈
宦情嚼蠟淡無味
世路登天吁可憎
十載飄零都是客
一塵寂寞靜於僧
調羹事業無勞說
淡謝諸公媿不能

餞楊同知任滿西歸

道侑笳鼓記迎新
又作長亭惜別人
千里畏途成雅俗
一言寒谷變陽春
朝廷有意歸楊震
父老無從借寇恂
金印此行

四言

元詩選 閑居叢藁

五

秀野草堂
訂真

如斗大西還遙望使車塵

九月八日賦二種芙蓉二首

紅芙蓉

豐肌弱骨與秋宜
宿酒酣來不自持
豈爲嚴霜成槁質
要憑初日發妍姿
燕姬入畫猶嫌陋
蜀錦圍窠未足奇
獨對芳叢寄幽興
子高真是遇仙時

轉觀芙蓉

露涼風冷見溫柔
誰挽春還九月秋
午醉未醒全帶豔
晨妝初罷尚含羞
未甘白紵居寒素
也著緋衣入品流
若信牡丹南面貴
此花應是合封侯

次耶律奉使鎮南樓詩韻

雄視坤維有此樓
恍疑八表繼神遊
山連秦蜀相鄰際
水接襄樊不盡頭
陰閩陽關增偉觀
月明風冷怯清秋
百年豪傑

登臨處詩興飄飄隘九州

九月同李子文羅壽甫行城南溪上

溪水泠泠玉佩聲，沿溪路轉忽川平。
襟懷鬱滯得開豁，腰足痺頑時散行。
幾樹霜紅明夕照，數峰煙碧倚寒晴。
茲遊勝友相酬和，殆與秋光欲鬪清。

次韻王仲禮

上已約出郊雨不果往

朋友惟君氣味投，相尋一笑果何由。
暇中值雨唯思睡，貧裏逢春只辦愁。
行樂忍令佳節負，光陰不爲少年留。
且看明日開晴霽，拄杖從公到處游。

初至京城寓居言懷

道途奔走四千餘，憔悴京城餽屋居。
曉逐時英登館閣，夜因羈夢到鄉閭。
將衰敢望功名顯，臨用應慚學術疎。
落日孤雲天一角，眼穿誰爲附來書。

四首四

元詩選

閑居叢藁

六

秀野草堂

題荅失帖木兒大夫所藏王維畫寒林曉行圖

野景荒寒霜意邊，疎林僵立勢參天。
定應畫妙王摩詰，故著詩清孟浩然。
驢怯小橋鞭不動，風掀危帽整還偏。
官閑老我叨君賜，紅日三竿尚晝眠。

和霍思齊接駕

六軍嚴衛抱珠旂，曉發衝開宿霧寒。
象輦塵清千里至，龍顏喜動萬人看。
踐禾屢戒畋秋騎，獻果爭迎住夏官。
自媿涓埃無以報，敢辭奔走候儀鑾。

辭陝西儒學提舉閑居言志

布穀聲中雨散絲，曉窻濃睡正收時。
春來暖透黃紬被，老去甜歸白粲糜。
仕及引年何况病，官雖閑局亦當辭。
爲予多謝門前客，莫怪慵夫應接遲。

金釵翦燭

幼作

歌舞蘭堂夜色淡，燭花輕翦試釵金。分開小鳳雙飛翼，撥盡寒灰一寸心。玉淚亂隨紅裏落，蠟香畱得碧雲簷。短檠二尺挑寒雨，頭白書生正苦吟。

漫題

花下提壺勸酒桑間布，穀催耕甚欲晴。天行樂却因春雨，關情

和趙君錫題王仲禮壁韻

迅速光陰一旅亭，功名不貸鬢毛青。此身未入雲臺畫，半夜披衣望列星。

題王羲之鳳墅續帖

一作題蕭寺

吳山佳處梵王宮，樓閣崢嶸出斷峰。不見子雲當日字，暝煙殘照但聞鐘。

次德衡弟九日以黃酒來貺

三言四

元詩選

開居黃菓

七

秀野草堂

印真

黃如蠅子攢頭赤，酒似鵝兒破殼黃。饋我真成兩奇絕，爲君大醉作重陽。

次仇教授西鄉道中言懷二首

荆榛莽莽暗前邨，間有花枝弄好春。誰料山禽解生事，一聲腸斷未歸人。

花枝不管人爲客，笑向春風滿意開。忽憶尋芳年少事，夢魂曾繞故鄉來。

題洋州土神祠海棠

一點芳心肯破慳，恨無紅錦護朝寒。花如解語應須道，多謝詩人著眼看。

題蒼玉亭卷

冷光翠色入疎櫺，歲晚相看眼共青。靜聽蕭蕭有餘韻，似能和我讀黃庭。

題墨梅圖

春風不解惜瓊英，可是招魂有客卿。
記得小橋曾度處，數枝和月漫溪明。

題瘦馬圖

誰寫驪驅草野間，身行萬里骨如山。
絕勝秣飼無他技，枉占君王十二閑。

題江皋雪霽卷

山川玉潔映朝暉，人世鴻濛果是非。
只許詩家占清景，漁蓑偷載一船歸。

題白汝明秋江晚渡卷

白號橫舟

岡巒迤邐水悠悠，鴈落沙洲古木秋。
隔岸有人愁日暮，急須濟我勿橫舟。

己巳上元

元詩選

閑居叢藂

八

秀野草堂

太平節物自欣欣，燈火龍山鬧徹晨。
今夜月華依舊好，可憐只解照愁人。

賦桺

枯樹生萋色，已嬌低垂江岸。
映溪橋東君，不惜黃金縷散作春風十萬條。

賦石竹

短籬新見出梢梢，蔥蒨都無尺許高。
茜色芳葩工點綴，莫教容易混蓬蒿。

安處士熙

熙字敬仲真定藁城人先世以貲雄離石藏書萬餘卷
金亾徙家熙少承祖父之學聞容城劉靜修名將往從
之游未行而劉卒走往拜其墓錄其遺書而還憲司數
以其行薦於朝無所就至大四年卒年四十二學者稱
默菴先生門人蘇天爵輯其遺文爲默菴集謂其文章
以理爲主皆有爲而作詩學淵明晦翁第以吟咏性情
陶寫造化而已自金源氏與宋分疆以詞章辨博相雄
長元初姚公茂得趙江漢之書而北許魯齋力起而昌
明之而理學始傳靜修能以所學羽翼魯齋而推源於
周程邵朱者也敬仲私淑靜修而尊朱子之說以爲教
遊其門者望而知爲安氏弟子北方之學於是乎益振
敬仲固劉氏之功臣然其詩去靜修遠矣

五百八

元詩選

默菴集

一

秀野草堂

印玉

擬古次韻六首

鬱鬱崑下柏青青水中蒲崑前有幽人壯歲常獨居獨居亦
何爲不羨春華數十年掩關卧門庭盡荒蕪美人殊不來日
夕聽軒車

零零白露下崑谷悴芳蘭蘭悴不復辭誰與念時艱堅冰行
復至雪溪路漫漫愁絕將奈何撫几一長嘆

中州有寒士塊然守空堂清貧久有信壯懷殊未央豈不願
馳騁冒雪凌風霜振策萬里途超忽追鵬翔永念同懷人渺
在天一方悵望不可見慷慨發清商獨處誰晤語百感摧中
腸人生諒難必且莫徒悲傷

採柏空崑下倚竹荒庭前人生非金石君心詎能堅君心或
有淪賤妾終不疏天地一瞬息今古一長途借問離別苦君
心竟焉如不見園中樹日日爭華敷秋風一夕至已逐嚴霜

枯歲晚得去山空難久居

崑崙一何高出此無窮河遙遙何所往不啻萬里多一意在
朝東日夕無停波遠遊計不蚤壯志成蹉跎夫君不我顧鬱
鬱將如何覽物悟物變端居閱年華興來展遐眺緩步空山
阿四顧渺塵世杉柏紛森羅吾樂誠何極憂子獨長嗟眷焉
誰晤語一笑空煙蘿

人生有定分所貴能樂天自輕失所守欲進安敢前思君重
思君此情誰與宣舉頭見明月顧影徒自憐終當謝塵世洗
心聞澗泉

酬王治書仲安

少年不解事妄意欲聞道力小任匪輕今茲半摧倒生平寡
師友恨不識君早所期親杖屨函丈供汛埽盡出胷中疑爲
我細分割奇章忽見示踈踏警中抱過許君豈然無乃習稱
好樞衣或有幸同遊萬物表他年重盍簪會觀太玄草

元詩選

默菴集

二

秀野草堂

病卧窮廬時詠靜修仙翁和陶詩以自適輒效其體
和詠貧士七篇非敢追述前賢聊以遣興云爾

錄二

士生三季後俛俛渺何依空餘身後名炯炯畱清暉自古有
高顏冥鴻快高飛白雲在空谷哀歌嘆安歸雖無首陽薇紫
芝足療飢九原不可作撫已良可悲

靜中有真趣非絃亦非琴耿耿方寸間千年有遺音手植庭
下蘭奇香愜幽尋獨處誰晤語有酒還自斟西山蕨薇多長
往夙所欽塵迹尚淹畱低回愧初心

封龍十詠

錄四

熊耳峯

高五百丈學雲插漢峭
出羣峯山之極高峯也

窮探不憚遠行登最高峯頓覺天宇近一洗羣山空奇哉此
絕境造化天無功神襟一以曠寫我浩蕩曾遠意殊未極更

思脫樊籠何當著神鞭駕此慵飛龍翩翩上箕尾再見開鴻濛長嘯莫雲合輕衣振天風

白雲洞

在獅子峯後華蓋峯西天欲雨則雲從洞出霽則如懸馬

峩峩兩峯間崔嵬聳雙闕中有仙人洞恍若仇池穴朝開白雲生暮掩白雲滅朝昏有奇變宛與人世隔我來蹇綠蘿深尋得幽絕平生棲遁志茲焉益超越未成長往計復愧固窮節永懷靜修銘淒其仰前哲會當結茅屋來此寄疎拙沈思畢舊聞長歌抱明月白雲應更深老眼益清徹未敢獻吾君聊爾自怡悅

修真道館

在獅子峯下中央平坦泉石甚盛宋政和中賜敕額迄今殿宇猶為山中之冠

龍山古靈境連峯鬱蒼蒼林谷四環合修真據其陽怪石通流泉洞府餘清涼傑閣聳奇觀煙霏恣微茫眷予平生心丘壑真膏旨今朝定何朝遂愜棲雲房晴嵐染衣襟頓覺塵慮忘矧爾羸疾拘快若脫繫羶月高風露清空明渺銀潢蓬萊信非遠何處求仙鄉

元詩選

默菴集

三

秀野草堂

甲五

吟臺

在中谿書院宋初李文正公助於此受業

步上吟臺荒極目但平楚四顧渺無人持杯欲誰語心期互招隱自笑非梁父抱膝一長歌商聲振林莽

次韻書事

野性元孤潔無朋儘自蟠業荒聞道淺靜久閱人多靈鳳寧栖杳冥鴻本避羅南遊有高興何處是滄波

病中齋居雜詩次和仲韻五首

錄二

時事今如此幽居獨慨然心期鐘鼎外身世水雲邊病骨侵清晝高懷惜壯年前修渺何在目斷夕陽天

多病交遊少相看動澹辰賦詩聊遣興觀化足怡神問字有知已過門無俗人伊誰同此樂願許卜東鄰

冬日有懷憶故人

病鶴孤鳴在九臬，虛名多累恐難逃。
殘陽入谷隱猶見新月，穿雲出未高。
江上蓴鱸君自適，山中泉石我徒勞。
興來欲駕扁舟去，何處滄波有巨鼇。

仲冬初吉歸途卽事

霧慘雲愁結暮陰，遊方客子正悲吟。
霜風有恨號平楚，寒日無光下遠岑。
滄海齊州半搖落，乾坤今昔幾消沈。
意長世短知誰會，一曲商歌萬古心。

錢雪溪宮人圖

露冷月華白，悠悠方寸心。
夫君渺何許，悵望碧雲深。

中秋不見月

蕭颯西風起，暮愁無端陰。
翳掩晴秋何當放，出中天月重照山河十二州。

三乙四

元詩選 默菴集

四

秀野草堂

故縣道中

塵事年來亦屢更，此身與世澹無情。
弊裘羸馬嘉陽道，只有雲山管送迎。

杏花始開連日大風不獲一賞晨起攜筇往觀之歸而小酌得三絕句 錄二

生紅和露滴，臙脂又到芳春寂寞時。
便擬提壺花下醉，却愁羞殺背陰枝。

杖藜吟繞去還來，收拾春光入酒杯。
自是風花要題品，等閑蜂蝶莫相猜。

陳鄉貢樂

樂字壽翁徽之休寧人七歲通舉子業宋亡科舉廢慨然發憤以爲有功聖門莫若朱氏之學乃著四書發明書傳纂疏禮記集義等書數千萬言延祐開科樂雅不欲就試有司強之中選竟不復赴禮部教授于家不出門戶者數十年臨川吳澄亟稱之凡江東之士就學於澄者悉遣而歸樂學者稱爲定宇先生卒年八十三有詩一卷其句法如笑渠生笏看山色容我扶筇聽水聲柳枝水灑一溪月豆子雨開千嶂煙先苦半生眞食蓼回甘晚景異嘗茶亦殊不多見也

送汪希道入都

希道嘗爲慶訪司照磨鞫刑蠻獄以失出陞仕進者十年

行行觸秋暑勇往觀國光修途或濡滯一瞬北風涼不仕餘十年養親竈罕煬將謁吏部選寸祿願少償庶略助甘旨贖其不遑將不仕果何因憲幕嘗翱翔驅馳海南北訊獄主慈祥註誤陷賊黨詰問加精詳活千七百人解縱還善良幾以失出譴究竟靡濫臧久之天日開歲月坐荒荒濂溪范參父議獄俱慨慷殺人求媚人毋乃欺穹蒼活千人有封君後必當昌安得當吾世而不蒙薦揚當路願鑒之萱草癯北堂俾得早言歸爲養及壽康臨期重丁寧白雲遙在望

元詩選

定宇集

秀野草堂

寄鄭耕巖

古來隱士多躬耕身將隱矣焉用名巢由以降名著稱皆違本志非真情眞隱克隱分僞誠終南捷徑招譏評隱而無名妙不勝詩之衆曠將驚震君家子眞當河平五侯霧塞黃冥冥此何如時可軒騰宏哉掉頭呼不應遂使谷口聞西京名挂法言聲鏗鉤君其裔邪良錚錚幾載龍舒以道鳴巖居高尚追芳馨時哉不同逢文明胡忍被褐韜連城鄭公鄉想多

豪英仲容方奮青雲程曷不彈冠濯塵纓天風再秋鶚孤橫
春浪紅暖翻飛輕幡然堯舜君與吐他年身退當功成法疏
廣受辭恩榮明農巖下相攜行世有工畫傳丹青與令手卷
雙合并

次光姪詩韻

誤子窮途計已疎擇棲所恨匪岡梧酉申乞舍傳書鴈庚癸
呼馳汗血駒儒術謀身慚杜甫老農請學合樊須細思金亦
何勞躍陶鑄從諸天地鑪

再用易巾韻

隨處聊憑製漆紗豈其官樣必京華竹皮最古今苴履椰子
稱奇亦貯茶椰子可爲冠亦可
爲茶瓶見山谷詩禿髮已知頭似筆笑顏底用面如
靴小冠子夏時方尚岌業青雲難自誇

子靜和易巾韻五用韻答之

元詩選 定字集

二 秀野草堂 陳章

月移梅影上窻紗恰讀新篇對月華和似鶯黃盈盞酒清於
兔褐半甌茶金身丈六蓮生座汗脚尺三霜滿靴選佛選官
俱是幻詩名不朽後人誇

圍獵

昆蟲已是蟄藏時獵騎紛紜繞翠微勿謂火攻爲下策略同
兵戰寓危機仁心誰去網三面殺氣似環城四圍乾豆元來
因報本克庖豈但愛鮮肥

晚蟬

秋早梧桐晚風鳴蟬無數樹陰中斜陽似假渠聲勢只是
斜陽不久紅

秋後蠅

夏日營營遶案飛轉多秋後亦何爲從教引類集瓜上落蒂

秋瓜能幾時

胡學正炳文

炳文字仲虎徽之婺源人父孝善先生斗元從朱晦菴
從孫小翁得書易之傳炳文尤潛心朱子之學作四書
通易本義通釋諸書吳文正公嘗薦諸朝不就辟信州
道一書院山長再調蘭溪學正未赴至大間其族子浚
爲建明經書院以處四方來學者儒風之盛甲于東南
面山而居碧峰聳秀嘗作詩云舉頭山蒼然一峰立雲
表因自號曰雲峰元統初卒年八十四集賢院劉謚文
通先生有文集二十卷薦經兵火所存者六十餘篇

星源八景

錄四

龍井曉雲

華光殿東泉有靈下穴空洞神功冥當時忽見蒼虬精年年
簫鼓來相迎五風十雨今年好靈物不要人祈禱非煙非霧
騰清晨五色祥光煥晴昊

仙巖夜月

誰鑿太陰開四洞蟾光照破人間夢靈源千層石髓香金雞
一唱巖花動白玉柱邊眠蒼虬絳花橋下行青牛我來絕愛
讀書室石圓水冷天風秋

北寺昏鐘

日斜一路紅闌干日落四山蒼翠寒雲淡不見招提處一聲
兩聲起林端遙度前溪聲欲絕溪上漁舟撐未歇衆鳥棲定
樹頭雲一僧歸踏松間月

西湖水榭

蚍城誰築溪之涯層樓簇簇排人家兩岸春風好楊柳一池
霽月芙蓉花香與清風遠方覺污泥不染塵不著小亭紅瞰
碧波心著我中間看飛躍

拜岳鄂王墓

有公無此日再拜淚交頤大義君臣重孤忠天地知鳩毛何
太毒龍渡只如斯墳畔休畱檜行人欲斧之

明休寧汪循後序云先生所學之大槩行己之

大節平生不可以告人者
偏于此洩焉而不自覺

題治平寺

二十年前到治平青山歷歷記吾曾花因百五有孤注寺過
十三無一僧雲影長昏天外日榆煙誰換佛前燈新安山水
依然在 不為空門管廢興

濠觀亭

魚不知子樂何必濠上觀子樂子自知月白秋江寒

內樂室

我有安樂窩春風方寸地收拾早歸來此中有淡味

送董溪山

解序

元詩選雲峰集

二

秀野草堂

山溪之號蓋有取於艮止而求溪於斯道者也一日訪
子明經敢發此意題于諸吟卷之尾

洞口桃花易見源頭活水難尋欲知雲盡不盡須到山溪夏
溪

題初門鄭氏墓

參天獨秀幾經春拜墓曾玄數百人隔隴不知誰氏塚斷煙

荒草卧麒麟

桃花馬

望夷宮裏失天真走入桃源避虐秦背上落紅吹不起至今
猶帶武陵春

